

**ХҮЖАМШУКУРОВ Н., ТОШМУХАМЕДОВ М.,  
НУРМУХАМЕДОВА В., РАМАЗАНОВ Н.,  
ДАВРАНОВ Қ.**

**ОЗИҚ-ОВҚАТ ВА ОЗУҚА МАҲСУЛОТЛАРИ  
БИОТЕХНОЛОГИЯСИ**





**ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАҲСУС ТАЪЛИМ ВАЗИРЛИГИ**

**ХЎЖАМШУКУРОВ Н.А., ТОШМУҲАМЕДОВ М.С.,  
НУРМУҲАМЕДОВА В.З., РАМАЗАНОВ Н.Ш.,  
ДАВРАНОВ Қ.**

**ОЗИҚ-ОВҚАТ ВА ОЗУҚА МАҲСУЛОТЛАРИ  
БИОТЕХНОЛОГИЯСИ**

*Ўзбекистон Республикаси Олий ва ўрта маҳсус таълим  
вазирлиги томонидан олий ўқув юрти талабалари учун ўқув  
кўлланма сифатида тавсия этилган*

**ТОШКЕНТ  
2018**

**Хўжамшукуров Н.**

**Озиқ-овқат ва озуқа махсулотлари биотехнологияси. Хўжамшукуров Н.**  
Ўқув қўлланма. Ўзбекистон Республикаси Олий ва ўрта махсус таълим вазирлиги.-  
Тошкент; 2018. – 152 б.

**Тақризчилар:**

**Бўриев Ҳасан  
Чутбаевич**

биология фанлари доктори, профессор. Тошкент давлат аграр университети, "Биотехнология" илмий тадқиқот лабораторияси етакчи илмий ходими.

**Тўхтаев  
Фарход  
Ҳакимович**

фармацевтика фанлари номзоди, доцент. Тошкент фармацевтика институти, "Биотехнология" кафедраси мудири

**Серкаев  
Қамар  
Пардаевич**

техника фанлари номзоди, доцент. Тошкент кимё-технология институти, "Озиқ-овқат махсулотлари технологияси" кафедраси доценти

Мазкур «Озиқ-овқат ва озуқа махсулотлари биотехнологияси» фанидан ўқув қўлланма 5320500-биотехнология (тармоқлар бўйича) таълим йўналиши бўйича таҳсил олаётган бакалавриатура талабалари учун мўлжалланган бўлиб, ундан 5A320501 –Биотехнология (маҳсулот турлари бўйича) мутахассислиги бўйича таҳсил олаётган магистрантлар ҳамда «Озиқ-овқат махсулотлари технологияси» ҳамда «Биотехнология» ихтисослиги бўйича илмий иш олиб бораётган тадқиқотчилар ҳам фойдаланишлари мумкин.

## КИРИШ

Фаннинг ҳар хил тармоқлари ривожланиб бориши билан инсон саломатлиги ва у озиқланаётган маҳсулотлар орасида узвий боғлиқлик борлиги тобора ёрқинроқ ўз аксини топиб бормоқда. Ҳозирги даврга келиб озуқа маҳсулотлари ёки уларнинг таркибига кирувчи алоҳида компонентлари кўплаб хасталикларга сабаб бўлиши аниқланган. Озуқа маҳсулотларини ишлаб чиқаришда қўлланиладиган янги технологик жараёнлар ёки янги ишланмалар соғлом, юқори сифатли озуқа тайёрлаш имкониятларини яратади.

Соғломлик билан озуқа маҳсулотлари орасида мавжуд бўлган ўзаро алоқа озуқа тайёрлашнинг бутунлай янги йўналиши – «Функционал озуқа» тайёрлаш ва уни ишлаб чиқариш учун туртки бўлди. Соғлом озуқа истеъмол қилиш ғояси янги бўлмасдан, у ўтган асрнинг 50-йилларида озуқа маҳсулотларининг таркибини қайта кўриб чиқиш зарурлиги ҳақидаги фикрларнинг пайдо бўлишига олиб келган эди. Орадан кўп ўтмай, 1960-йилларда «табиатга қайтиш» деган истиқлолли шиорлар пайдо бўлган эди. Шундан кейин озуқа маҳсулотлари таркибиغا кирувчи: - холестерин, ёғлар, шакар ва тузларнинг микдорини камайтириш зарурлиги исботлаб берилди. Бу эса озуқа маҳсулотларидаги каллория микдорининг пасайишига, ҳамда озуқа маҳсулотларини тайёрлашга ихтисослашган ташкилотлар мана шу кўрсатмаларга риоя қилишга мажбур бўлган эдилар. Бугунга келиб озуқа маҳсулотларига бўлган талаб бир оз бўлсада яна ўзгарди. Замонавий талабларга кўра, озуқа нафақат соғлом, балки у функционал бўлиши, яъни организмга мақсадга йўналтирилган ҳолда таъсир кўрсатиши зарур.

Кейинги 10-15 йилда ишлаб чиқарилиши йўлга қўйилган энг катта аҳамиятга молик бўлган «Функционал озуқа маҳсулотлари» сифатида балиқ мойи ва ўсимликлардан олинадиган антиоксидантларни кўрсатиш мумкин. Бу маҳсулотлар атеросклеротик ҳамда қон томирининг бошқа касалликларининг олдини олиш хусусиятига эгадирлар.

Замонавий нуқтаи назарга кўра озуқа маҳсулотлари таркибида β-каротиннинг ишлатилиши ҳар хил шиш касалликларининг содир бўлишини пасайтирса, кальций тузлари – остеопороз хасталигини, маҳсус ёғлар эса – юрак-қон томир хасталикларининг олдини олади. Организмга тушган цеплюлоза толалари инсон организмини юрак қон-томир хасталиклардан ва шиш пайдо бўлишидан саклаши аниқланган. Цинк организмнинг ҳар хил юқумли касалликларга чидамлилигини оширади. Магний юракнинг ишемик

касалликлари ва ўткир юрак хасталикларини келиб чиқишининг олдини олади. Функционал озуқаларнинг асосий компонентлари бўлиб, парҳез тола, олиго- ва полисахаридлар, сут бижғитувчи бактериялар, органик кислоталар, аминокислоталар, пептидлар, оқсиллар, глюкоза, этил спирти, изопреноидлар, витаминлар, тўйинмаган ёғ кислоталари (айниқса антиоксидантлик хусусиятига эга бўлган бирикмалар) хизмат қиладилар.

Озиқ-овқат ва озуқа маҳсулотлари биотехнологиясининг асосий вазифаси эса экологик тоза функционал озуқани кенг микдорда ишлаб чиқаришдан иборатdir. Биотехнология ёрдамида (ферментатив катализ, микроорганизмларни ўстириш, ҳайвон ва ўсимлик хужайраларини кўпайтириш ва ҳ.к.) озуқа маҳсулотларини кенг микдорда тайёрлаш имконияти яратилади. Озиқ-овқат ва озуқа маҳсулотлари биотехнологиясининг энг муҳим, асосий вазифаси эса замонавий биология фанлари ҳамда биомуҳандислик фани эришган ютуқларни озуқа маҳсулотларининг анъанавий қайта ишлаш жараёнлари билан бирга боғлаб, янги, замон талабларига жавоб бера оладиган, экологик тоза озуқа етиширишдан иборатdir.

Биотехнологиянинг замонавий усуллари озуқа таркибиغا кирувчи алоҳида компонентларни катта ҳажмда ва кўплаб ишлаб чиқариш имкониятини яратади. Масалан, озиқ-овқат саноатида ишлатиш учун зарур бўлган органик кислоталар, аминокислоталар ва ҳ.к. Бу маҳсулотлар одатда ўртacha баҳоланадилар. Кам микдорда ишлаб чиқариладиган, қимматбаҳо маҳсулотлар сирасига, юқори тозаликка эга бўлган оқсил моддалар, шакар ўрнини босадиган моддалар кирадилар.

Яқин келажакда озиқ-овқат саноати, ўсимликлар ҳосилдорлигининг ошиши, микроорганизмлар ва ҳайвонлар маҳсулдорлигининг кўпайиши ҳисобидан янада ривожланиб кетади деб тахмин қилинмоқда. Бу мақсадга эришиш учун ҳар хил усуллардан, масалан, селекция, мутагенез, хужайра ва ген муҳандислиги усулларидан фойдаланилади.

Озиқ-овқат маҳсулотларини ишлаб чиқариш технологияларига ген муҳандислигини киритиш ҳисобидан анчагина ўзгаришларга эришиш кутилмоқда. Серҳосил, ҳар хил касалликларга чидамли бўлган, тез ривожланувчи трансген микроорганизмлар, ўсимликлар ва ҳайвонлардан фойдаланиш бу тармоқнинг ривожланишига янги туртки бўлганлиги бунинг исботидир.

Замонавий биотехнология озиқ-овқат саноатининг барча тармоқлари билан (шу жараёнда ишлатиладиган организмларнинг сифатини яхшилашдан бошлаб, озуқа маҳсулотларининг сифатини тузатиш ва назорат қилишгача) чамбарчас боғлиқдир.

Ўйлаймизки, мазкур «Озиқ-овқат ва озуқа маҳсулотлари биотехнологияси» фани бўйича давлат тилидаги ўқув қўлланма мустақил мамлакатимизда замонавий биотехнологиянинг янада ривожланишида салмоқли ҳисса қўшадиган ўқув-услубий манбалардан бири бўлиб қолади.

## **I-БОБ. ОЗИҚ-ОВҚАТ, ОЗУҚА МАҲСУЛОТЛАРИ ВА ИЧИМЛИКЛАР ИШЛАБ ЧИҚАРИШ БИОТЕХНОЛОГИЯСИ**

Замонавий нұқтаи назарга күра озуқа маҳсулотлари таркибіда β-каротиннинг ишлатилиши ҳар хил шиш касалликларининг содир бўлишини пасайтирса, кальций тузлари – остеопороз хасталигини, маҳсус ёғлар эса – юрак-қон томир хасталикларининг олдини олади.

Организмга тушган целлюлоза толалари инсон организмини юрак қон-томир хасталиклардан ва шиш пайдо бўлишидан саклаши аниқланган.

Цинк организмнинг ҳар хил юқумли касалликларга чидамлилигини оширади. Магний юракнинг ишемик касалликлари ва ўткир юрак хасталикларини келиб чиқишининг олдини олади.

Функционал озуқаларнинг асосий компонентлари бўлиб, пархез тола, олиго- ва полисахаридлар, сут бижғитувчи бактериялар, органик кислоталар, аминокислоталар, пептиidlар, оқсиллар, глюкоза, этил спирти, изопреноидлар, витаминлар, тўйинмаган ёғ кислоталари (айниқса антиоксидантлик хусусиятига эга бўлган бирикмалар) хизмат қиласи.

Функционал озуқадан фойдаланиш асосан икки мақсадга хизмат қиласи: организмга етарли (керакли) миқдорда метаболик зарур бўлган озуқа компонентлари етказиб бериш ва уни (организмни) ҳар хил касалликлардан ҳимоя қилиш.

Янги озуқа маҳсулотларини тайёрлаш учун юқумли бўлмаган, токсин сақламаган табиий компонентлар ишлатилишини эътиборга олган ҳолда, бундай маҳсулотларни кенг миқёсда ишлаб чиқариш учун тегишли компонентларни кўпроқ тайёрлаш ёки тўплаш энг долзарб масалага айланиб қолишини ҳисобга олиш зарур бўлади.

Биотехнологиянинг асосий вазифаси эса экологик тоза функционал озуқани кенг миқдорда ишлаб чиқаришдан иборатdir.

Биотехнология ёрдамида (ферментатив катализ, микроорганизмларни ўстириш, ҳайвон ва ўсимлик ҳужайраларини кўпайтириш ва ҳ.к.) озуқа маҳсулотларини кенг миқдорда тайёрлаш имконияти яратилади.

Озуқа маҳсулотларини ишлаб чиқаришнинг биологик босқичларини, қатор ўтадиган кимёвий реакцияларнинг бирин-кетинлигига таққослаш мумкин. Катализатор (фермент) иштирокида субстратнинг ўзгариши тез амалга ошишини эътиборга олсак, бошқа шунга ўхшаган реакциялардан афзалроқ ўтишини кузатиш унчалик қийинчилик туғдирмайди. Кўп асрлар

давомида олиб борилган кузатишлар, микроблар ёрдамида (иштирокида) амалга ошириладиган ўзгаришлар, ўзларининг тезлиги ва энергияга бўлган муҳтожликлари бўйича нафақат кимёвий реакциялардан, балки, бошқа биологик манбаларга нисбатан ҳам қатор устунликларга эга эканликларини намойиш этганлар.

Биздан аввал ўтиб кетган авлод-аждодларимиз ҳали микроорганизм деган тириклик борлигидан хабарсиз бўлган даврларда ҳам улар ёрдамида хилма-хил озуқа ва ичимлик маҳсулотлари тайёрлаб истеъмол қилишганлар. Ўша даврларда қандайдир «аниқ бўлмаган куч» борки, у нафақат маҳсулотни тайёрлаш жараёнларида, балки унинг бузилиб, айниб қолишида ҳам иштирок этиши маълум бўлган. Инсонлар биологик моҳиятни тушунмасдан, уни билмасдан туриб, микроорганизмларни сақлаш ва улардан баъзи бир технологик жараёнларда фойдаланиш йўлларини билганлар.

Микроорганизмлардан ажralган ферментлар ёрдамида тайёрланган дастлабки маҳсулотлар пиво ва пишлоқ (сир) бўлса ажаб эмас. Ҳозирга келиб ферментлар ёки микроорганизмларнинг ўзлари асосида яратилган технологиялар замонавий озиқ-овқат саноатида етакчи ўринларда турадилар.

Бугунги кунда озуқа маҳсулотларини ишлаб-чиқариш саноатнинг энг кенг тарқалган соҳаси бўлиб, ҳақиқатда мамлакатнинг бюджет айланмасининг 20-25% ини ташкил этади. Озиқ-овқат саноати бирламчи ишлаб чиқаришдан ташқари кенг тарқалган тармоқларга эга бўлиб, улар хилма-хил типга эга бўлган транспорт соҳаси, коммерция идоралари, идишлар ишлаб чиқарувчи заводлар, савдо-сотиқ тармоқлари, ҳар хил изланиш соҳалари ва бошқаларни ўз ичига олади. Иқтисодий ривожланган мамлакатларда муаммоларни тезкорлик билан хал қилиш мақсадида озиқ-овқат маҳсулотлари ишлаб чиқарувчи компаниялар бирлашиб, йирик мульти-миллий компанияларни ташкил этадилар.

Юқори сифатли маҳсулотлар ишлаб чиқариш кўп омилларга боғлиқ бўлиб, улардан энг муҳимлари, уруғнинг сифати, ҳайвонларнинг зоти селекция қилиб танлаб олинган кўп йиллик ўсимликларнинг сифат белгилари ҳисобланади. Қишлоқ хўжалиги билан истеъмолчилар орасидаги боғлиқлик одатда озиқ-овқат саноати орқали амалга оширилади.

*Озиқ-овқат саноатининг асосий вазифаларидан бири юқори сифатли озуқа маҳсулотлардан қўзга ёқимли, хушибўй ҳидли ва таъмли маҳсулот етишишидан иборатdir.*

*Озиқ-овқат саноати биотехнологиясининг энг мұхим, асосий вазифаси эса замонавий биология фанлари ҳамда биомуҳандислик фани еришган ютуқларни озуқа маҳсулотларининг анъанавий қайта ишлаш жараёнлари билан бирга болғаб, янги, замон талабларига жавоб бередиган, экологик тоза озуқа етишишидан иборатдир.*

Бу мақсадға фақатгина озуқа маҳсулотларини ишлаб чиқариш жараёнларидан биология ва технология фанларининг энг замонавий ютуқларини жорий қилиш орқали эришиш мүмкін холос. Замонавий биотехнологиянинг озиқ-овқат саноатига аралашиши унинг инфратузулмаларини тубдан ўзгартириб юбормайди.

Бунга асосий сабаб тараққиётнинг ҳозирги босқичида, истеъмолчи нуқтай назаридан озуқа маҳсулотлари етишишида кўпроқ озуқа маҳсулотларининг сифати ва кимёвий таркибининг илмий асосланган кўринишига нисбатан уларнинг анъанавий кўринишида бўлиши маъқулроқ кўринади.

Мутахассисларнинг баҳолашларича (шу жумладан патентлар ҳам), янги озуқа маҳсулотлари тайёрлаш билан боғлиқ бўлган илмий изланишлар тайёр маҳсулотнинг тан-нархини 2% дан ошмайди. Кўпинча маҳсулот катта миқдорда ишлаб чиқарилади ва истеъмолчининг қизиқишини эътиборга олган ҳолда имконият борича пастроқ баҳоланади.

Биотехнологиянинг замонавий усуллари озуқа таркибиға кирувчи алоҳида компонентларни катта ҳажмда ва кўплаб ишлаб чиқариш имкониятини яратади. Масалан, озиқ-овқат саноатида ишлатиш учун зарур бўлган органик кислоталар, аминокислоталар ва ҳ.к. Бу маҳсулотлар одатда ўртача баҳоланадилар. Кам миқдорда ишлаб чиқариладиган, қимматбаҳо маҳсулотлар сирасига, юқори тозаликка эга бўлган оқсил моддалар, шакар ўрнини босадиган моддалар кирадилар.

Озиқ-овқат масулотларини ишлаб чиқарувчи корхоналар, саноат бошқа тармоқларининг корхоналарига нисбатан ўзига хосликка эгадирлар. Ишлаб чиқариладиган маҳсулотларнинг кўп сонлилигидан ташқари, улар муайян шароитдаги истеъмолчининг талабларидан келиб чиқкан ҳолда ҳар хил ҳажмда ишлаб чиқарилади. Улар орасида минглаб ишчиларни иш билан таъминлайдиганларидан бошлаб атиги 2-3 киши билан чегараланадиган кичик цехларгача бор. Бу корхоналар ҳар хил техноНглогик жараёнлардан фойдаланадилар. Масалан, механик операциялар (майдалаш, элаш, кесиш, экстракция қилиш, эзиш, аралаштириш, фильтрлаш ва ҳ.к.), биологик

жараёнлар, жумладан ферментатив реакциялар ва микробиологик жараёнлар (аэроб, анаэроб); кимёвий ўзгаришлар (гидролиз, синтез ва бошқалар); физик таъсир (чўкмага ажралиш, ҳарорат таъсири, босим, қуёш нури билан ишлов бериш).

Яқин келажакда озиқ-овқат саноати, ўсимликлар ҳосилдорлигининг ошиши, микроорганизмлар ва ҳайвонлар маҳсулдорлигининг кўпайиши ҳисобидан янада ривожланиб кетади деб тахмин қилинмоқда. Бу мақсадга эришиш учун ҳар хил усуллардан, масалан, селекция, мутагенез, хужайра ва ген муҳандислиги усулларидан фойдаланилади.

Озиқ-овқат маҳсулотларини ишлаб чиқариш технологияларига ген муҳандислигини киритиш ҳисобидан анчагина ўзгаришларга эришиш кутилмоқда. Серхосил, ҳар хил касалликларга чидамли бўлган, тез ривожланувчи трансген микроорганизмлар, ўсимликлар ва ҳайвонлардан фойдаланиш бу тармоқнинг ривожланишига янги туртки бўлиши мумкин.

Замонавий биотехнология озиқ-овқат саноатининг барча тармоқлари билан, (шу жараёнда ишлатиладиган организмларнинг сифатини яхшилашдан бошлаб, озука маҳсулотларининг сифатини тузатишгача) чамбарчас боғлиқдир.

Биотехнологиянинг ачиш-бижгиш жараёнларида янада фаолроқ иштирок этиши кутилмоқда. Озука маҳсулотлари (нон, пишлок, қатик, кефир, йогурт), ичимликлар (вино, пиво, конъяқ, виски, саке, водка), сабзавотларнинг тузланганлари (ферментатив йўл билан олинганлари), - кўпсонли биокимёвий реакциялар оқибатида енгил ҳазм бўлувчи, сифатли, ёқимли мазали озука маҳсулотларига айланиб борадилар. Буни устига замонавий биотехнологиянинг янги имкониятларини масалан, микроорганизмларни йирик ( $1000\text{-}3000\text{m}^3$ ) реакторларда ўстириш, мембраналар орқали фильтрлаш, сепарация қилиш (ажратиш) ҳисобга олинганда озиқ-овқат маҳсулотларини янги, сифатли, ҳамда уларни кўп миқдорда ишлаб чиқаришда биотехнологиянинг роли бекиёс эканлиги янада ёрқин намоён бўлади.

Озука маҳсулотлари ишлаб чиқариш жараёнида намоён бўладиган ўзгаришлар, ўз ўзидан, табиий биологик жараён бўлиб, улар шу маҳсулотлар таркибида бўлган ферментлар ёрдамида амалга ошадилар. Иккинчи томондан эса технологик жараёнларни жадаллаштириш ва уларнинг сифатини яхшилаш мақсадида реакция муҳитига ташқаридан кўшимча

керакли фермент препаратлари киритилади. Бу фикрни тўлароқ намоён қилиш учун қуйидаги 1.1-жадвал келтирилган.

1.1-жадвал

### **Озиқ-овқат маҳсулотлари ишлаб чиқариш жараёнларида ишлатиладиган ферментлар**

<b>Жараён</b>	<b>Фермент</b>
Крахмал гидролизи	α-амилаза, β-амилаза, глюкоамилаза
Фруктоза-глюкоза шарбати ишлаб чиқариш	Пуллуланазалар, ксилизоизомераза, целлюлаза, ксиланаза.
Сут маҳсулотларини қайта ишлаш	Ренин, лактоза, липаза.
Пиво ишлаб чиқариш	α - амилаза, β - амилаза, полигалактуроназа, пектинлиаза, ксиланаза.
Нонвойчилик	α - амилаза, протеаза, липоксигеназа, фосфолипаза А, фосфолипаза Д.

## **САБЗАВОТЛАРНИ ФЕРМЕНТАЦИЯЛАШ**

Сабзавотларни консервация қилишнинг энг қадимий усулларидан бири, бу шўр сувдан фойдаланишdir. Бу жараёнда сут ачитувчи бактериялар иштирок этадилар. Бунда консервант ролини ош тузи ва сут кислотаси бажарадилар. Кўпгина мамлакатларда бу усулдан саноат миёсида фойдаланилади. Карам, бодринг ва бошқа сабзавотлар тузли сувда бижғитиш ёрдамида консервация қилинади. Баъзи ҳолларда баъзи-бир сабзавотлар ёки мевалар олдиндан ишлов беришни талаб қиласди. Масалан, маслинани 18% ли шўр сувга солишдан олдин унинг сатҳида жойлашган олеорупеин – номли гликозид моддаси чақирадиган қўламса мазани йўқотиш мақсадида натрий гидроксидининг эритмаси билан ишлов берилади.

Сабзавотлар шўр сувда бирин-кетин микроорганизмлар таъсирига учрайдилар. Дастроб, кислород бўлганлиги сабабли шўр сувда аэроб микроблар ривожланадилар. Шунга қарамасдан, тезкорлик билан сут ачитувчи бактериялар ва ачитқичлар (*Saccharomyces*, *Torulopsis*) ривожлана бошлайдилар ва оқибатда сут кислотаси ва сирка кислотаси ҳосил бўлади. Бижғишининг охирги босқичида ачитқиларнинг ривожланишлари учун яхшироқ шароит туғилади.

Ачиши мумкин бўлган углеводлар тугаши билан бижғиши жараёни тўхтайди. Бижғиши жараёнини бошқариш мақсадида, ўз-ўзидан ҳосил бўладиган микрофлора ўрнига керакли бўлган бактерияларнинг тоза

штаммларидан фойдаланилмоқда. Бундай шароитда ҳароратни ( $7,5^{\circ}\text{C}$ ) ва тузнинг концентрациясини (2,25%) аниқ ушлаб туриш ҳисобидан юқори сифатли тузланган сабзавот маҳсулотлари тайёрланишига эришилади.

Бижғиши жараёнида сабзавот маҳсулотлари микроорганизмларнинг хушбўй ҳид ва ўзига хос маза берувчи метаболитлари билан тўйинадилар. Бундан ташқари улар оқсил моддалари билан ҳам тўйинадилар. Сут кислотали бижғиши орқали маҳсулот тайёрлаш географияси кўпроқ Шарқ мамлакатларига хосдир. Масалан, тузланган балиқ – бу шарқ таомидир.

Соя ўсимлиги уруғини сут кислотали бижғитиш орқали олинадиган озуқа маҳсулотлари ҳам Шарқ мамлакатларига хосдир.

Маълумки, соя уруғидан жуда ҳам хилма хил маҳсулотлар тайёрланади. Хитой, Япония, Корея, Малайзия, Индонезия мамлакатларида соя уруғига микроорганизмлар ёрдамида ишлов бериш орқали кўп сонли маҳсулотлар тайёрланади. Масалан, Индонезияда тайёрланиб, бутун жаҳонда ноёб (деликатес) ҳисобланган «Темпе неделе» номли таом соя уруғидан ферментация қилиш орқали тайёрланади. Соядан тайёрланган овқатга хушбўй ҳид берувчи ва уни оқсил моддалари билан бойитувчи Корея ва Хитой таомлари ҳам бутун дунёга маълум.

Хитойнинг анъанавий овқати – «Суфу» - сояни *Mucor* замбуруғи билан бойитиш орқали тайёрланади. Япония деликатеси – «Натто» сояни *Aspergillus oryzae* замбуруғи билан қайта ишлаш орқали тайёрланади. Кўпчилик ҳолларда соя ўсимлигини ювиб, тозалаб унга замбуруғ экилади.

Замбуруғ (*Rhizopus*, *Mucor*, *Aspergillus*) секин ўсиб, ривожланиб, ўсимлик тўқималарининг ораларига, ичига кириб кетади ва ўзидан нафақат серкалзорияли оқсил моддалари, балки хушбўй ҳид ва ўзига хос бўлган маза берадиган биологик моддалар чиқарадилар. Шарқ таомларининг деликатеслиги ҳам ана шунда.

Шу ўринда қадимиий Хитой овқати бўлиб келган, эндиликда Япония ва бошқа мамлакатларида ҳам кенг истеъмол қилиб келинаётган соуснинг технологиясини келтиришни лозим топдик. Бу соусни тайёрлаш учун дастлаб тузланган соя уруғи *Aspergillus oryzae* замбуруғи билан ферментация қилинади.

Ҳосил бўлган эритмага тузли сув қўшилади ва 8-12 ой мобайнида биғжишга қўйилади. Арагашма типидаги бу бижғиши асосан *Pediococcus Sobiae* бактерияси ва *Saccharomyces rouxii* ва *Torulopsis* ачитқи замбуруғлари томонидан амалга оширилади. Бундай мураккаб бижғиши

оқибатида маҳсулот тўлиғича микроорганизмлар метаболитлари – сут кислотаси ва бошқа озуқа кислоталари хамда этил спиртидан иборат маҳсулотга айланади. Бижғиши жараёни тугагач, тайёр маҳсулот сиқилади ва идишларга қуйилади. Бундай маҳсулотлар “Моромом” деб юритилади.

## ЧОЙ, КОФЕ

Шарқий Осиё, Африка ва Лотин Америкаси мамлакатларида алкогиз, ферментация қилинган ичимликлар чой ва кофе ўсимликларидан тайёрланади.

Шарқ мамлакатларида чой ичимлиги қадим-қадимлардан буён дармон берувчи ичимлик сифатида истеъмол қилиниб келинган бўлсада, чой тайёрлаш технологияси XX-асрда яратилган, холос.

Чой маҳсулотларининг хилма-хиллиги ўсимликнинг турига ва чой баргига ишлов бериш технологиясига боғлиқ. Чой тайёрлашнинг уч хил технологияси маълум: - қора, кўк ва дубил моддаларини оксидланганлик даражаси ҳар иккаласининг орасида бўлган учинчи хил чой. Тайёр чой ферментация даражасига қараб қуидаги категорияларга бўлинади:

- ▼ **ферментланмаган чой, – бунда дубил моддаларнинг (катехинларнинг) оксидланиши даражаси 12% дан ошмайди;**
- ▼ **кам ферментацияланган чой – дубил моддаларнинг оксидланиши даражаси 12-30%;**
- ▼ **ферментацияланган чой – дубил моддаларнинг оксидланиши даражаси 35-40%.**

Ҳар бир категорияга кирувчи маҳсулотлар оксидланиш даражасига қараб ўз навбатида яна бир неча кичик гурӯхларга бўлинади. Ферментланмаган чой – бу кўк чой. Оксидловчи ферментларнинг фаоллигини йўқотиш учун маҳсулотга сув буғи ёки иссиқ, нам ҳаво билан ишлов берилган. Оқибатда ишлов беришнинг кейинги босқичларида чой баргига ферментатив оксидланиш ўтмайди.

Иккинчи категорияли чой – кам ферментацияланган, қисман ферментация қилинади; бундай чойга сариқ, олранг (қизил) ва қора чойлар кирадилар.

Агар кўк чой тайёрлашда асосий мақсад катехинларни соф ҳолда сақлаб қолиш бўлса, ферментация қилинган, қора чойда чой баргидаги


катехинларнинг барчасини имкони борича тўлиқ оксидлаш туради. Бу технология асосида тайёрланган қора чой ўзига хос хушбўй ҳидга эга бўлиб, яхши дамланади.

Қора чой тайёрлаш учун янги терилган чой баргларига қуидагича ишлов берилади: сўлдирилади, буралади, ферментация қилинади ва қуритилади. Сўлдириш муҳим технологик босқич ҳисобланади, чунки бунда чой баргидан асосий биокимёвий ўзгаришлар содир бўлади, чойнинг таъмини белгиловчи хушбўй бирималар буралиш ва ферментация босқичида пайдо бўлади.

Сўлдириш босқичида асосан пероксидаза ва полифенолоксидаза (пирагалол ядроси сақлаган катехинларнинг оксидланиши) ферментларининг таъсирига муҳим эътибор берилади. Буралиш даврида чой баргининг структурасига шикаст етади ва ҳужайралар бузилади, оқибатда оксидловчи ферментларнинг ўз субстратлари билан учрашувига имкон яратилади. Чой баргидан ферментация эндоген ферментлар ҳисобидан амалга оширилади. Худди мана шу хусусияти билан чой тайёрлаш технологияси озиқ-овқат саноатини бошқа технологияларидан фарқ қиласи.

Чунки кўпчилик технологияларда фермент препаратлари жараённи тезлаштириш мақсадида ташқаридан қўшилади. Чой тайёрлаш технологиясида ферментация асосий жараён ҳисобланади ва тайёр маҳсулотнинг сифатини белгилайди.

Буралиш даврида, ҳужайра структураси бузилиб катехинлар полифенолоксидаза ферменти иштирокида жадал оксидланадилар ва натижада хиноинлар ҳосил бўлади. Кейин хиноинлар конденсацияга учраб, қўнғир рангли моддага айланадилар. Бу жараённи қуидагича изохлаш мумкин:



Шундай қилиб, чой баргининг ферментацияга учраш жараёнида катехинлар оксидланиб конденсацияга учрайдилар, натижада ишлов берилган чой баргларида катехиннинг оксидланган маҳсулотлари - теофлавинлар ва теарубигинлар тўпланадилар.

Бу моддалар чойнинг мазасини, таъмини ва хушбўй ҳидини белгилайдилар. Шубҳасиз чой тайёрлашнинг асосини ташкил қилувчи ферментатив оксидланиш жараёнида биотехнологиянинг роли энг

мухимдир. Масалан, бу маълум шаклдаги катехинларни миқдорий ўзгариши ёки оксидланиш жараёнида тўғридан-тўғри иштирок этувчи ферментлар генларининг фаоллашуви билан боғлиқ бўлган жараёнлардир.

Эрувчан кофе тайёрлаш технологияси тўғрисида фикр юритиладиган бўлса, бу масала жуда ҳам кам ўрганилган. Кофе тайёрлаш технологияси қуидагича: кофе меваси сувда экстракция қилинади, эримасдан қолган чўкма эритмадан ажратилади ва унинг табиий ферментацияси амалга ошади. Бу жараёнда бактериялар ва ачитқи замбуруғлари иштирок этадилар. Худди мана шу жараён кофега ҳид ва таъм беришда муҳим аҳамият касб этади. Умуман олганда кофе тайёрлаш технологияси чуқур илмий асосга эга эмас. Шунга қарамасдан кофенинг сифати кўпчилик ҳолларда (деярли ҳамма вақт) коммерция талабларига тўлиқ жавоб бера олади. Кофе истеъмол қилиш бутун дунёда тобора ошиб бормоқда.

Ҳозирда Лотин Америкаси мамлакатлари ва АҚШда кофе тайёрлашнинг илмий асослари чуқур таҳлил қилинмоқда.

## ПИШЛОҚ ТАЙЁРЛАШ

Сут микроблар ёрдамида табиий йўл билан қайта ишланган биринчи маҳсулот ҳисобланади. Чунки сут таркибида микроорганизмлар озиқланиб, кўпайишлари учун зарур бўлган де ярлибарча компонентлар мавжуд бўлиб, шунинг учун ҳам у тез ачиб қолади. Бу жараённинг асосини сут шакари – лактозанинг сут кислотасига айланиши ташкил этади. Минг йиллар давомида сутни ўзидан-ўзи ачиб қолиш сабаблари ўрганилиб келинган ва оқибатда сутнинг ачиб қолиш сабаблари ўрганилиб, сутдан ачитиш орқали пишлоқ ва бошқа маҳсулотлар тайёрлаш технологиялари яратилган.

Пишлоқ тайёрлаш учун сутга маълум авлодга мансуб бўлган бактерия солинади. Тайёрланадиган маҳсулотнинг сифати, хушбўйлиги, ва бошқа қатор хусусиятлари мана шу бактерияларнинг авлоди ва турига боғлиқдир.

Сутнинг ачиши давомида сут ачитувчи бактерияларнинг кўпайиши муҳим технологик жараён ҳисобланади, чунки кўпайишга мойил бўлган бактериялар бошқа авлодга ёки турга мансуб бўлган бактерияларнинг ўсиб кўпайишига йўл қўймайди ва шу туфайли маҳсулотга ўзига хос сифат, яъни ҳид ва таъм беради. Сут ачитувчи бактериялар ошқозон-ичак микрофлорасига ижобий таъсир қиласидилар. Сутга бактерия солингандан кейин, у маълум ҳароратда ушлаб турилади, бу эса сутнинг ачишига олиб

келади. Бу жараённи чуқурроқ ўтказиш мақсадида, яъни сут таркибидаги оқсил моддаларни парчалаш учун унга қўшимча протеолитик ферментлар солинади. Бундай ферментлар қўзичоқнинг ёки бузоқчанинг ошқозонидан олиниб, у сичуж ферменти ёки ренин деб аталади. Ренин сут эмган бузоқча ёки қўзичоқ ошқозонининг тўртинчи бўлимида ҳосил бўлади. Ҳайвоннинг ёшига қараб сичуж ферменти ўрнига бошқа протеолитик ферментлар ҳосил бўла борадилар ва улар пишлоқ ҳосил қила олмайдилар.

Ҳар йили бутун дунёда 25 млн. литрга яқин сичуж ферменти ишлаб чиқарилади. Шунга қарамасдан бу ферментга бўлган эҳтиёж тўлиғича етарли эмас. Чуқур илмий изланишлар натижасида сичуж ферментига ўхшаган хусусиятга эга бўлган микроб ферменти топилган ва у қисман бўлсада бу ферментнинг ўрнини босиш учун пишлоқ тайёрлаш технологиялар регламентига киритилган.

Яна бир биотехнологик жараён – бу ренин синтез қиладиган генни ажратиб олиниб, у мицелиал замбуруғлар геномига киритилган ва шу йўл орқали сичуг ферментининг жуда ҳам ўхшаш аналоги яратилган. Шундай қилиб, сичуг ферменти саноат шароитида ҳайвонлар ошқозонидан (бузоқча, қўзичоқ, чўчқа боласи) ва замбуруғлардан олинади.

1998 йилнинг маълумотига қараганда, замбуруғлардан ажратиладиган ренин ферментининг аналоги, бу ферментга бўлган талабнинг учдан бир қисмини қоплай олган. Микроб ферментлари пишлоқ ишлаб чиқариш анъанавий катта бўлган мамлакатлар – АҚШ ва Францияда кўпроқ ишлатилади.

Сутга фермент солинганидан кўп ўтмасдан сутдаги казеин оқсили қисман парчаланади. Коагуляцияга учраган казеин гелсимон массани ҳосил қиласи ва ёғ билан ёпишади, шундан кейин ажралган зардоб фильтрлаб ажратиб олинади, қуюқ масса сиқилиб, қолган суюқлик иложи борича ажратиб ташланади ва сурпга ёки бошқа материалга ўраб қуритилади. Кейинги босқич – пишлоқни пишириш (етилтириш).

Сутдан пишлоқ тайёрлаш дегидратацион жараён бўлиб, унда казеин ҳамда сут таркибидаги ёғ моддалари 6-12 маротаба қуюқланади. Баъзи бир пишлоқларни етилтириш жараёнида унга ташқаридан микроорганизмлар (бактериялар ва замбуруғлар) солинади, бу эса пишлоққа хушбўй ҳид, ўзига хос таъм беради.

Табиатда бактериялар авлоди ва турлари ўта кўп бўлгани учун ҳам пишлоқнинг турлари йилдан йилга кенгайиб бормоқда.

Пишлоқнинг таъми, хушбўйлиги ва сифати куйидаги омилларга боғлик: сутнинг тури (эчки, қўй, сигир сути) пишлоқ тайёрлаш ҳарорати, иккиламчи микрофлоранинг иштироки ва ҳ.к. (1.2-жадвал).

1.2-жадвал.

**Ҳар хил турдаги пишлоқларнинг етилишида иштирок этувчи  
микроорганизмлар**

Пишлоқ тури	Сут ачитувчи бактериялар	Иккиламчи микрофлора
<b>Юмшоқ пишиб етилмаган пишлоқлар</b>		
Коттедж	Streptococcus lactis	Lenconostoc citrovorum
Невшатель	Streptococcus cremoris Streptococcus diacetilactis	
<b>Юмшоқ етилган пишлоқлар</b>		
Бри	Streptococcus lactis	Penicillium camemberti
Камамбер	Streptococcus cremoris	Penicillium canoliolum
<b>Ярим юмшоқ пишиб етилмаган пишлоқлар</b>		
Рокфор	Streptococcus lactis	Penicillium rogueforti
Азяго	Streptococcus cremoris	Penicillium claucum
Брик	Streptococcus thermophilus	Brevibacterium linens
Горгонзола	Streptococcus sp	
Монтер	Streptococcus sp	
Сулугуни	Streptococcus sp	
<b>Қаттиқ етилган пишлоқлар</b>		
Чеддер	Streptococcus lactis	Penicillium rogueforti
Швейцарский	Streptococcus cremoris	Penicillium glaucum
Стильтон	Streptococcus durans	Lactobacillus casci
Колби	Streptococcus thermophilus	Lactobacillus helvericus
Груэр	Streptococcus sp	
<b>Жуда қаттиқ етилган пишлоқлар</b>		
Пармиджано	Streptococcus lactis	
Романо	Streptococcus cremoris	
Гуда	Streptococcus bulgaricus	
<b>Пастасимон (эриган) пишлоқлар</b>		
Мозарелла	Streptococcus lactis	Lactobacillus bulgaricus
Проволоне	Streptococcus thermophilus Lactobacillus bulgaricus	

Куйида коммерция учун ишлаб чиқариладиган пишлоқлардан баъзи бирларини келтириб ўтамиз:

- ✓ пишиб етилмаган пишлоқ;
- ✓ кам миқдорда ёғ сақлаган творог;
- ✓ юқори миқдорда ёғ сақлаган кремсимон пишлоқ;
- ✓ пишиб етилган пишлоқ;
- ✓ қаттиқ пишлоқ;
- ✓ «Гуда» - қўй сутидан тайёрланган пишлоқ;

- «Чердер» ёки «Швейцария» пишлоги (бактериялар таъсирида пиширилади);
- «Рокфор» ёки бошқа кўк ранги пишлок (махсус авлодга мансуб микроскопик замбуруғ таъсирида пиширилади);
- Юмшоқ пишлок;
- «Сулугуни»;
- «Лимбургер» (бактериялар таъсирида пиширилади);
- «Камамбер» (бактериялар ва замбуруғлар таъсирида пиширилади).

Юмшоқ пишлоқнинг икки хили пишиб етилган ва пишиб етилмаган сотувга қўйилган (50-80% намликга эга). Пишиб етилмаган юмшоқ пишлок, мисол учун творог, технологик цикл тугаганданоқ тайёр маҳсулот сифатида савдога қўйилади. «Камамбера» ёки «Бри» номли юмшоқ пишлок тайёрлаш учун маҳсус ачитқи замбуруғлари ёки *Penicillium* замбуруғининг маҳсус штаммлари ишлатилади.

Юмшоқ пишлоқларнинг баъзи навлари творог таъмини беради. «Лимбургер» типидаги пишлоққа тузлик сув билан ишлов берилади, бу эса сут ачитувчи бактериялар, ачитқи замбуруғлари ва бактериялар кўпайишини тезлатади.

Яримқаттиқ пишлок тайёрлаш учун етилган массанинг намлигини пасайтириш мақсадида юқори ҳароратда ушлаб турилади. Бундай пишлоқларнинг ўртача намлиги 40-45% дан ошмаслиги керак.

«Чердер» типидаги қаттиқ пишлок 40% гача намлик сақлайди. Қаттиқ пишлок тайёрлаш учун тайёр массага *Penicillium roqueforti* замбуруғининг споралари аралаштирилади ва ғовакчалар пайдо қилиш учун массага ҳаво юборилади. Замбуруғларнинг пайдо бўлиши пишлоққа ўзига хос бўлган хушбўй хид ва таъм беради.

Бундай пишлоқлар Европа мамлакатларида севиб истеъмол қилинади. Бу типдаги пишлоқларга «Рокфор», «Стильтон», «Горгонзола», «Дания кўки» кабилар киради. «Груэр» пишлоғи қаттиқ пишлоқларнинг маҳсус синфига киради. Бу типдаги пишлоқларни тайёрлаш даврида анъанавий усуллар билан биргаликда массага пропион ачитувчи бактериялар (*Propionbacterium shermanii*) аралаштирилади. Бундай бактериялар ўзларидан карбонат ангидридини чиқаради – бу эса маҳсулотга ўзига хос хушбўй хид беради.

Сутдан бошқа маҳсулотлар ҳам тайёрлаш мумкин. Улардан ажралиб турадиганлари нордон маҳсулотлардир. Масалан, кўпчилик мамлакатларда йогурт тайёрланади.

Грузияда унинг аналоги мацони тайёрланади. Одатда йогурт сутга *Lactobacillus bulgaricus* ва *Streptococcus thermophilus* ўстириш орқали тайёрланади. Бу жараёнда *L.bulgaricus* ацетальдегид ҳосил қиласи, *Streptococcus thermophilus* синтез қиласиган ферментлар ёрдамида сут шакари лактоза сут кислотасига айланади ва шу туфайли йогуртга хос бўлган нордон таъм пайдо бўлади.

Сметана (қаймок), қимиз, кефир, виля (Финляндияда кенг истеъмол қилинадиган ичимлик) ва бошқа маҳсулотлар сут ачитувчи бактериялар билан ишлов берилган сутни пастеризация қилиш орқали тайёрланади.

## АЛКОГОЛЛИ ИЧИМЛИКЛАР

Хилма-хил ичимликлар тайёрлашда биотехнологик усуслардан фойдаланиш тобора ошиб бормоқда. Алкоголли ичимликлар ўзларининг белгиларига, кўрсатгичларига қараб ҳар хил гуруҳларга бўлинишлари мумкин. Шундай бўлсада, уларни технологик кўрсаткичларига қараб, ферментланган ва ферментланмаган гуруҳларга бўлиш мақсадга мувофиқ бўлар эди. Ичимлик таркибидаги алкоголнинг миқдорига қараб эса – концентранган, дистилланган ва концентранмаган гуруҳларга бўлиш мумкин. Ферментация жараёни (бижғиш) нафақат спирт ҳосил бўлишини ўз ичига олади. Бу жараёнда ачитқи замбуруғларнинг метаболик имкониятларидан келиб чиқсан ҳолда ачиётган мухитда қатор бирикмаларнинг кетма-кет ўзгариб туришларини қузатиш мумкин.

Замонавий биотехнологик усуслар орқали (уларнинг ёрдамида) мана шу бижғиш жараёнида иштирок этадиган организмларнинг метаболик имкониятларини янада кенгайтириш имкониятлари яратилади. Бу эса алкогольли ичимликлар тайёрлашда биотехнологиянинг ролини аниқлаб беради. Кўпчилик алкогольли ичимликлар бошоқли ўсимликларнинг уруғини ёки бошқа крахмал сақловчи маҳсулотларни қайта ишлаш орқали тайёрланади. Россия, Голландия, Олмония, Польша, Скандинавия мамлакатлари ва бошқа қўргина мамлакатларда пиво ва бошқа бақувват ичимликларни бошоқлардан тайёрлаш анъанага айланган.

Европанинг жанубий мамлакатлари: Испания, Италия, Франция, Греция, Югославия (собиқ), Грузия, Арманистон, Молдова – бундай ичимликларни асосан узумдан тайёрлашади. Ҳар хил қувватга эга бўлган ичимликларни ҳар хил мевалар (олма, олхўри, тут меваси, шафтоли, тропик ва субтропик ўсимликларнинг мевалари) ва асалдан тайёрлаш ҳам анъанага айланиб бормоқда.

Алкоголли ичимликларни одатдан ташқари кўп хилда чиқаришнинг бир неча сабаблари бор. Бундай сабаблардан асосийси ичимлик чиқараётган мамлакатнинг иқлим шароити билан боғлиқ. Осиё мамлакатларида алкоголли ичимликлар тайёрлаш бўйича катта тажрибалар йўқ. Одатда, қадимда шароб тайёрланган (бу ҳам иқлим билан боғлиқ бўлса ажаб эмас). Ҳозирда ишлаб чиқариладиган ичимликлар ташқаридан келтирилган технологиялар асосида тайёрланади, шунинг учун бўлса керак, сифати бўйича бошқа мамлакатларда чиқариладиганларидан анча фарқ қиласди.

Алкоголли ичимликларни ишлаб чиқариш ва сотиш, ўрта асрларданоқ мустаҳкам бизнесга айланган. Мана шунинг учун ҳам бундай ичимликларни (вино, конъяк, виски, водка ва ҳ.к.) тайёрлаш жараёнларига бирор-бир янгилик киритиш катта қаршиликларга учрайди. Шуни алоҳида таъкидлаш лозимки, “қўл бола” ичимликлар тайёрлаш муаммоси бутун дунёда кенг тарқалгандир. Афсуски, алкоголли ичимликлар тайёрлашда ягона халқаро назорат тизимини ташкил қилиш имконияти яратилгани йўқ. Алкоголли ичимликлар тайёрлаш учун ўсимлик субстратларидан – моно-, ди-, олигосахаридлар ва полисахаридлардан (крахмал, целлюлоза, баъзида гемицеллюлоза) фойдаланилади.

Полисахаридларни олдиндан парчалашга (гидролиз) тўғри келади. Бу жараён эса тегишли ферментлар ёрдамида (крахмал – амилазалар; целлюлоза ва гемицеллюлоза эса целлюлитик ферментлар) камдан кам ҳолларда концентранган ноорганик кислоталар (сульфат ёки хлорид кислоталар) иштирокида амалга оширилади. Полимерларни кислоталар ёрдамида парчалаш одатда техник мақсадлар учун ишлатилади.

Целлюлоза ва гемицеллюлоза сақловчи маҳсулотлар озука спирти тайёрлаш учун одатда яроқсиз ҳисобланади ва шунинг учун ҳам улар фақатгина техник мақсадлар учун спирт олишга ишлатилади.

Субстратларга тегишли ишлов берилгандан кейин (полисахаридлар парчалангандан сўнг), шакар эритмасига ачитқи замбуруғи солинади. Одатда бу мақсадда сахаромицетлар (*Saccharomyces sp.*) ишлатилади.

Камдан кам ҳолларда бактериялардан – *Zymomonas mobilis* дан фойдаланилади. Бундай усул күпроқ Марказий Америка мамлакатларида күпроқ ишлатилади. Сахаромицетлар ҳар хил моносахаридларни – глюкоза, фруктоза, галактоза; ва дисахаридларни – сахароза, малтозани этил спиртигача бижғитиб берадилар.

Сахаромицетлар бошқа авлодга мансуб бўлган ачитқи замбуруғларига нисбатан этил спиртига чидамли эканлиги аниқланган. Бижғиши жараёни тугаганда аралашмада 14-16% гача этил спирти тўпланади. Бижғиб турган муҳитда этил спиртининг бу миқдори ачитқи замбуруғининг ўсишини тўхтатади, бу вақтга келиб муҳитнинг кислоталилиги кўтарилиб боради. Бунга сабаб сахаромицетлар томонидан синтез бўладиган органик кислоталарнинг миқдорини ошишидир. Бижғиши жараёнида ҳосил бўлган спирт эритмасининг биологик хусусияти, тўғридан-тўғри суюлтирилган спирт эритмасидан мана шу билан фарқ қиласди. Технологик циклнинг кейинги босқичи – бу дистилляциядир. Бу жараён ва унда ишлатиладиган асбоб ускуналар илмий ва техникавий адабиётларда кенг ёритилган.

*Дистилляция – бу этил спиртни концентрация қилиши ва унинг тоза фракциясини ажратишидир.* Мана шу босқич кенг маънода алкоголли ичимликларнинг сифатини белгилаб беради.

Баъзи бир ҳолларда тайёр маҳсулотнинг органолептик сифатларини тузатиш мақсадида, этил спиртининг ўзига ҳос ҳид ва хушбўйлик берадиган моддаларда тиндириб ҳам қўйилади. Одатда қувватли ичимликларда этил спиртининг миқдори 20-50% орасида бўлади. Қувватга соладиган ичимликлар ва ликёrlар тайёрланганида ҳар хил ўсимликларнинг гулларидан, баргларидан ва меваларидан ажратиб олинган хушбўй моддалардан фойдаланилади.

Шу мақсадда синтетик моддалардан ҳам фойдаланиш йўлга қўйилган. Қўйида келтирилган 1.3-жадвалда ҳар хил ферментация қилинган ичимликлар келтирилган.

1.4-жадвалда эса кенг тарқалган ва миллий ферментланган ва дистилланган (ёки этил спирти бўйича концентрланган) ичимликлар келтирилган.

1.3-жадвал.

### **Ферментланган, дистилланмаган алкоголли ва алкоголиз ичимликлар**

<b>Субстрат</b>	<b>Ичимлик</b>	<b>Ишлаб чиқарадиган мамлакатлар</b>
Бошоқлилар, арпа (крахмал)	Пиво Эль	Марказий Европа Бельгия, Германия, Канада
Арпа, шоли, жавдар, шакар лавлаги	Квас	Россия, Украина, Германия
Просо	Боуза, Тумба	Украина, Индия
Шоли, мевалар, узум, чиқиндилиари	Водка  Саке  Сонт	Яқин шарқ, Хиндистон, Россия, Италия, Грузия  Япония.  Хиндистон.
Шоли	Ганг-чу	Хитой
Узум	Вино	Яқин шарқ. Европа, Хитой, Австралия, АҚШ, Жанубий Америка, Марказий Осиё.
Олма	Сидр	Буюк Британия, Франция.
Асал		Буюк Британия, Россия.

1.4-жадвал.

### **Ферментланган қувватли ичимликлар**

<b>Субстрат</b>	<b>Махсулот</b>
Меласса	Ром
Агава	Текила
Олхўри	Сливовица
Олча	Кирги
Узум	Конъяк (бренды)
Маккажўхори, жавдар	Бурбон, виски
Картошка, буғдой, жавдар	Ароқ
Арпа	Виски
Арпа, картошка	Акватит
Нок	Нок брендиси
Шоли	Хитой брендиси

## **ВИНО**

Бир кўринишда ажабланарли туюлсада, вино тайёрлаш технологияси пиво тайёрлашга нисбатан оддийроқ ҳисобланади. Бу жараён 5000 йиллар мобайнида деярли ўзгармади. Тахмин қилишларича вино Яқин Шарқ ва Европа мамлакатларининг ичимлиги ҳисобланади, бу минтақаларда токнинг ҳар хил навлари (*Vitis vinifera*) ўстирилади. Бугунги кунгача виночилик Франция, Италия, Испания, Германия, Греция, Венгрия, Молдова, Россия,

Украина, Кавказ орти мамлакатлари, ҳаттоғи Марказий Осиё мамлакатлари, Хитой ва бошқа мамлакатларда ҳам кенг ривожланган.

Бу мамлакатларда токнинг эндемли навлари кўпроқ тарқалган. Кейинги вақтларда вино тайёрлайдиган мамлакатларнинг географияси тобора кенгайиб бормоқда ва уларга Австралия, АҚШ, Чили, Аргентина, Истроил, Жанубий Африка Республикаси ва бошқа мамлакатлар қўшилдилар. Бу мамлакатларнинг тупроқ ва иқлим шароити ток ўстиришга мос келади. Бир неча юз йиллар мобайнида токнинг оқ ва қизил узум берувчи, селекция йўллари билан танланган навларидан таркибида 15-25% шакар сақлаган шарбат сиқиб олинади ва ундан вино тайёрлаш учун фойдаланилади. Қизил вино қора узумни сиқиш ва бутун массани ферментация қилиш орқали олинади. Бинафша вино – оқ узумнинг шарбатига қора узумнинг пўстлоғини (шарбатини сиқиб олгандан кейин қолган массани) аралаштириш йўли билан тайёрланади.

Яқинларгача узум шарбати табиий микрофлора ёрдамида ўз-ўзидан бижғитилар эди.

Эндиликда спиртли бижғиши жараёнига бўлган эътибор тубдан ўзгарган. Юқори сифатли вино тайёрлаш учун маҳаллий шароитга мослаштирилган селекция йўли билан танлаб олинган ачитқи замбуруғининг тоза культурасидан фойдаланилади, бу эса мўътадил равишда бир хил сифатли вино тайёрлаш имконини беради. Аввал айтиб ўтилганидек, бу мақсад учун *Saccharomyces* авлодига мансуб бўлган ачитқи замбуруғининг маҳаллий шароитга мослашган штаммларидан фойдаланилади. Бижғиши маълум шароитда амалга оширилади: катта ҳажмли маҳсус идишларда 7-14<sup>0</sup>С да олиб борилган бижғиши жараёни мақсадга мувофиқ натижалар беради. Бижғишининг тугаганлигини ҳар хил кўрсаткичлардан сезиш мумкин. Улар орасида энг муҳимлари қўйидагилар: этил спиртининг миқдори, шакар қолдиги, глицерин, учувчан кислоталар миқдори ва ҳ.к.

Бижғиши тамом бўлганида вино таркибидаги спирт миқдори 10-14% бўлиши керак. Бундан ташқари бижғиши жараёнидаги кўпинча параллел равишда бактериал (*Leuconostos sp.*) бижғиши ҳам амалга ошади ва унда олма кислотаси, сут кислотасига айланади. Бижғиши тугагандан кейин янги ёш вино қариши учун каттароқ ҳажмдаги идишларга қўйилади. Бундай вақтда эман ёғочидан тайёрланган идишлардан фойдаланиш яхши натижалар беради. Винони сақлаш жараёнидаги унинг ҳарорати пасаяди ва

чўкма ҳосил бўлади. Одатда бу жараён бижгийдиган массада кимёвий ўзгаришлар содир бўлиши билан бир вақтда ўтади.

Юқорида айтиб ўтилганидек вино ишлаб чиқариш озиқ-овқат саноатининг энг қадимий технологияларидан ҳисобланади. Шунга қарамасдан баъзи бир мамлакатларда винони катта ҳажмда тайёрлаш мақсадида доимий ўстириш усулидан фойдаланилади. Бу технологияга асосан бижғиши кетаётган чанга (идишга) доимий равишда узум шарбати қуйиб турилади ва ундан худди шу ҳажмда ёш вино қуйиб олинади. Шуни алоҳида таъкидлаш керакки, маълум устуворликга эга бўлишга қарамасдан, бу усул кенг миқёсда қўлланила олмади.

Юқорида келтириб ўтилган технологиялар мевалардан вино тайёрлаш учун ҳам ишлатилади. Баъзи бир ҳолатларда, масалан гуручдан ичимлик (саке) тайёрланаётганда крахмални ферментация қилиш жараёнида керакли миқдорда бижгийдиган шакар моддалари ажралади. Саке 20% этил спирти сақлайди. Қувватлироқ вино тайёрлаш учун тайёр маҳсулотга керакли миқдорда тоза этил спирти қўшилади. Кўпчилик винолар 20% гача этил спирти сақлайди. Шунинг учун ҳам улар микроблар томонидан ифлосланмайдилар. Бундай винолардан баъзиларининг номларини келтириб ўтамиз: «Портвейн», «Вермут», «Шерри», «Кагор», «Мускат», «Токай» ва ҳ.к.

«Фино» ва «Херес аммотилиядо» (Испаниянинг Херес деган районида тайёрланган) бундан мустасно. Бу номли виноларни тайёрлаш учун винонинг қувватини ошириб бўлгач, уни «қаритиш» мақсадида оғзи очик идишларга қуйилади, яъни кислородли муҳит пайдо қилинади, бу эса ўз навбатида винонинг тозасида микрофлора пайдо бўлишига олиб келади. Одатда бу микрофлора таркибида сахаромицетлар ҳам учрайдилар. Мана шу микрофлоранинг метаболитлари «Херес» типидаги виноларга хушбўй ҳид бериб туради.

Вино тайёрлаш билан шуғулланадиган мамлакатларнинг бу технологияларга бўлган муносабатлари бир-бирларидан фарқ қиласди. Бунга сабаб вино тайёрлашда ишлатиладиган узум навларининг ҳар хиллиги, ачитқи замбуруғлари штаммларининг хусусиятларидаги фарқ, винони баҳолашдаги фарқлар билан боғлиқдир. Виночиликни муайян мамлакатнинг иқлими, шу мамлакат ҳалқларининг маданияти ва анъаналаридан ажратилган ҳолда муҳокама қилиб бўлмайди, чунки, айни ана шу омиллар виночиликнинг имкониятларини яратади.

Винонинг фойдали хусусиятлари ҳақида жуда ҳам кўп адабиётлар чоп этилган. Аниқланишича, винода 700 дан кўпроқ ҳар хил кимёвий табиатга эга бўлган метаболитлар топилган, булар: антиоксидантлар, пептидлар, органик кислоталар, алкалоидлар, стероидли гормонлар, ҳар хил табиатли фенол бирикмалари, углеводлар ва ҳ.к. Масалан, охирги йилларда чоп этилган илмий адабиётларда кўрсатилишича, фенол бирикмаларнинг организмга таъсири ҳар томонлама аҳамият касб этади. Бу бирикмаларни модда алмашувида иштирок этиши уларнинг аҳамиятини янада ошириб юборди. Вино таркибидаги фенол бирикмалари цинга, авитаминоз, плеврит, перитонит, эндокардит, нурланиш, глаукома, гипертония, ревматизм, атеросклероз каби қатор хасталикларга даво эканлиги адабиётлардан маълум. Шундай экан, кам қувватли узум виноси кам алкоголли шифобахш шарбат сифатида, меъёрида истеъмол қилинганда, инсон саломатлигига хизмат қилиши мумкин.

Адабиётларда спиртли бижғиш жараёнини олиб борувчи *Saccharomyces cerevisiae* ачитқи замбуруғининг генетик тавсифини ўрганиш ҳақида кўплаб маълумотлар мавжуд.

Рекомбинантли ДНК технологияси ёрдамида кенгроқ метаболитик спектрга эга бўлган ачитқи замбуруғи культуралари яратилган. Улардан баъзи бирлар фақат алоҳида технологияларда, масалан лактоза, пентозалар ва целлобиозалар бижғитиши жараёнларида ишлатилмоқда.

Олимларнинг фикрларича экологик тоза вино маҳсулотлари тайёрлаш учун ачитқи замбуруғларининг шундай штаммларини яратиш лозимки, улар ўзларининг асосий вазифаларидан (бижғитиши) ташқари, токнингнг агротехникаси учун зарур бўлган (ишлатиладиган) кимёвий моддаларни истеъмол қилиб, уларни узум мевасига ўтадиган фойдали моддаларга айлантириш хусусиятига эга бўлсин.

## ПИВО

Шакар моддалари эриган суюқликда микроорганизмлар тез ривожланиши барчага маълум. Худди мана шу воқейлик кўпгина технологик жараёнларни яратиш учун хизмат қилди десак хато бўлмайди. Ер шарининг хилма-хил жойларида олиб борилган археологик кузатишлар асосида олим ва мутахассислар бошоқли ўсимликлардан олинган

экстрактларни бижғитиши бундан 6000 йиллар аввал бошланған деган фикрга келишганды.

Бундан 20-25 йил аввал пивони асосан истеъмол қилувчилар Европа мамлакатлари, АҚШ ва Австралия ҳалқлари деб ҳисобланған бўлса, бугунги кунга келиб, бу фикр анчагина ўзгарган. Пиво Хитой, Ҳиндистон (гуруч пивоси) ҳатто араб мамлакатларида ҳам, ҳатто Марказий ва Жанубий Африкада ҳам пиво (соргодан тайёрланган) севиб истеъмол қилинадиган бўлиб қолди.

Бугунги кунда дунёning барча мамлакатларида пиво истеъмол қилинади десак хато бўлмайди. Айниқса, охирги 10-15 йилда бу ичимликка бўлган эҳтиёж кун сари ошиб бормоқда. Маълумотларга қараганда дунёда пиво тайёрлаш йилига 1 млн. гектолитрдан ошиб кетган. Мутахассисларнинг фикрларича бундай анъана яна 20-25 йил давом этиши мумкин.

Пиво крахмал сақловчи бошоқли ўсимликлардан тайёрланади. Пиво тайёрлашнинг технологик чизмаси қўйидагича: қуруқ арпа, то униб чиққунга қадар сувда ивитиб қўйилади. Эндинга униб чиққан арпа дони майсаларида амилаза ва протеаза ферментларининг фаоллиги ошади. Амилаза ферменти крахмални олигодекстринларгача парчалайди, бу эса пивонинг ёпишқоқлигини ва қўпик ҳосил қилишини белгилаб беради.

Протеаза ферменти уруғдаги оқсил моддаларни аминокислоталаргача парчалаб беради. Бу моддалар ачитқи замбуруғлари ўсиб ривожланишлари ва пивога ўзига хос хушбўй ҳид бериш учун энг зарур моддалардир. Униб чиққан арпа майсалари майдаланади ва сувга ( $60-65^{\circ}\text{C}$ ) солинади. Бундай шароитда майса ривожланишдан тўхтайди (ўлади), ферментлар (амилаза, протеаза) эса ўз фаолликларини сақлаб қоладилар. Сувдаги аралашма (солод) катта чанларга қўйилиб, бир неча соат ушлаб турилади. Мана шу вақт мобайнида крахмал ва оқсил моддаларнинг парчаланиши билан боғлик бўлган асосий ферментацион жараён тугайди.

Сувли эритма, (уни шунингдек пиво суслоси ҳам деб юритилади) чўкмадан ажратилиб, хмель аралаштирилади ва қайнатилади. Хмель пивога хос хушбўй ҳид беради ва пивога антисептик хусусият беради. Кейин хмель фильтрлаш орқали эритмадан ажратиб олинади. Тоза эритма бижғитиши учун тайёр ҳисобланади.

Ферментация ёки бижғитиши маҳсус идишларда – биореакторларда ачитқи замбуруғларининг маҳсус штаммлари иштирокида амалга оширилади. Бу мақсад учун одатда *Saccharomyces cerevisiae* нинг этил

спирти синтез қилувчи махсус штаммларидан фойдаланилади. Шунингдек *Saccharomyces carlsbergensis* ҳам ишлатилади.

Бугунги кунда бу штаммлар генетик модификация ҳам қилинган (протопластлар ёпиширилган, генлар клонлаштирилган) ва ачитқи замбуруғининг янги, фаолроқ шакллари яратилган.

Англиядан бошқа Европа мамлакатларида пивони сахаромицетлар ёрдамида бижғитиш жараёни 10-15°C да олиб борилади. Англияда эса бу жараён 28-30°C да ўтказилади. Албатта ҳарорат пивонинг хусусиятига таъсир кўрсатади. Бижғиши жараёни тугагандан кейин пиво бир неча ҳафта мобайнида чанларда 0-2°C да ушлаб турилади ва кейин пастеризация қилиниб, бутилларга қадоқланади.

Пиво узоқ муддат сақлаб турилганда, иссиқлик ёки ёруғлик таъсирида лойқа пайдо бўлади, бу эса пивонинг товар кўринишига салбий таъсир кўрсатади. Пиво лойқаланмаслиги учун АҚШда пиво таркибидаги оқсил моддаларни қисман парчалаш усули яратилган. Бу усул протеолитик ферментларнинг таъсирига асосланаган ва унда совук ҳолатларда лойқа ҳосил бўлишини деярли олди олинган. Бу мақсад учун папайн, пепсин, фицин, бактериал протеазалардан фойдаланилади. Энг аввало протеолитик ферментлар pH 4,5 (пивонинг pH кўрсатгичи) да фаол бўлиши шарт. Фермент миқдорини шундай белгилаш керакки, ундан оқсил қисман парчалансин, акс ҳолда пиво кўпикланиш хусусиятини йўқотиб, таъмини ўзгартиради.

## НОН

Нонвойчилик инсониятнинг энг қадимий қасбларидан биридир. Бунга сабаб нон инсон озиқланиши учун физиологик зарур бўлган компонент ҳисобланади. Нон тайёрлаш инсон цивилизациясининг бошларида бошланган бўлса ажаб эмас. Дастраси нон сувга аралаштирилган уннинг пиширилгани бўлган. Ўшандан бошлаб ҳозирги кунгача нон тайёрлаш доимий равишда такомиллашиб бормоқда.

Бу масалада мамлакатимизда катта тажриба тўпланган. Эътибор қилсангиз, ҳар бир вилоятнинг нон ёпишдаги тажрибалари кўз ўнгингизда намоён бўлади. Технологик нуқтаи назардан нон тайёрлашда ачитқилардан фойдаланиш катта аҳамият касб этди. Шу ўринда нон тайёрлаш жараёнида ачитқи дастлаб ҳаводан тушган десак хато бўлмас. Кўп мамлакатларда нон унга ачитқи, туз, шакар ва озроқ ёғ ёки маргарин қўшиб тайёрланади. Бу

компонентлар ачитқини тез ривожланиши учун зарур ва оқибатда ноннинг сифатини яхшилашга хизмат қилади. Бугунги кунда миллий урф-одатлар, калорияни кўтариш, парҳез, тўй-хашам ва бошқа эҳтиёжлардан келиб чиққан ҳолда нонга бошқа компонентлар ҳам қўшилади.

Унни тузли сувда яхшилаб аралаштиргандан кейин унга *Saccharomyces cerevisiae* ачитқи замбуруғи қўшилади. Бошоқлилар, жумладан буғдой кам миқдорда паст молекуляр массага эга бўлган, бижғийдиган шакар моддалари сақлайди. Иккинчи томондан 50% дан кўпроқ крахмал сақлайди ва у ачитқи замбуруғлари томонидан парчаланмайди. Шунинг учун ҳам крахмални глюкоза ёки малтозагача парчалайдиган ферментлардан фойдаланилади.

Илмий изланишлар натижасида ун таркибидаги крахмал замбуруғ ва бактериялардан олинган амилазалар ёрдамида яхши парчаланиши аниқланган. Крахмалнинг гидролизи хамирга ташқаридан қўшиладиган амилолитик ферментлар ёрдамида амалга ошади.

Амилолитик комплекс бир неча ферментларни ўз ичига олсада, улардан фақатгина иккитаси: амилаза ва глюкоамилаза нонвойчиликда кенг қўлланилади. Амилазани замбуруғлар (*Aspergillus oryzae*, *A.niger*, *A.awamori* ва бошқалар) ва бактериялар (*Bacillus subtilis*, *B.amyloliginefaciens*, *B.mesentericus*, *B.stearothermophilus*) синтез қиладилар. Глюкоамилаза фақатгина қора аспергилларда (*Aspergillus awamori*, *A.niger* ва бошқалар) кўпроқ синтез бўлади.

Нонвойчиликда ишлатиладиган бактерия ёки замбуруғ амилазалари орасида устуворлик замбуруғ ферментларига берилади. Бунга асосий сабаб замбуруғ α-амилазалари бактерияларникуга нисбатан ҳароратга чидамсизроқ, юқори ҳароратда тез парчаланиб, нон мағзига салбий таъсир кўрсатмаслигидир. Замбуруғ амилазаси қўшилган хамирда шакар миқдори кўпроқ бўлиб, ачиш жараёни тўлароқ ўтади, карбонат ангидрид гази кўпроқ чиқади, меланоидинлар ҳосил бўлиши ошади ва тайёр маҳсулотни сақлаш вақти чўзилади.

Фермент қўшилганда нон, кекс ва нон маҳсулотларининг таъми яхшиланади, хушбўй ҳидли, ташқи кўриниши ёқимли бўлади. Замбуруғлардан олинган α-амилаза таркибида протеаза ҳам учрайди, бу эса хамирдаги оксилларнинг, хусусан асосий оксил – клейковинанинг ҳам парчаланиб кетишига олиб келади. Шунинг учун ҳам нонвойчиликда протеазанинг фаоллигини тўхтатиб кўядиган модда (ингибитор) калий

бромат ишлатилади. Буғдойни қаттиқ навларидан олинадиган унлардаги клейковинанинг қисман парчаланиши ижобий натижа беради.

Тажрибаларда кузатилганидек, нонвойчилиқда глюкоамилазанинг ишлатилиши ҳам ижобий натижа беради. Бу фермент эплаб ишлатилганда, керакли миқдорда глюкоза ҳосил бўлади. Юқорида таъкидланганидек, глюкоамилаза крахмал молекуласидаги ички боғларни гидролиз қила олмайди, демак уни молекуляр массасини тез камайтириб юбора олмайди. Бу фермент фақатгина крахмални қайтарилиган учидаги глюкозани гидролиз қилишга қодир холос, шунинг учун ҳам у биополимернинг умумий физикавий хусусиятларига жуда ҳам кам таъсир кўрсата олади холос. Бу эса жуда ҳам муҳим, чунки крахмал нонга шакл беради, унинг бутунлай парчаланиб кетиши маълум шаклдаги нон ёки нон маҳсулотлари тайёрлашни қийинлаштириб юборади.

Нонвойчилик тажрибасида бошқа ферментлар ҳам ишлатилган (целлюлаза, ксиланаза), аммо бундай мисоллар шунчалик камки, шунинг учун ҳам уларни муҳокама қилишни зарур деб билмадик. Нон тайёрланаётганда хамирдаги шакар моддалари ачитқи замбуруғлар томонидан истеъмол қилинади ва улар томонидан спирт ва карбонат анgidрид газига айлантирилади. Нон ёпиш (пишириш) жараёнида спирт учиб кетади, карбонат анgidрид гази эса хамир орасида тарқалиб, унга ўзига хос бўлган бўшлиқ сақлаган шакл беради.

Охирги йилларда нон тайёрлашда анчагина ўзгаришлар юз бермоқда, энг аввало бу хамир қорадиган ва унга ишлов берадиган машиналарга таалуқлидир. Нонвойчиликнинг янада кенгайиб бориши, бу жараённи тезлаштирувчи барча янги усуллардан фойдаланишни тақозо этади. Худди шу мақсадга эришиш учун хамирга кўпроқ ачитқи замбуруғлари ва фермент препаратлари аралаштирилмоқда. Бундай ноннинг сифати эса аввалгилардан паст бўлмаслигини эътибордан ташқарида қолдириш мумкин эмас.

Замонавий биотехнология нуқтаи назаридан ачитиш жараёнида ишлатиладиган *Saccharomyces cerevisiae* ачитқи замбуруғининг генетикаси ўта яхши ўрганилган ва у ген – муҳандислик тажрибалари ўтказиш учун муҳим манба эканлиги аниқланган. Бу культурага α-амилаза ва β-галактозидаза генлари киритилган, бу эса ушбу микроорганизмнинг генетик спектрини янада бойитган.

Яқин келажакда нон тайёрлашда буғдойнинг янги навларидан, ҳамда технологик қулай машина ва механизмлардан, микроорганизмларнинг янги,

серхосил, мақсадга түлиқ жавоб бера оладиган штаммларидан фойдаланиш орқали нон ишлаб чиқаришни янада юқори даражага кўтариш мумкинлиги муҳокама қилинмоқда.

## **ОЗИҚ-ОВҚАТ САНОАТИ ЧИҚИНДИЛАРИ**

Озиқ-овқат саноати ва қишлоқ хўжалиги чиқиндилари бутун дунёда кўп миқдорда тўпланиб бораётганлиги учун ҳам нафақат маҳаллий балки халқаро муаммоларга сабаб бўлмоқда. Айниқса биологик фаол кислород ҳосил қиласидиган чиқиндиларга нисбатан ўта қаттиқ қонунлар яратилган.

Органик чиқиндиларни утилизация қилишга алоҳида эътибор берилмоқда, улар асосида ҳайвонлар учун озуқа моддалари, хилма-хил кимёвий моддалар, биогаз ва бошқа маҳсулотлар тайёрлаш технологиялари яратилган ва бундай изланишлар жадал давом этмоқда.

Чиқиндиларни қайта ишлашнинг иккинчи йўналиши – уларнинг таркибидаги заҳарли моддаларни ажратиб олиш ва уларни зарарсизлантириш; биологик фаол бирикмалар ёки иккиламчи метаболитлар ажратиш ва улардан ҳайвонларни озиқлантириш ва даволаш мақсадида фойдаланиш. Баъзи мамлакатларда, масалан АҚШ, Англия, Франция, Японияда жуда катта чиқиндилар бозори ташкил этилган. Чиқиндилар сотиб олиниб, гурухланади ва кейин қайта ишланади.

## **ШАКАР ЎРНИНИ БОСУВЧИ МОДДАЛАР**

Сахароза ёки бошқа табиий шакарларни ҳаттоқи меъёрида истеъмол қилиш ҳам баъзи ҳолларда атеросклероз, диабет, семириб кетиш ва бошқа потологияларга олиб келади. Шунинг учун ҳам охирги вақтларда шакар табиатли бўлмаган, аммо ширин таъм берадиган моддаларни излаб топишга алоҳида эътибор берилмоқда. Ширин таъм берадиган бирикмаларни икки гурухга ажратиш мумкин: табиий органик бирикмалар – оқсиллар, дипептидлар ва кимёвий синтез йўли билан олинган бошқа бирикма ва моддалар.

Шакарнинг ўрнини боса оладиган моддаларни танлашда уларнинг метаболизмга қўшилиши, каллорияси, инсон саломатлигига безараарлиги, муайян моддани ишлаб чиқариш технологиясининг баҳосига алоҳида эътибор берилади. Ҳозирги вақтда илмий адабиётларда жуда ҳам кўп


миқдорда шакар ўрнини боса оладиган моддалар чоп этилган бўлсада, улардан бир нечасигина ҳаётга тадбиқ этилган холос.

Ширин таъм берувчи моддаларга моносахаридлар ва кичик молекулали олигосахаридлар, крахмални парчалаш орқали олинган моддалар ва уларни қисман изомеризация қилиш орқали олинган маҳсулотлар (глюкоза ва фруктозанинг аралашмаси), ҳамда углевод бўлмаган типдаги бирикмалар киради.

АҚШ ва Ғарбий Европа мамлакатларида сахарозага нисбатан ҳисобкитоб қилинганда ахоли бошига бир йилда 55-56 кг ширинлик истеъмол қилинади.

Шакар ўрнини босадиган, кимёвий синтез йўли билан олинадиган модда - сахарин бир неча ўн йиллаб кондитер саноатида кенг ишлатиб келинган ва бугунги кунда янги, паст калорияли моддалар билан алмаштирилган. Шундай моддалардан бири метилланган дипептид – аспартамдир. Бу модда биотехнологик йўл билан синтез қилинади. Аспартам (уни савдога чиқарилган номи «Нутрисвит») диетик ичимликлар тайёрлаш учун кенг қўлланилади.

Аспартамнинг синтезида энг муҳим модда – бу фенилаланин аминокислотасидир. Бу аминокислота микробиологик синтез йўли билан олинади. Уни кимёвий формуласи қўйидагича:



L - α - аспартил - L - фенилаланин (Аспартам)

Бу модда тўлиғича токсикологик синовлардан ўтказилиб, озиқ-овқат маҳсулотлари ишлаб чиқариш технологияларида кенг ишлатилиб келинмоқда. Шакар ўрнини босадиган моддалардан яна бири - стевиозид диққатга сазовордир. Бу модда Жанубий Америкада ўсуви Stevia rebaudiana ўсимлигидан ажратиб олинган. Бу ўсимлик Қора денгиз қирғоқларида ҳам ўсиб юқори ҳосил беради. Бу ўсимликнинг барглари жуда ширин бўлиб, атиги 3-4 донаси 1 л сувни ширин қилиб юборади.

Бу ўсимликни ўстириш марҳум профессор Жўрақул Турсунов томонидан мамлакатимизнинг Сурхандарё вилоятида амалга оширилган. Эндиликда бу вилоятда стевия ўсимлигининг бир неча гектарлик плантацияси яратилган.

Стевия ўсимлиги баргидан шакар ўрнини босадиган модда ажратиш эса профессор М.М.Рахимов томонидан амалга оширилган. Стевиозиднинг молекуласи 3 та глюкоза ва 1 та таъмсиз агликондан иборат. Бу моддани тоза ҳолда ажратиб олиш мураккаб бўлганлиги сабабли уни озиқ-овқат саноатида кенг қўллаш имконияти яратилганича йўқ.

Бошқа типдаги шакар ўрнини боса оладиган моддалардан бири - флавонол-7-глюкозиддир. Бу модда цитрус ўсимликларида сақланади. Бу бирикма унча мураккаб бўлмаган модификацияга учратилганда – шакардан ҳам ширин бўлган дигидрохалконлар ҳосил бўлади. Бу бирикмалар орасида эътиборга лойиклари – наингениндигидрохалкон, неогесперединдигидрохалкон ва гесперединдигидрохалкон-4- $\beta$ -D-глюкозид ҳисобланадилар. Бу бирикмаларнинг охирги 2 таси сахарозадан 300 маротаба ширинроқдир.

Нарингениндигидрохалкон сахарозадан 2000 маротаба ширинроқ бўлсада, камроқ заҳарлик хусусиятига ҳам эгадир. АҚШда наингениндигидрохалкон саноат миқёсида ишлаб чиқарилади.

Неогесперединдигидрохалкон-4- $\beta$ -D-глюкозид цитрус ўсимликлари чиқиндиларидан (сокини сиқиб олгандан кейин қолган чиқиндилар) ажратиб олинади.

Тауматин – оқсил табиатли бирикмадир. Саноатда тауматин *Thaumatoscoccus danielli* ўсимлигининг мевасидан экстракция қилиш орқали ажратиб олинади. Бугунгача аниқ бўлган шакар ўрнини боса оладиган моддаларнинг энг ширини тауматин ҳисобланади. 2.5-жадвалда саноатда ишлатиладиган бирикмалар ширинлигининг эквиваленти келтирилган.

1.5-жадвал.

#### **Баъзи бир табиий ва кимёвий синтез йўли билан олинган моддалар ширинлигининг сахарозага нисбатан эквиваленти**

Бирикма	Ширинлик эквиваленти
Сахароза	1,0
Цикламат	50,0
Аспартам	150,0
Сахарин	300,0
Тауматин	3000,0

Шакар ўрнини босадиган моддалар саноатда ҳар хил ичимликлар (алкоголли ва алкоголсиз), джемлар, шиннилар, конфет, чайнаш резинкалари (сақичлар), пирожнийлар ва бошқа ширинликлар тайёрлашда ишлатилади.

Шуни алоҳида таъкидлаш лозимки, яқин 10-15 йилда шакар ўрнини босадиган моддаларни истеъмол қилиш янада ошади. Бунга йилдан йилга уларни ишлаб чиқариш ҳажмининг 8-9% га ошиб бориши гувоҳлик беради.

### **Таянч сўзлар**

Аспартам, сахароза,  $\beta$ -галактозидаза,  $\alpha$ -амилаза, глюкоамилаза, пиво, дистилляция, алкоголли ичимлик, пишлок, чой, фруктоза-глюкоза, крахмал, *Stevia vebaudiana*, *Saccharomyces cerevisiae*, *Aspergillus oryzae*, *A.niger*, *A.awamori*, *Bacillus subtilis*, *B.amyloliquefaciens*, *B.mesentericus*, *B.stearothermophilus*, *Leuconostos sp.*, *Vitis vinifer*, *Rhizopus*, *Mucor*.

## **II-БОБ. МИКРООРГАНИЗМЛАРДАН ОЛИНАДИГАН ОЗУҚА КОМПОНЕНТЛАРИ**

Замонавий озиқ-овқат саноатида микробиологик синтез йўли билан олинадиган моддалар айниқса алоҳида тозалаб олинадиган озуқа ингридиентлари жуда катта аҳамият касб этмоқда. Иқтисодий ривожланган мамлакатларда бундай моддалар тўла сифатли озуқа рецептурасини яратишда қўшимча, энг муҳим моддалар сифатида ишлатиб келинмоқда. Микробиологик ингридиентлар тайёрлаш (ишлаб чиқариш) учун анъанавий йўллар билан бирга, биотехнологиянинг энг янги ютуқларидан ҳам фойдаланиб келинмоқда. Шулардан баъзи бирлари тўғрисида қисқача тўхталиб ўтамиз.

### **ОЗИҚ-ОВҚАТ САНОАТИДА ИШЛАТИЛАДИГАН ОРГАНИК КИСЛОТАЛАР**

**Сирка кислотаси.** Озиқ-овқатда бу кислотанинг сувли эритмаси ишлатилади. Эритмада унинг миқдори 4% дан кам бўлмаслиги керак. Сирка, одатда вино таркибидаги этанолни бижғитиш орқали тайёрланади. Бижғитиш жараёни *Acetobacter* лар ёрдамида амалга оширилади.

**Лимон кислотаси.** Бу кислота озиқ-овқат саноатида энг кўп ишлатиладиган органик кислота ҳисобланади. Лимон кислотаси антиоксидант ва ичимликлар, джем, шиннилар, конфет ва бошқа шириналар тайёрлашда консервант сифатида, ҳамда уларга ўзига хос нордонлик бериш мақсадида ишлатилади.

Озиқ-овқат саноатида йилга 100000 тонна тоза лимон кислотаси ишлатилади. Уни *Aspergillus niger* замбуруғининг маҳсус мутантларини ўстириш орқали ҳамда кимёвий синтез орқали олинади. Охирги йилларнинг статистик анализи йилдан-йилга микробиологик синтез йўли билан олинадиган лимон кислотасининг миқдори ошиб бораётганлигидан далолат беради. Лимон кислотаси ишлаб чиқарадиган бир неча микробиологик заводлар қурилиб, ишга туширилган ва фаолият кўрсатиб келмоқда.

Озиқ-овқат саноати учун зарур бўлган органик кислоталарнинг бошқалари ҳам худди шу йўл билан, яъни микробиологик синтез йўли билан амалга оширилмоқда. Қуйидаги 2.1-жадвалда микробиологик синтез орқали

олинадиган, озиқ-овқат саноати учун зарур бўлган органик кислоталар келтирилган.

2.1-жадвал.

### Озиқ-овқат саноатида ишлатиладиган кислоталар ва уларни синтез қилувчи микроорганизмлар

Кислота номи	Углерод манбай	Микроорганизм-продуцент
Сут кислотаси	Крахмал, глюкоза	Laktobacillus delbrueckii, Rhizopus oryzae
Мой кислотаси (ёғ)	Крахмал, глюкоза	Clostridium butyricum
Пропион кислотаси	Глюкоза	Propionibacterium shermani
Глюкон кислотаси	Глюкоза	Aspergillus niger
Вино кислотаси	Глюкоза	Gluconobacter suboxydans
Сирка кислотаси	Этанол	Acetobacter aceti
Итакон кислотаси	Глюкоза	Aspergillus terreus
Янтар кислотаси	Глюкоза	Bacterium succinicum
Фумар кислотаси	Глюкоза, парафин	Rhizopus delemar, Candida hydrocarbonfumarica
Олма кислотаси	Глюкоза, парафин	Candida hydrocarbofumarica, Pichia membranafaciens
Лимон кислотаси	Меласса, сахароза	Aspergillus niger

## АМИНОКИСЛОТАЛАР

Дунёда ҳар йили 700000 тоннадан кўпроқ аминокислоталар ишлаб чиқарилади. Бу соҳада Япония бошқа мамлакатлардан кўра кўпроқ, яъни йилига 2 млрд. АҚШ долларига тенг бўлган баҳода тоза ҳолатдаги аминокислоталар ҳамда уларнинг аралашмасини ишлаб чиқаради.

Аминокислоталар озиқ-овқат маҳсулотларининг таъмини яхшилаш ва уларнинг озуқа қийматини ошириш мақсадида кенг қўлланилади. Аминокислоталарнинг биосинтези учун ҳар хил таксономик гурӯҳга мансуб бўлган микроорганизмлардан фойдаланилади. Масалан, лизин ва глутамин кислотасининг синтези учун *Corinebacterium glutamicum* ва *Brevibacterium flavum* бактериялари ишлатилади.

Аминокислоталар синтез қилувчи микроорганизмларнинг қўпчилиги классик микробиология усулларидан фойдаланиб танлаб олинганлар, яъни улар мутантлар ҳисобланади. Паст молекуляр оғирлик эга бўлган бирикмаларнинг суперпродуцентларини яратиш стратегияси унчалик яхши йўлга қўйилмаган бўлсада, баъзи аминокислоталарнинг продуцентлари ген мухандислик усуллари ёрдамида яратилган ва улардан ишлаб чиқариш миқёсида фойдаланиб келинмоқда. Кимёвий йўл билан, яъни синтез қилиш

орқали олинадиган аминокислоталарнинг миқдори ҳозирча кўпроқ. Масалан, кенг миқёсда ишлатиладиган аминокислоталардан глицин ва метионин асосан кимёвий синтез йўли билан ишлаб чиқарилади.

## ВИТАМИНЛАР

Замонавий нуқтаи назарга асосан ҳар хил кимёвий тузилишга эга бўлган бирикмалар шартли равишда витаминлар гуруҳига қўшиб қўйилган. Хусусият ва тузилишларини чукур ўрганиб борган сари бу гурухга кирувчи моддаларнинг таркиби ўзгариб турибди. Хусусиятларида коферментлик хоссалари ёки фаолликлари бўлмаганликлари учун В<sub>15</sub>, Р ва F витаминларини (илгари шундай юритилган) витаминлар сафидан чиқариш тавсия этилган.

Энг янги классификацияга асосан, витаминлар гуруҳига қуйидагилар киритилган:

В-гурухи:

В<sub>1</sub> – тиамин;  
В<sub>2</sub> – рибофлавин;  
В<sub>3</sub> – пантотен кислотаси;  
В<sub>5</sub> – никотин кислотаси;  
В<sub>6</sub> – пиридоксин;  
В<sub>9</sub> – фолин кислота;  
В<sub>12</sub> – циан кобаламин.

А-гурухи:

Н – биотин;  
С – аскорбин кислотаси;  
А – ревитиноллар α- ва β-каротинлар.

Д-гурухи:

кальцеферол;  
эргоальцеферол;  
эргостерин (провитамин);  
7-дигидрохолестерин (провитамин).

Е- токофероллар

К-нафтохинонлар, уларнинг кофермент шакллари ва ҳар хил ҳосилалари.

Витаминларга талаб ошиб бораётганлиги учун, уларни синтез қилувчи микроорганизмларни танлаш, селекция қилиш, ген муҳандислик ёки хужайра биотехнологияси усулларидан фойдаланиб, серҳосил штаммлар яратишга алоҳида эътибор берилмоқда. Бундай қизиқиши микроорганизмларда витаминларни кўплаб синтез қилиш (суперсинтез) имкониятлари топилгандан кейин айниқса ортиб кетди. Масалан, рибофлавинни замбуруғлар, бактериялар ва айниқса ачитқилар жуда кўп

миқдорда синтез қилишлари аниқланган. В<sub>12</sub> витаминини күп миқдорда синтез қилувчи бактерияларнинг мутантлари ҳам яратилған. Юқорида келтириб үтилған витаминларнинг барчаларини ҳам ишлаб чиқариш йилдан-йилга ошиб бормоқда. Биргина С витамины йилига 40000 тонна ишлаб чиқарилишига қарамасдан, унга бўлган талаб тўла қондирилмаган. Озиқ-овқат саноатининг витаминларга бўлган талаби асосан табиий манбалар ҳисобидан ва кимёвий синтез йўли орқали қондирилади.

Шундай бўлсада, витаминларни кўплаб ишлаб чиқаришда биотехнологиянинг роли секин-аста ўсиб бормоқда, масалан рибофлавин ва β-каротиннинг микробиологик синтези саноат миқёсида йўлга қўйилған.

## ПОЛИСАХАРИДЛАР

Ферментларга ўхшаб баъзи бир полисахаридлар ҳам микроорганизмларнинг хужайрадан ташқаридаги метаболитлари ҳисобланади. Озиқ-овқат саноатида полисахаридлар маҳсулотга шакл бериш ва уларни қуюлтириш учун қўпроқ ишлатилади. Шарқ мамлакатларида, хусусан Япония ва Хитойда қадимлардан қуюлтирувчи, таъм ва шакл берувчи модда сифатида денгиз ўсимликларидан фойдаланиб келинган.

Полисахаридларни қуюлтирувчи ва шакл берувчи манбалар сифатида ишлатилишининг асосий сабаби, уларнинг нейтраллиги ва биологик ҳамкорлик хусусиятларидир. Масалан, *Pseudomonas spp.* бактерияси синтез қиладиган полисахаридлар қуюлтирувчи модда сифатида кенг ишлатилиб келинаётган глюкоманнозалар билан биргаликда bemalol ишлатилаверадилар. Микролар синтез қилувчи полисахаридларнинг янги манбаларини топиш замонавий озиқ-овқат саноатининг энг долзарб масалаларидан биридир.

Биотехнологик усуллар билан олинадиган янги озукаларнинг ижобий томонлари билан биргаликда салбий томонлари ҳам бор. Масала шундаки, озиқ-овқат саноати – консерватив тармоқ ва шунинг учун ҳам ҳар қандай янгиликни катта қийинчилик билан қарши олади.

Биринчидан, жамоа анъанавий озиқаларга ўрганиб қолган, янги маҳсулотларни истеъмол қилишга тайёр эмас, айниқса ген муҳандислик йўллари билан яратилған маҳсулотларни истеъмол қилишга қаршилар жуда ҳам кўплаб топилади. Шундай қилиб, ҳалқнинг катта қисми анъанавий бўлмаган янги маҳсулотларга қарашлари салбий бўлиб, улар биотехнологиянинг реал имкониятларига шубҳа билан қарайдилар.

Шуниси қизиқки, замонавий биотехнология асосан энг ривожланган мамлакатларда яратилган ва янги маҳсулотларни асосий ишлаб чиқарувчилар ҳам ана шу мамлакатлардир. Аммо бу маҳсулотлар асосан озиқ-овқат етишмаётган, энди ривожланаётган мамлакатларда сотилмоқда. Бу воқейлик ҳар қандай инсонни ўйлантириб қўйиши мумкин, аммо замонавий биотехнологиянинг бошланиши ачиш-бижғиши жараёнларидан, яъни микроорганизмларни анаэроб шароитдаги фаолияти асосида қурилганлигини эсдан чиқармаслик керак.

Юз йиллар мобайнида бижғиши маҳсулотлари (нон, пишлок, пиво, вино ва х.к.) инсониятнинг кундалик истеъмол молларига айланган ва шундай бўлиб турибди. Аммо вақт, давр ўз талабларини қўяди ва инсон табиатдаги баъзи бир организмларни мақсадга мувофиқ равишда ўзгартириб боришга мажбур.

Бундай машаққатли меҳнат қанчалик ўзини оқлади? Энг замонавий биотехнологиянинг усуллари асосида яратилган озуқа маҳсулотларидан кенг фойдаланиш, улар узоқ давр мобайнида истеъмол қилинганда қандай ўзгаришларга олиб келиши ёки келмаслигини фақатгина вақт кўрсатади.

Бугунги кунда ген муҳандислиги усуллари ёрдамида яратилган организмлар асосида озиқ-овқат маҳсулотларини ишлаб чиқариш жадал давом этмоқда. Иқтисодиёт нуқтаи назаридан бу жараённи тўхтатиш жуда ҳам мураккабдир. Шунинг учун ҳозирги кунда ишлаб чиқарилаётган маҳсулотнинг сифатини баҳолашга алоҳида эътибор берилмоқда. Ген муҳандислиги асосида яратилган организмлар янги авлод технологияларига асос бўлиб хизмат қилса ажаб эмас. Бундай технологияларнинг анъанавий технологиялардан фарқи икки ҳолат билан белгиланади:

- ▼ *генларни клонлашини катта аниқлик билан назорат қилиши мумкин;*
- ▼ *анъанавий усуллар ёрдамида бир-бирларига яқин бўлмаган организмларга ген ўтказиш мумкин эмас.*

Ген муҳандислигини ишлатилиши организмнинг ишлаб чиқариш тавсифини тузатишга ва кераксиз хусусиятлардан озод этишга олиб келади. Озиқ-овқат саноатида ген муҳандислигининг асосий вазифаси – маҳсулот сифатини ва хавфсизлигини тузатиш, ишлаб чиқадиган маҳсулотларнинг ассортиментини кўпайтириш ва уларнинг тан- нархини пасайтиришдан иборатдир.

## **СИФАТНИ БАҲОЛАШ**

Кўпчилик озиқ-овқат маҳсулотларини узоқ вақт сақлаш ва ташиш жараёнларида, улар *Listeria*, *Salmonella*, *Campylobacter* каби касал қўзғатувчи микроорганизмлар билан заҳарланишлари мумкин. Шунинг учун ҳам озиқ-овқат ва қишлоқ хўжалик маҳсулотларини микробиологик назорат қилиб туриш талаб қилинади. Бу эса тегишли асбоб-ускуналар, маҳсус хоналар ва шароитлар, вақт ва мутахассис талаб қиласидиган машаққатли жараёндир.

Заарланган озиқ-овқат маҳсулотлари ва агробиологик манбаларни биотехнологиянинг замонавий усуллари орқали баҳолаш анъанавий усуллардан бирмунча фарқ қиласиди. Молекуляр биология фани ютуқларидан фойдаланиб, чунончи антителолар детекция тизимидан ёки ДНК-РНК технологиясидан фойдаланиб, манбанинг микробиологик заарланганлигини аниқ ва тез кузатиш мумкин. Бу усул шунчалик соддаки, уни ҳатто ўрганиб олган оддий лаборантлар ҳам бажара оладилар.

Озиқ-овқат саноатига кириб келган яна бир янги усул бу иммун усулдир. Бу усул ёрдамида маҳсулотларнинг сифатини назорат қилиш тобора кенгайиб бормоқда. Масалан, озиқ-овқат маҳсулотларидан салмонеллалар ажратиш ёки микотоксинларни аниқлаш анъанавий усуллар ёрдамида олиб борилганда жуда узоқ вақтни (бир неча кеча-кундузни) талаб қиласиди. Худди шу анализни аффин хроматография усулида, тегишли антителолар ва токсин сақланган колонкалар ёрдамида 30 дақиқа мобайнида амалга оширилади. Ҳозирги вақтда иммун усуллар бактериал токсинлар, антителалар, гормонларни аниқлашда катта самара билан ишлатилиб келинмоқда. Бу усулнинг яна бир устунлик томони у жуда ҳам кам миқдордаги токсинларни ҳам аниқлаш имконини беради.

## **СУНЬИЙ ОВҚАТ ТАЙЁРЛАШДА ЗАМОНАВИЙ ЙЎНАЛИШЛАР**

Анъанавий озиқ-овқатга нисбатан, сунъий овқат истеъмол қилиш қатор устунликларга эга. Масалан, қанд диабети, баъзи бир ферментлар биосинтезининг пастлиги (панкреатит), витаминлар синтезининг бузилиши, крахмалнинг организмда сурилмаслиги ва бошқа қатор касалликларга дучор бўлган инсонлар сони тобора ошиб бормоқда. Ўз-ўзидан маълум бўладики, бундай инсонлар овқатининг таркиби ўзгартирилганда ижобий натижаларга

эришиш мумкин. Худди шундай сунъий овқат ёши катталарга ва ёш болаларга ҳам жуда зарур.

Юқори каллорияли овқат спортчиларга, шахтёр, металлург, геолог, чўпон, пахтакорлар учун ҳам зарур. Овқат таркибидаги баъзи компонентларни кўпайтириш, баъзиларини (кераксизларини) бутунлай олиб ташлаш ҳисобидан унинг функционал самарасини кўтариш мумкин. Масалан, натрий ва калий элементлари етишмагандан нерв импульслари ўтмайди, кальций етишмагандан мушаклар қисқара олмайди, йод етмагандан эса қалқонсимон безнинг фаолияти ишдан чиқади. Бундай озуқага кам миқдорда қўшиладиган моддалар икки категорияга бўлинади:

- ▼ *кальций, натрий, калийнинг минерал тузлари, булар макроэлементлар ҳам деб юритилади;*
- ▼ *микроэлементлар: хром, кобальт, цинк, мис ва селен, булар организмда жуда ҳам кам миқдорда учрайдилар.*

Бу элементларнинг танқислиги организм фаолиятида жуда катта ўзгаришларга олиб келади. Масалан, марганец танқислиги гипогликемияга олиб келса, никел, йод, хром ёки рух танқислиги қалқонсимон безни ишдан чиқаради.

Функционал муҳим бирикмаларнинг иккинчи категорияси – витаминалардир. Булар ҳам организмда ўта кам миқдорда учрайди ва уларнинг танқислиги организм фаолиятини бутунлай ўзгартириб юборади. Куйида баъзи бир витаминалар, уларни сақловчи маҳсулотлар ҳамда витаминалар етишмагандан организмда рўй берадиган ўзгаришлар рўйхати келтирилган (2.7-жадвал). У ёки бу элементларнинг танқислигини, мана шу элементлар сақлайдиган сунъий овқат истеъмол қилиш орқали осонлик билан олдини олиш мумкин. Албатта, бу моддаларни таблеткалар, капсулалар ва бошқа шаклларда ҳам истеъмол қилиш мумкин. Аммо, бу элементларнинг етишмаслигини ҳамда уларнинг ичакда сўрилиши қийин кетишини эътиборга олган ҳолда, уларни овқат таркибида истеъмол қилиш мақсадга мувофиқ натижаларга олиб келади.

Замонавий қарашларга асосан озиқ-овқатнинг оқсил қисми, шу овқатнинг асосини ташкил этади. Сунъий тайёрланган овқат керакли (натурал) ингридиентларнинг композицияси ҳисобланади.

## Ҳар хил маҳсулотларнинг витаминалар сақлаши

<b>Витаминалар</b>	<b>Витаминаларга бой маҳсулотлар</b>	<b>Танқислик белгилари</b>
А (ретинол), поливитамин А (β-каротин)	Жигар, тухум сарифи, сут, сариёғ, сабзи, помидори, қовун, нок, шафтоли, залдори	Кўришнинг пасайиши, айниқса коронғида, ёруғлиқдан қўрқиш, тери қуриши, терининг қуёш ёруғлигига сезгирилиги, шамоллаш, томоқ-бурун касалликларнинг тез-тез ўтиб туриши, иммунитетнинг пасайиши.
В (кальцеферол)	Жигар, тухум сарифи. Замбуруғлар, сариёғ, пишлок	Болаларда – рахит. Катталарда – ялқовлик, чарчаш, тиш эмалининг бузилиши, мушакларда оғриқ.
Е (токоферол)	Ўсимлик мойи, ёнғоқ, бодом, сут, сариёғ, тухум, қора нон.	Мушакларнинг чарчаши, тери қариши, юрак- томир хасталикларга берилиш.
К (менадион)	Жигар, карам, тухум, шпинат, гўшт, гулли карам.	қон оқиши

Алоҳида компонентлардан тайёрланган овқат рецептураси ҳам маълум. Аммо кўпроқ битта ёки бир неча компонентлардан иборат бўлган ва овқатга қўшиб истеъмол қилинадиган қўшимчалар ишлаб чиқарилмоқда. Бундай қўшимчалар овқатни бойитиш ҳамда организмда етишмайдиган элементларни ўрнини тўлдириш мақсадида ишлатилади.

Сунъий озуқа тайёрлаш учун кўпроқ полисахаридлар, оқсил моддалар, нуклеин кислоталар, ёғлар, маҳсулотларнинг гидролизаторлари, углеводород, ҳар хил витаминалар, органик кислоталар, хушбўй хид берувчи моддалар, баъзида эса инерт (организмга фойда ёки зарар келтирмайдиган) моддалар ишлатилади. Мана шу ингредиентларнинг микдорини, уларнинг сонини ўзгартириш асосида ҳар хил таркибли, каллорияли ва хушбўйликга эга бўлган сунъий озиқ-овқат маҳсулотлари тайёрланади. Алоҳида ингредиентларнинг кўп сонлилиги, улар асосида ҳар хил вариантга эга бўлган (каллорияси, кимёвий таркиби, биологик хусусияти ва ҳ.к.) овқатларнинг кўплаб тайёрланганлиги «Махсус овқат» деган терминни пайдо бўлишига олиб келди. Бундай “Махсус овқат”ларга енгил ҳазм бўладиган, юқори каллориялик, узок муддат таъсир этувчи, парҳез ва ҳ.к. овқатлар киради.

## **Назорат саволлари**

1. Озиқ-овқат саноатида ишлатиладиган органик кислоталар ҳақида маълумот беринг?
2. Аминокислоталар ва уларни олишида биотехнологиянинг роли ҳақида нималарни биласиз?
3. Витаминалар ва уларнинг олиниши бўйича биотехнологиянинг имкониятлари ҳақида тасаввурларингиз?
4. Полисахаридлар ва уларнинг олиниши биотехнологиянинг имкониятлари ҳақида биласизми?
5. Озиқ-овқат ва озуқа махсулотларининг сифатини баҳолаш деганда нимани тушунасиз?
6. Сунъий овқат тайёрлашда замонавий йўналишлар ҳақида тасаввурларингиз.

## **Таянч сўзлар**

Сирка ва лимон кислоталари, полисахаридлар,  $B_1$ -тиамин,  $B_2$ -рибофлавин,  $B_3$ -пантотен кислотаси,  $B_5$ -никотин кислотаси,  $B_6$ -пиридоксин,  $B_9$ -фолин кислота, С-аскорбин кислотаси, А-ревитиноллар, а-ва  $\beta$ -каротинлар, кальцеферол, эргокальцеферол, эргостерин, провитамин, токоферол, нафтохинон, *Listeria*, *Salmonella*, *Campulobacter*, *Acetobacter*, *Aspergillus niger*, *Corinebacterium glutamicum*, *Brevibacterium flavum*.

## **III-БОБ. ҚАЙТА ИШЛАШ АСОСИДА МАҲСУЛОТЛАР ТАЙЁРЛАШ**

### **3.1. МИКРООРГАНИЗМЛАР БИОМАССАСИНИ КОМПЛЕКС ҚАЙТА ИШЛАШ**

Микроорганизмларни хужайралари, худди ўсимлик ёки ҳайвонларнинг хужайра ва тўқималари каби, оқсил моддалардан ташқари озиқ-овқат учун керакли бўлган бошқа компонентлар, чунончи нуклеин кислоталари, карбон кислота, аминокислоталар, фосфолипидлар, витаминалар ва бошқа ингридиентлар сақлайди. Бу бирикмалар нафақат ҳайвонларни озиқлантириш учун, инсон учун озиқ-овқат тайёrlашда ҳам қўл келади.

Шунинг учун ҳам микроорганизмларни катта ҳажмда кўпайтириш манбаларини топиш долзарб масала бўлиб қолаверади. Сунъий тайёrlанган овқатларнинг (таъм берувчи, юқори калорияли, ҳид берувчи ва ҳ.к.) миқдорини тобора ортиб бориши бундай компонентларни ишлаб чиқаришнинг муайян технологиялари яратилишига олиб келди. Микроорганизмлар биомассасидан алоҳида компонентлар ажратиш мақсадида уларни комплекс қайта ишлаш мана шундай янги яратилган технологиялардан биридир.

Бундай ёндошиш оқсилларнинг алоҳида фракцияларини (жумладан ферментларни ҳам), липидларни, нуклеин кислоталари, углеводлар ва ҳ.к. ажратиб олишга имкон беради. Худди шунингдек, паст молекуляр оғирликка эга бўлган моддалардан юқори молекулаликларини ажратиш ва бу моддаларнинг молекуляр массаси, озуқа бирлиги ва бошқа сифатларига қараб бўлиб олиш имкониятини ҳам беради. Бугунги кунда ҳужайраларни, айниқса микроб ҳужайраларни комплекс қайта ишлаш жуда ҳам ривожланиб юқори босқичга кўтарилиган.

Бу технологиядан қўйидаги йирик компаниялар: British Petroleum (Англия), Chochst-ude (Германия), Philips Petroleum, Provest Corporation (АҚШ) ва бошқалар фойдаланадилар. Бундай биотехнологиялар ёрдамида деярли барча ҳужайра компонентлари, жумладан озиқ-овқат, тиббиёт ҳамда техник мақсадлар учун оқсил гидролизатлари ҳам ишлаб чиқарилмоқда.

Микроорганизмлар биомассасини комплекс қайта ишлаш бир неча босқичдан иборат. Биринчи босқич – бу экстракция. Бу босқичда ҳужайрадан ажратиб олмоқчи бўлган асосий модданинг хусусиятларига

қараб эритувчи шу модданинг тўла экстракциясини таъминлаб берувчи рН – кўрсаткичи, ҳарорат ва ҳ.к. танлаб олинади.

Экстракция бўлувчи бирикмаларнинг физик-кимёвий хусусиятлари, уларнинг қайси бирикмалар синфига мансублигидан фойдаланиб, экстракция жараёни босқичма-босқич олиб борилиши ҳам мумкин. Дастваб сув билан, тузли эритма, органик эритувчилар билан ва ҳ.к. Экстракция вақтида керакли модда ферментатив ўзгаришларга учраб қолмаслигига эътибор бериш керак, хусусан биополимерлар парчаланишининг (оқсили, полисахаридлар, липидлар, нуклеин кислоталар ва ҳ.к.) олдини олиш керак.

Компонентларни қайта ишлаш чизмаси, қайси моддага устуворлик берилишига қараб чизилади. Бу мақсадда ҳар хил технологик усуллардан фойдаланилади: чўқтириш, ҳар хил эритувчига ўтказиш, адсорбция, концентрлаштириш (қуюлтириш), хроматография в ҳ.к. Эритувчини тўғри танлаш ҳам катта аҳамиятга эга. Керакли моддани чўкмага тушириш, аксинча, чўкмани эритиб моддани суюқликга ўтказиш, фильтраш, мемраналардан ўтказиш ҳам энг муҳим технологик босқичлардан ҳисобланади. Мемраналарни тўғри танлаш нафақат моддани ажратиб олиш, балки уни тозароқ ҳолатда тайёрлаш имкониятини ҳам беради. Биополимерларнинг молекуляр массасига, ион алмашишига, изоэлектрик нуқтасига, аффинлигига (биологик мослигига) қараб ажратиш усуллари ҳам замонавий биотехнологик жараёнларда тобора кенг қўлланилиб бормоқда.

Кичик ва катта молекулалик моддаларни бир-биридан ажратиш учун кўпроқ юқори молекуляр моддаларни органик эритувчилар ёрдамида чўкмага тушириб олиш тавсия этилади. Экстрактлардан керакли моддаларнинг ажратиб олиниши яна бир йўли – бу ҳарорат билан ишлов беришdir. Экстракт юқори ҳароратда ушлаб турилганда, температурага чидамсиз бўлган моддалар денатурацияга учраб, чўкмага тушадилар. Чўкмани эса, мақсад ва имкониятлардан келиб чиқсан ҳолда ёки фильтрлаб, ёки мемраналардан ўтказиб, ёки центрифугалар ёрдамида ажратиб олинади.

Липидлар ва стеринлар органик эритувчилар ёрдамида экстракция қилиб олинади. Бунинг учун хлороформ, эфир, метанол, этанол ва бошқа эритувчилардан фойдаланиш мумкин. Бу босқич энг керакли бўлиб, бошқа моддаларнинг экстракциясига халақит қилувчи липид, фосфолипид, стеринларнинг мураккаб эфирлари, ди-, триглицеридлар, ёғ кислоталаридан қутулиш имконини беради. Эритмаларнинг денуклеинизация (нуклеин

кислоталарни ажратиб ташлаш) босқичи ҳам муҳимдир. Бу босқичда полимер ва олигомер нуклеин кислоталар жаратиб олинади. Бу фракция сувда эрувчи пептидлар, азотли асослар, нуклеотидлар, олигонуклеотидлар, нуклеозидлар ва бошқа моддалар ҳам сақлайди.

Хужайра ичидағи паст молекуляр моддаларни ажратиб олиш учун, биомассани автолиз қилиш усулидан кенг фойдаланилади.

**Автолиз – бу хужайра биополимерларининг (оксил, углевод, липидлар, нуклеин кислоталар, полисахариidlар) табиий парчаланишидир.** Автолиз хужайра ичидағи ферментлар ёрдамида амалга ошиб, сувда эримайдын юқори молекуляр моддаларни сувда эрувчи мономерларга айлантириб беради. Бундан ташқари жараённи янада юмшоқроқ шароитда, тезроқ ўтказиш мақсадида ташқаридан фермент эритмалари аралаштирилади. Муайян ферментлар таъсирида тегишли биополимерлар тез парчаланади.

Бундай йўл кўпинча ҳайвонлар ва паррандаларнинг емига қўшимча моддалар тайёрлашда ишлатилади.

### **3.2. ТАЪМ БЕРУВЧИ ҚЎШИМЧА МОДДАЛАР**

Статистик маълумотларга қараганда озиқ-овқат маҳсулотларини сотишдан тушган пул айланмасининг 90 фоизи уларнинг озуқа бирлиги эмас балки органолептик хоссаларига қараб сотилган маблағ ҳисобланар экан. Охирги 20-25 йилларда синтетик алкогизиз ичимликларга, сақичларларга, ҳар хил ширинликларга (шакар ўрнини босувчи моддалар асосида тайёрланган) ва шунга ўхшаган ташқи кўриниши киши эътиборини тортадиган, хушбўй маҳсулотларга бўлган муносабат, уларнинг кўплаб харид қилиниши юқоридаги фикримизнинг далилидир. Бугунги кунда бундай маҳсулотларни ишлаб чиқариш йилига 5% га ошиб бормоқда ва мўътадил бизнес манбаига айланган. Хушбўйлик берадиган маҳсулотларни ишлаб чиқариш икки йўл билан олиб борилади:

- *ўсимликлардан ёки ўсимликларнинг тўқима культурапаларидан ва микроорганизмлардан ажратиши;*
- *кимёвий синтез орқали.*

Таъм беришда ёғ кислоталари, моно- ва сесквитерпенлар, лактонлар, натрий глутамат, аминокислоталар ва бошқа табиий бирикмалар катта роль ўйнайди.

Кимёвий синтезни компьютерлаштириш йўлга қўйилгандан кейин бу усул фармакология ва озиқ-овқат саноати учун зарур бўлган, алоҳида компонентларни катта миқдорда ишлаб чиқариш учун кенг ишлатила бошланди. Масалан, эфир мойларининг кимёвий синтези, уларни олишнинг биотехнологик усулидан кўра кўпроқ маҳсулот беради. Аммо биотехнологик усульнинг жадаллик билан ўсиб бориши яқин келажакда унинг истиқболлари аниқлигини ва кимёвий синтездан кўра сифатлироқ ва кўпроқ маҳсулот етказиб бориши мумкинлигидан дарак бермоқда.

1986 йилда дунёда 1,5 млрд. долларлик таъм берувчи маҳсулотлар тайёрланган эди. Бугунги кунда бу маҳсулотни ишлаб чиқариш анча кўпайган. Бу йўналишда АҚШ биринчи ўринда туради ва бу мамлакатда бутун дунёда чиқариладиган таъм берувчи маҳсулотларнинг 50% ишлаб чиқарилади. Европа мамлакатлари – 30% бошқа мамлакатлар (жумладан Хитой, Япония ва Россия ҳам шуларга киради) атиги 20% ишлаб чиқаришади, холос.

Мутахассислар берган маълумотга қараганда, фақат янги таъм берувчи моддаларни истеъмол қилишнинг ўсиши 1997-2010 йилларда 12-15% дан кам бўлмаслиги керак.

Охирги ўн йиллар орасида олиб борилган илмий тадқиқотлар бундай маҳсулотлар нафақат ўсимликлар, балки микроорганизмлар томонидан синтез бўлишини ҳам кўрсатди ва бу далилга катта эътибор берилмоқда.

Микроб биомассасидан олинган моддалар ароматик бирикмалардан ташқари глутамин кислотаси ва рибонуклеотидлар сақлаши аниқланган. Бу моддалар токсинлик хусусиятига эга эмас ва табиий таъм бериш билан характерланади. Бундан ташқари, микроб биомассаси, оқсил гидролизатлари (аминокислоталар ва углеводлар) иссиқлик билан ишлов берилганда ўзига хос, хушбўй ҳид бориши кузатилган. Масалан, АҚШда нонвойчиликда ачитқи замбуруғларидан *Saccharomyces cerevisiae*, *Kluyveromyces fragilis (lactis)*, *Candida utilis (Torula)* лардан фойдаланишга рухсат этилган, фақатгина уларнинг миқдори унга нисбатан 2% дан ошмаслиги керак.

Шуни ҳам эътиборга олиш лозимки, таъм берувчи маҳсулотлар сифатида микроб биомассасидан фойдаланиш, бу озиқ-овқат саноатининг янги йўналиши ҳисобланади ва ҳозирги даврда бу соҳада чуқур изланишлар олиб борилмоқда.

Бугунги кунда ишлатиб келинадиган таъм берувчи моддалар қуидагича классификацияланган:

- ҳайвон, ўсимлик ва микроорганизмлардан олинадиган таъм берувчи табиий бирикмалар ва уларнинг композициялари;
- табиий ароматизаторларга ўхшиаш, лекин кимёвий синтез орқали олинадиган бирикмалар;
- табиатда (аналоги) ўхшиши бўлмаган ёки ҳозирча топилмаган синтетик бирикмалар;
- таъм сифатини кучайтириб берадиган табиий бирикмалар;
- ноорганик тузлар.

Ачитқи замбуруғларининг биотехнологияда роли фақатгина уларнинг бижғитиши жараёнини олиб бориши ва оқсил тўплаши билан чегараланмайди. Саноат шароитида ачитқи замбуруғларини ўстириш орқали улардан витаминлар, ферментлар, каротиноидлар, органик кислоталар ва бошқа физиологик фаолиятга эга бўлган метаболитлар ажратиб олиш мумкин. Пиво ва нон маҳсулотлари тайёрлашда ишлатиладиган *Saccharomyces* авлодига мансуб ачитқи замбуруғларининг қуруқ биомассасидан автолизат ва гидролизатлар тайёрлаш бошқаларга қараганда иқтисодий самаралироқ эканлиги аниқланган.

Юқорида келтириб ўтилганидек озиқ-овқат маҳсулотларининг таъмини тузатиш учун натрий глутамат, нуклеотидлар, ачитқи замбуруғларининг экстрактлари, оқсил гидролизатлари ишлатилади. Таъм сифатини яратишда ёғ кислоталари, эфир мойлари, моно-, дитерпенлар, аминокислоталар, лактонлар, метилкетонлар ва бошқалардан фойдаланилади.

Таъм сифатининг хилма-хил бўлишида овқат таркибидаги полимерларни моно-, димерларгача парчалаб берувчи гидролитик ферментларнинг роли ҳам каттадир. Шу нуқтаи назардан глутамин кислотаси ва нуклеин кислотаи кўпроқ синтез қилувчи ачитқи замбуруғлари ва бактериялар анча истиқболли ҳисобланадилар (3.1- 3.2-жадваллар).

3.1-жадвал.

### Микроорганизмлар биомассасида глутамин кислота микдори

Сут ачитувчи бактериялар	10,5 – 12,0
Метан оксидловчи бактериялар	12,0 – 14,0
Ачитқи замбуруғлари	10,5 – 15,0
Микроскопик замбуруғлар	4,5 – 11,0
Сув ўтлари	6,5 – 8,0

## **Микроорганизмлар биомассасида нуклеин кислотанинг миқдори**

Микроскопик замбуруғлар	0,7 – 1,8
Бактериялар	4,0 – 15,0
Сув ўтлари	4,0 – 6,0
Ачитқи замбуруғлар	5,0 – 12,0

Кўп сонли тажрибалар асосида глутамин, инозит ва натрий гуанилат, 5-дезоксирибонуклеотидлар, ачитқи экстрактлари табиий таом ва хушбўй ҳид берадиган моддалар деб тан олинган. Гўштнинг таъмига ўхшаш маҳсулот катта аҳамият касб этади. Шу мақсадда Европада асосан ачитқи автолизатлари ишлатилади, жанубий Америкада эса паст навли гўштнинг экстрактларидан, Осиё мамлакатларида эса сояни қайта ишлаш маҳсулотларидан фойдаланилади.

Ачитқи замбуруғлари таркибидағи оқсилнинг кўплиги (30% гача) бу биомассани глутамин ва нуклеин кислотага бойлиги, уни озиқ-овқат саноатида кенгроқ қўллаш имкониятини яратиб беради. АҚШ, Англия, Франция, Голландия, Италия, Бельгия, Япония ва бошқа мамлакатларда 50 дан ортиқ компаниялар ҳар хил хушбўй маҳсулотларни тайёрлаш билан шуғулланадилар.

### **3.3. МИКРООРГАНИЗМЛАР БИОМАССАСИДАН ОЗУҚА ОҚСИЛИ ТАЙЁРЛАШ**

Бирлашган Миллатлар Ташкилотининг озиқ-овқат маҳсулотлари ва қишлоқ хўжалиги бўлимининг берган маълумотларига кўра озуқа оқсилига бўлган танқислик дунёда йилига 10 млн. тоннани ташкил этади.

Мана шу етишмовчиликни тўлдириш учун энг истиқболли йўл микробиологик синтез эканлиги кўп сонли, экспертлар томонидан кўрсатиб берилган. Мана шу йўл билан олинган, ҳайвон ва паррандалар учун озуқа сифатида ишлатиладиган оқсил маълум талабларга жавоб бериши керак, озиқ-овқатга ишлатилиши мўлжалланган оқсил моддалари эса яна қатор талабларга жавоб беришлари шарт. Биринчидан, озиқ-овқатга мўлжалланган оқсил фракцияси бутунлай паст молекуляр метаболитлардан тозаланган бўлиши ҳамда токсик хусусиятга эга бўлган оқсил моддаларини бутунлай сакламаслиги керак. Шу мақсад учун ҳар хил таксономик гурухга мансуб бўлган микроорганизмлардан озуқа оқсили ажратиш усуслари яратилган.

Озуқага мүлжалланган оқсил концентрати, (уни яна изолят ҳам деб юритилади) маҳсус санитар-гигиеник, иқтисодий, технологик ва экологик талабларга жавоб беришдан ташқари маълум озуқа бирлигига эга бўлиши шарт.

Саноатда ишлаб чиқариладиган оқсил препаратлари уч категорияга бўлинади. **Биринчи категория** кам миқдорда оқсил сақловчи – (20-25% гача) препаратлар. **Иккинчи категория** юқори миқдорда оқсил сақловчи оқсил концентратлари (60-70%), ва **ниҳоят учинчи** – 80% дан кўпроқ оқсил сақловчи оқсил изолятлари. Оқсил фракцияларини ажратиб олиш ва тозалаш уларни сақлаш муддатини узайтиришга олиб келади. Бунга сабаб препарат таркибида бўлган, енгил оксидланувчи ҳужайра компонентларининг олиб ташланганлигидир. Бу кўпроқ липидларга таалуқлидир. Маълумки, оқсил билан липидларнинг ўзаро таъсири лизин билан метиониннинг парчаланишига олиб келади, бу эса оқсилнинг озуқалик хусусиятини пасайтиради. Бундан ташқари липидларнинг оксидланиши озуқа маҳсулотга ўхшамаган ранг беради. Озуқа учун тайёрланган оқсил инсон саломатлиги учун зарарли бўлган бирикмалардан озод бўлиши керак.

Ўсимлик ва ҳайвон оқсилларига бўлган талаблар микроб оқсиллари учун ҳам сақланиб қолади, аммо микроб оқсилларига яна қўшимча санитар-гигиеник талаблар қўйилади. Мана шу талабларга жавоб берган микроблардан олинган оқсиллар ҳар хил қўринишда озиқ-овқатга қўшимча сифатида ишлатилади: бутун биомасса (асосан липидлар ва нуклеин кислоталардан тозаланган), ҳар хил тозаликка эга бўлган оқсил фракциялари шулар жумласидандир.

Гарбий Европада микроб биомассасидан озиқ-овқат саноатида фойдаланиш анча қийинчиликларга дучор бўлмоқда. Шунга қарамасдан АҚШ ва бошқа қатор мамлакатларда ачитқи замбуруғи биомассасининг 10 хил тури овқатга қўшимча сифатида ишлатилиб келинмоқда.

Аниқ озуқа мақсадларидан келиб чиқкан ҳолда биомассани қайта ишлаш технологияси бир-биридан фарқ қиласди. Ачитқи замбуруғининг биомассасани дезинтеграция (майдалаш, бузиш) қилишнинг ҳар хил усуллари маълум, механик (майдалаш), кимёвий (сувсиз амиак, ишқорий, кислотали муҳит) физик (ультратовуш) ва қатор бошқа бирин-кетин келадиган усуллар шулар жумласидандир. Уларнинг мақсади биомасса таркибидаги оқсил моддаларини тўлиғича экстракция қилиб олишdir.

Деярли барча ҳолатларда оқсиллар биомассасидан ишқорий мухитда (рН 9,0-14,0 гача) маълум ҳароратда (40-90°C) яхши ажралади.

Бу усульнинг ҳам ҳар хил модификацияси маълум. Улардан кўпроқ ишлатиладигани икки босқичли экстракциядир. Микроб биомассасидан оқсил моддаларни кислотали (рН 1,0-3,0) мухитда ҳам экстракция қиласа бўлади. Изолятда оқсил миқдори кўп бўлсада, уларнинг таркибида олтингугурт сақловчи аминокислоталар миқдори жуда кам бўлади. Ишқорий шароитда оқсил экстракция қилинганда эритмага нуклеин кислоталар кўпроқ чиқади, шунинг учун ҳам кейинги босқичда уларни олиб ташлашга тўғри келади. Оқсилдан нуклеин кислотани ажратишнинг энг оддий йўли – бу 50-70°C да 1-4 соат мобайнида ишлов беришдир. Баъзи ҳолларда эритмаларга эндо- ва экзонуклеазалар билан ишлов берилади, бунда нуклеин кислоталар паст молекуляр асосларгача пачаланади ва оқсилдан осон ажралади. Липидларни олиб ташлаш учун саноатда ишлатиладиган бир неча йўллар маълум. Шулардан бири липидларни изопропанол ва этанол билан икки босқичли экстракция қилиш. Шунингдек, биомассадан липидлар метанол ёрдамида ҳам экстракция қилиб олинади, бунда ажратиб олинадиган липидларнинг миқдори 2% га камайиши кузатилган.

Умумий қабул қилинган усуllibардан ташқари, камроқ тарқалган технологик ёndoшишлар ҳам маълум. Хуллас, ҳар-бир манба учун қўйилган вазифаларга, шунингдек чиқариладиган маҳсулотнинг сифати ва унга қўйилган талабларга қараб тозалаш усуllibари танланса мақсадга мувофиқ бўлади.

### **Назорат саволлари**

1. Озиқ-овқат маҳсулотлари тайёрлашда биотехнологиянинг роли нималардан иборат?
2. Алкоголсиз ичимликлар тайёрлаш технологиясини шарҳлаб беринг.
3. Сабзавотларни ферментациясида иштирок этувчи микроорганизмлар ва уларнинг бу жараёндаги фаолияти нималарга асосланган?
4. Чой ва кофе тайёрлаш технологиясини тушунтириб беринг?
5. Пишлоқ тайёрлаш биотехнологияси қандай босқичлардан иборат?
6. Вино ва пиво тайёрлаш биотехнологиясини изоҳлаб беринг.
7. Шакар ўрнини боса оладиган ширинликлар, уларни тайёрлаш биотехнологияси, бу жараёнда ген муҳандислик усуllibарининг роли нималардан иборат?
8. Сунъий таом тайёрлаш технологияларини тушунтириб беринг.

9. Микроорганизмлар биомассасидан озуқа оқсили тайёрлаш биотехнологияси асослари нималардан иборат?

### **Таянч сўзлар**

Изопропанол, этанол, ультратовуш, нуклеин кислоталар, ёғ кислоталари, эфир мойлари, моно-, дитерпенлар, аминокислоталар, лактонлар, метилкетонлар, автолиз, ди-, триглицеридлар, дезинтеграция, автолиз, экстракция, *Saccharomyces cerevisiae*, *Kluyveromyces fragilis* (*lactis*), *Candida utilis* (*Torula*), ҳайвон, ўсимлик ва микроорганизмлардан олинадиган таъм берувчи табиий бирикмалар.

## **IV-БОБ. АМИНОКИСЛОТАЛАР ИШЛАБ ЧИҚАРИШ**

Кейинги йилларда халқ хўжалиги ва тибиётда турли хил аминокислоталар кенг миқёсда қўлланилмоқда. Асосан улар оқсилли озуқаларнинг тўйимлилигини оширишда катта аҳамият касб этади. Баъзи бир озиқ- овқат ва озуқа маҳсулотлари ўзида алмашинмайдиган аминокислоталарни хусусан, лизинни етарли миқдорда сақламайди. Бундай маҳсулотларга маккажўхори, буғдой, гуруч ва бошқаларни мисол қилиб келтириш мумкин.

Саноат асосида ишлаб чиқарилаётган аминокислоталар озуқа тўйимлилигини ошириш мақсадида соф ҳолда ёки бошқа ингридиентлар билан комбинирланган (аралаштирилган) ҳолатда озуқа таркибида қўлланилади. Шунинг учун ҳам аминокислоталардан фойдаланишганда озуқада оқсиллар миқдорининг сақлашини ошириш имконияти вужудга келади. Сунъий аминокислоталарни қўллаш табиий озуқалар сарфини иқтисод қилишга олиб келиши илмий ва иқтисодий асослаб берилган.

Аминокислоталардан нафақат қишлоқ хўжалигида хайвонлар озуқаларининг таркибида балки, озиқ- овқат саноатида ҳам кенг фойдаланиш мумкинлиги исботланган. Улар шунингдек, қатор полимер хом ашёлар тайёрлашда масалан, синтетик тери, қатор маҳсус толалар ва озиқ-овқат маҳсулотларини қадоқлаш учун плёнкалар тайёрлашда ҳам ишлатилади. Баъзи бир аминокислоталар ёки уларнинг ҳосилалари инсектицид таъсири ўрганилган. Метионин ёки  $\gamma$ -аминомой кислота доривор воситалар сифатида кенг қўлланилади.

Аминокислоталардан халқ хўжалигининг турли соҳаларида кенг фойдаланилишини Япония мамлакати мисолида яққол кўриш мумкин. Японияда бутун мамлакат бўйича ишлаб чиқариладиган аминокислоталарнинг 65% -и озиқ-овқат ишлаб чиқариш соноатида, 18% ини чорвачиликда, 15%- ини тибиётда ва 2%- и турли хил соҳаларда қўлланилади. Айни вақтда жаҳон миқёсида аминокислоталар ишлаб чиқариш йилига бир неча миллион тоннани ташкил этмоқда. Жаҳон миқёсида L-глутамин кислота, L-лизин, DL-метионин, L-аспарагин ва глицин ишлаб чиқариш етакчи рол ўйнайди. Аминокислоталарни олишнинг асосий усуллари қуйидагилар ҳисобланади:

- ✓ *ўсимлик хом ашёлари оқсили гидролизатларидан экстракциялаш;*
- ✓ *кимёвий синтез;*

- ✓ ўсуви хұжайралардан микробиологик синтез;
- ✓ микроорганизмлардан ажратылған ферментлар ёки иммобилланган микроб ҳұжайраларидан фойдаланиши.

Япония мамлакати мисолида аминокислоталарни олишнинг қуидаги усуларини келтириш мүмкін (2.1-жадвал).

4.1-жадвал.

**Японияда аминокислоталар ишлаб чиқариш усуллари ва бир йилдаги ҳажми (1977 й.)**

Аминокислоталар	Ишлаб чиқариш усули	Ишлаб чиқариш ҳажми, т/йил
Аланин	Ф, Х	150-200
Аргинин	М, Х, Г	100-300
Аспарагин кислота	Ф	1000
Аспарагин	Х, Г	10-50
Цитруллин	М, Х	10-50
Цистеин	Г	1-10
Цистин	Г	100-200
Глицин	Х	5000-6000
Глутамин кислота	М	100000
Гистидин	М, Г	100-200
Гомосерин	М	10-50
Оксипролин	Г	10-50
Глутамин	М	200-300
Изолейцин	М, Г	10-50
Лейцин	М, Г	50-100
Лизин	М	15000
Метионин	Х	60000 - 70000
L-метионин	М	100-200
Орнитин	М, Г	10-50
Фенилаланин	М, Х	50-100
Пролин	М, Г	10-50
Серин	М, Г	10-50
L-треконин	М	50-100
DL-, L-триптофан	Х, Ф	100
Тирозин	М, Г	10-100
Валин	М	50-100
ДОФА	Ф	0,1

**Ізөх:** Ф-ферментатив синтез; Х-кимёвий синтез; М-микробиологик синтез; Г-ўсимлик хом ашёлари ва ҳайвон оқсили гидролизатларидан экстракциялаш йўли орқали; ДОФА-диоксифенилаланин.

Микробиологик синтез асосида кўплаб аминокислоталарни олиш айни вақтда истиқболли ва иқтисодий самарали усул ҳисобланади.

Аминокислотларни микробиологик синтез қилиш ташқари юқорида келтирилганидек, ўсимлик ва ҳайвон хом ашёлари сақлаган табиий оқсиллар гидролизи йўли орқали олиш мумкин. Бу усул кўхна усуллардан бири ҳисобланиб, унинг асосий камчиликларидан бири оқсилли озуқа ёки озиқ-овқат маҳсулотлари сифатида ишлатиладиган хом ашёлардан фойдаланишдир. Масалан, Жанубий-шарқий Осиёда натрий моноглутамат соя шротидан олинади. Шу каби бир қатор хом ашёлардан бу усулда аминокислоталар олиш иқтисодий самара бермайди.

Аминокислоталарни кимёвий синтез қилиш етарли даражада самарадор бўлиб, юқори автоматизациялаш орқали узлуксиз ишлаб чиқаришни ташкил этиб, хоҳлаган тузилишли бирикмани олиш имкониятини беради. Бунда озиқ-овқатда ишлатилмайдиган хом ашёлардан фойдаланилади ва катта миқдордаги маҳсулотни ташкил этади. Бироқ бу жараёнлар кўп босқичли бўлиб, улар мураккаб асбоб-ускуналарни талаб этади.

Бу усулнинг асосий камчилиги эса аминокислотанинг фақатгина рацемик шаклини олиш мумкинлиги ҳисобланади. Паррандачиликда кенг қўлланиладиган LD-метионинни бу усулда олиш яхши йўлга қўйилган.

Кейинги йилларда аминокислоталарни олишнинг кимёвий-микробиологик комбинирланган усули кенг қўлланилмоқда, бунда дастлабки бирикма кимёвий реакция натижасида олинади кейин эса микроорганизмлар ичida маҳсус штаммларнинг ферментатив фаоллиги ҳисобига охирги босқич амалга оширилади.

Аминокислоталарни микробиологик усулда синтез қилиш кўпчилик микроорганизмларнинг озуқа муҳитида ушбу маҳсулотларни юқори даражада тўплашига асосланади. Микроорганизмлар орасида юқори даражада глутамин кислота ҳосил қилиш хусусиятига эга бўлган қатор бактериялар, ачитқи ва замбуруғ турлари мавжуд.

Ўрганилган кўпчилик микроорганизмларнинг штаммлари, уларнинг систематик ҳолатига боғлик бўлмаган ҳолда L-аланин ва глутамин кислотани кўп миқдорда синтез қилиши аниқланган. Жуда кўплаб штаммлар эса аспарагин кислота, лейцин, валин, изолейцин ва лизинни жуда кам миқдорда синтез қилиши ўрганилган.


Микроорганизмларнинг аминокислоталар тўплаш хусусияти ва турлараро корреляцияси қатъий кўринишда бўлмайди. Аминокислота продуцентларининг кўпчилиги грамманфий спорасиз бактериялар бўлиб,

улар *Corynebacterium*, *Micrococcus*, *Arthrobacter*, *Brevibacterium* туркумлариға мансубдир.

#### 4.1. ЛИЗИН ИШЛАБ ЧИҚАРИШ

Маълумки, лизиннинг икки хил оптик фаоллиқдаги D-L-шакллари мавжуд:

**Лизин ( $\alpha$ - $\epsilon$ -диаминокапрон кислота):** C<sub>6</sub>H<sub>14</sub>N<sub>2</sub>O<sub>2</sub>




Лизин одам ва ҳайвонлар организмида қатор ўта муҳим биокимёвий функцияларни бажаради: хужайрада кальций транспорти, овқат ҳазм қилиш ферментлари секрециясини ва умумий азот нисбатини оширишни таъминлайди ва х.к.

Лизиннинг продуцент микроорганизмлари, ауксотроф бактерияларнинг *Brevibacterium*, *Micrococcus*, *Corynebacterium* каби гомосеринга муҳтоҷ мутант туркумлари ҳисобланади.

Лизиннинг озиқ-овқат саноатида қўлланилиши маҳсулотларнинг сифатини яхшилаб, уларнинг биологик қийматини оширади. Шунингдек, лизин ҳайвонлар озуқасидаги энг танқис аминокислоталардан ҳисобланади. Ҳайвонлар озуқа рационига лизиннинг 0,1-0,4% миқдорида қўшилиши озуқанинг қийматини кескин оширади ва шу билан бирга уларнинг сарф бўлиш миқдорини қисқартиш имконини беради.

Россияда лизин продуценти сифатида *Brevibacterium* туркумларидан фойдаланилади. Лизин продуценти-ауксотроф - биотин, тиамин, треонин ва метионинг талабчан бўлади.

Саноат асосида лизин ва бошқа хил аминокислоталарни олиш, қатъий режимдаги асептик шароит, стерил озуқа муҳити ва продуцентнинг тоза культурасидан фойдаланишни талаб этади.




#### **4.1-расм. Бактериялар томонидан лизин синтез қилинишининг чизмаси:**

1-аспартаткиназа; 2-аспарагин кислота яримальдегид дегидрогеназа; 3-гомосериндегидрогеназа; 4-гомосеринкиназа; 5-треониндегидрогеназа; *Қүи чизиклар* – репрессия механизми; *Битталик чизиклар* – ингибиirlаниш механизми.

Лизин олишнинг технологик жараёнлари қуйидаги босқичлардан иборат (4.1-чизма):

- *экиш материалини олиш;*
  - *озуқа мұхитини тайёрлаш ва стериллаш;*
  - *барча ускуналар, коммуникация ва ҳавони тайёрлаш ҳамда стериллаш;*
  - *ферментация;*
  - *L-лизинни ажратиш.*

Лизин чиқарувчи биокимёвий заводларда экиш материалини тайёрлашнинг даврий усулда амалга оширилади. Дастлабки культура ГПА (гүшт пептонли агар) қаттиқ озуқасида пробиркаларда 28-30<sup>0</sup>С ҳароратда бир кун давомида ўстириб олинади.



#### 4.1-чизма. Лизин ишлаб чиқаришнинг технологик чизмаси

Ўсган культуралардан микроорганизмлар суспензияси стерил сууц озука муҳитига (колбаларга) ўтказилади ва микробиологик тебратгичда (180-200 тез/мин) бир кун давомида  $29\text{-}30^{\circ}\text{C}$  ҳароратда ўстирилади. Бу **оналик экиш материали** деб ҳам аталади. Сўнгра оналик экиш материали тайёрлаш колбаларидан культуралар экиш колбаларига олинади, бунда

колбадаги озуқа мұхитининг 5% миқдори ҳажмида оналик әкиш материалы солинади.

Әкиш колбаларида ҳам культуралар  $30^{\circ}\text{C}$  ҳароратда 1 кун давомида микробиологик тебратгичда ўстирилади. Шундан кейин әкиш материалы колбалардан культураларнинг аэрация ҳолатида аралаштириб ўстириш амалға ошириладиган инокуляторга олинади ва  $29\text{-}30^{\circ}\text{C}$  ҳароратда бир кун давомида ўстирилади.

### **Әкиш материалини олиш**

Әкиш материалини олиш учун озуқа мұхити таркиби: меласса (3-5%), маккажүхори экстракти (2,5-3,0%) ва ош тузи сақлайди. pH 7-7,2 гача бўлиши HCl нинг 20% ли эритмаси орқали таъминлаб турилади.

Инокулятордаги озуқа мұхити таркиби ферментацион озуқа мұхити таркибига яқинроқ бўлиши зарур.

### **Озуқа мұхити тайёрлаш ва стерилизациялаш**

Лизин продуцентларини ўстириш учун таркибида меласса, маккажүхори экстракти ёки бўр ва ўстириш моддаларини сақловчи мұхитдан фойдаланилади. Углероднинг асосий манбай меласса бўлиб, таркибида термолабил компонент бўлган сахароза сақлайди, шунинг учун уни алоҳида стериллаш талаб этилади.

Меласса реакторга солиниб доимий аралаштирилган ҳолда  $80^{\circ}\text{C}$  гача ҳароратда қиздирилади ва зарур миқдордаги сахароза миқдори ҳосил бўлгунча сув солинади.

Махсус ускуналардаги ҳосил қилинган меласса эритмасига тезда  $120\text{-}122^{\circ}\text{C}$  ҳароратгача кучли буғ юборилади ва бу ҳарорат аниқ вақт оралиғида ушлаб турилади.

Озуқанинг бошқа компонентлари аралаштирилиб аралаштиргич билан жиҳозланган реакторга қуйилади ва қиздирилади, сўнгра махсус ускунада стерилизация ҳароратида зарур вақт оралиғида ушланиб, кейин совутилади.

Кўпик ҳосил қилувчилар баъзан алоҳида стерилланади, бунга сабаб уларнинг озуқа мұхитларга нисбатан юқоригоқ ҳарорат ва босимдан стерилланишидир.

Лизин олиш жараёнлари қатъий асептик шароитни талаб қилганлиги учун барча ускуналар, реакторлар, коммуникациялар ва ферментацияга бериладиган ҳаво стерилланиши зарур. Ускуналар ва коммуникациялар  $135\text{-}140^{\circ}\text{C}$  ҳароратда ўткир буғ босими остида амалға оширилади.

Бунда стерилизациянинг “совитиш” усулидан яъни бактериоцид газлар (этилен) ва кимёвий реагент эритмаларидан (формалин, хлор тутган бирикмалар ва х.к.) фойдаланиш мумкин. Совуқ стериллаш амалга оширилгандан сўнг кимёвий реагентлар қолдиқлари стерил сувда ювиб ташланади.

### **Ферментация**

Лизин продуцентларини саноат асосида ўстириш  $50\text{-}100\text{m}^3$  ҳажмли ферментёрларда даврий ўстириш усулида амалга оширилади. Ферментёрга солинган стерил озуқа муҳитининг 5-6 фоизи микдорида экиш материали солинади.

Ферментёрнинг умумий бандлик бирлиги 0,75 ни ташкил этиши лозим. Ферментаторга экишдан кейин бирданига стерил ҳаво юборилади ва  $50^{\circ}\text{C}$  ҳароратгача қиздирилади. 1 ҳажм ҳаво 1 л озуқа муҳити ҳажмига минутига 0,12-0,13 МПа босимда бериб турилади.

Ферментация жараёни  $28\text{-}29^{\circ}\text{C}$  ҳароратда узлуксиз аралаштириш ва аэрация шароитида 48-72 соат давомида олиб борилади.

Кўпиксизлантирувчи воситалар даврий (вақти-вақти билан) қўшиб турилади, озуқа муҳити pH даражаси эса вақти-вақти билан 25% аммиак эритмаси ёки 15% ўювчи калий эритмасидан қўшиш орқали мўътадиллаштирилиб турилади.

Ферментация орадан 58-72 соат вақт ўткач тугалланади ва культурал суюқлик мақсаддаги маҳсулотни ажратиш учун кейинги босқичга юборилади.

### **L – лизинни ажратиш**

Культурал суюқликдан тайёрланишга боғлиқ ҳолда турли хил микробиологик препаратлар: лизиннинг суюқ концентрати (ЛСК), лизиннинг қуруқ озуқа концентрати (ЛОК) ва кристалл лизин олиш мумкин. Ушбу препаратларни олиш технологиялари ҳар хил. 2.1-чизмада лизиннинг уч хил препаратлари: СЛК, ЛОК ва кристалл лизин олиш акс эттирилган.

Культурал суюқликдан 10-13% қуруқ модда сақловчи микробиологик концентратлар (СЛК ва ЛОК) олиш учун pH даражаси 5,0 гача хлорид кислотада нордонлаштирилади ва лизинни барқарорлаштириш учун 0,15% натрий бисульфит эритмаси қўшилади.

Сўнгра вакуум буғлантириш ускунасида барқарорлаштирилган культурал суюқлик, қуруқ модда микдори 35-40% қолгунча буғлантирилади.

Олинган суюқ лизин концентрати ҳайвонлар озуқаларини бойитиш учун қўлланилиши мумкин.

Қуруқ концентратни (ҚЛК) олиш учун, суюқ концентрат (СЛК), иссиқлик остида пуркаб қуригич мосламада 5-6% намлик қолгунча қуритилади.

Қуруқ озуқа лизин концентрати жуда гигроскопик бўлади, шунинг учун қуритилгандан сўнг тезда полиэтилен қопчаларда қадоқлаш лозим. Суюқ лизин концентрати суяқ уни, озуқа ачитқилари, буғдой кепаги ва бошқалар билан биргаликда қуритилганда кичикроқ гигроскопик ва сочиувчан озуқа лизин концентратини олиш мумкин.

Кристалл лизин культурал суюқликдан ион алмашинув усулларидан фойдаланилиб ажратилади. Культурал суюқликдан биомасса центрифугалаш ёки фильтрлаш орқали ажратилади.

Лизин фильтратдан КУ-2 ёки КБ-4П-2 маркали ион алмашинув смолосида сорбцияланади.

Ион алмашинув колонкаси ювилгандан сўнг лизин сувда 0,5-5,0% ли аммиак сувида ювиб олинади. 1-2% лизин сақловчи элюат хлорид кислота ёрдамида pH-4,9-5,0 гача нордонлаштирилади ва лизин миқдори 30-50% бўлгунча вакуум буғлантириш ускунасида буғлантирилади.


Лизинга хлорид кислота таъсир эттирилганда монохлоргидрат лизин ҳосил бўлади ва 10-12<sup>0</sup>C ҳароратгача совутилганда сарғимтири рангли кристаллар кўринишини намоён қиласди.

Монохлоргидрат лизин кристалларидан юқори даражада тоза лизин олиш учун унинг таркибидаги кераксиз аралашмаларни ва ранг берувчи моддаларни ажратиб ташлаш зарур. Бунинг учун кўп босқичли, ҳамда этил спирти ёрдамида қайта кристаллизациялаш каби жараёнлардан фойдаланилади.

Тоза лизин озиқ-овқат саноатида, тиббиётда ва бошқа мақсадлар учун қўлланилиши мумкин. Кристалл лизин қофоз қутиларда қадоқланади.

## ГЛУТАМИН КИСЛОТА ИШЛАБ ЧИҚАРИШ

Глутамин кислота ( $\alpha$ -аминоглутар кислота):



Алмашинмайдиган аминокислоталар қаторига кирмасада, ўсимлик ва ҳайвон оқсилларининг энг зарурий аминокислоталаридан бири ҳисобланади. Унинг асосида одам организмининг мўътадил ривожланиши учун зарур бўлган қўплаб физиологик фаол бирикмалар синтез бўлади.

Глутамин кислота буйрак ва жигардаги турли хил бузилишлардан ҳимоя қилувчи омил сифатида хизмат қилиш қобилиятига эгадир, шунингдек, дориларнинг фармакологик таъсирини ошириш ва турли хил моддаларнинг заҳарли (токсик) таъсирини камайтиради. Мана шунга асосан у тиббиётда кенг қўламда қўлланилади.


Шунингдек, глутамин кислотанинг мононатрийли тузи - натрий глутаматдан ҳам кенг фойдаланилади.

Бу бирикма кўпгина озуқа маҳсулотлари таъмини тузатиш, шунингдек, консерваланган маҳсулотларнинг таъмини узоқ вақт давомида бир меъёрда сақланиб турилишини ҳам таъминлайди. Кўпчилик мамлакатларда натрий глутаматдан сабзавотлар, балиқлар ва гўштли маҳсулотларни консервалашда кенг қўламда фойдаланилади. Глутамин кислотани ишлаб чиқаришнинг самарали ва истиқболли усусларидан бири - микробиологик синтез ҳисобланади.

Глутамин кислота синтез қилиш қобилиятига эга бўлган маълум микроорганизмлар орасида ишлаб чиқариш аҳамиятига эга бўлганлари *Micrococcus* ва *Brevibacterium* туркумига мансуб бактериялар ҳисобланади. Ушбу кичик, граммусбат, айланасимон ёки овалсимон бактериялар ўзига хос хусусиятига кўра биотин ёки тиаминга талабчан бўладилар. 4.2-расмда *Corynebacterium glutamicum* бактериясининг глутамин кислота биосинтези чизмаси келтирилган. Умуман, глутамин кислотани саноат асосида ишлаб чиқаришнинг лизин ишлаб чиқаришдаги каби қўплаб умумий техник жараёнлари мавжуд. Улар қўйидаги босқичлардан ташкил топган (4.3-расм):

- ✓ экиши материали олиш;
- ✓ озуқа муҳити тайёрлаш ва стериллаш;
- ✓ ферментация;
- ✓ кристалл ҳолдаги моддани ажратиб олиш;

✓ қуритиши, қадоқлаш ва ўраш.



**4.2-расм. *Corynebacterium glutamicum* бактериясининг глутамин кислота биосинтези чизмаси**

Глутамин кислота олиш учун углерод манбай сифатида глюкоза, сахароза, крахмал гидролизатлари, меласса ва гидрол хизмат қилиши мумкин. Углеводлардан ташқари хом-ашё сифатида углеводородлар (метан, этан, нефтнинг н-парафинлари), шунингдек, сирка, фумар кислоталар ва бошқа маҳсулотлардан фойдаланиш мумкин.

Озуқа муҳитида азот манбай сифатида 1,5-2,0% миқдорида мочевинадан фойдаланилади, аммо кўп миқдорда солинмасдан талаб даражасида қўшилади ва бунда озуқанинг мочевина сақлаши 0,8% дан ошиб кетмаслиги лозим. Кўпинча мочевинага қўшимча сифатида азот манбай бўлган аммоний сульфат  $(\text{NH}_4)_2\text{SO}_4$  ва аммоний хлорид  $(\text{NH}_4\text{Cl})$  0,5% гача ёки аммиакнинг сувли эритмаси қўлланилади.

Озуқа муҳитида культураларнинг мўътадил ўсиб ривожланиши учун юздан ёки ўндан бир фоиз ҳисобида калий ( $\text{KH}_2\text{PO}_4$  ҳолида), магний ( $\text{MgSO}_4 \times 7\text{H}_2\text{O}$ ), марганец ( $\text{MnSO}_4 \times 4\text{H}_2\text{O}$ ), шунингдек, озуқа муҳит рН ини мўътадиллаштириш (рН 7-7,2) мақсадида унга бўр қўшиш зарур бўлади.

Глутамин кислота биосинтезини оширувчилар сифатида биотин, тиамин, баъзи бир антибиотиклар (пенициллин, тетрациклин), спирт ва сирт фаол моддалар таъсир этиш хусусиятига эга. Аммо, биостимуляторлар миқдорини қатъий равишда назорат қилиш лозим бўлади. Чунки уларнинг юқори даражали миқдори масалан, биотин биомасса ўсишини тезлаштирасада, глутамин кислота ҳосил бўлишини пасайтиради.


### **Экиш материалини тайёрлаш**

Экиш материалини тайёрлаш оддий лаборатория шароитида амалга оширилади: дастлаб пробиркаларда, сўнга колбаларда микробиологик тебратгичда, кейин 2-5 куб ҳажмли экиш ферментёрларида ўстирилади. Ўстириш ҳарорати  $28-30^{\circ}\text{C}$ , озуқа муҳитининг рН даражаси 6,8-7,5; ўстириш давомийлиги эса ҳар бир босқичда 24 соатни ташкил этади.

Ферментация 50 куб ҳажмли ферментёрларда кучли аэрацияда ва  $28-30^{\circ}\text{C}$  ҳароратда олиб борилади. Ўстириш давомийлиги 2-3 кунга чўзилади. Бу вақт оралиғида озуқа муҳитида 50 г/л гача глутамин кислота тўпланади.

### **Ферментация**

Культурал суюқликдан биомасса фильтрлаш ёки центрифугалаш орқали ажратиб олинади, культурал суюқлик эса вакуум-буғлатиш ускунасида буғлантирилади. Кристаллизациядан кейин глутамин кислота ажратилади. Янада тозароқ маҳсулот олиш учун одатда қайта кристаллизациялаш усули қўлланилади. Культурал суюқликдан глутамин кислотани ажратиш учун ион алмашиш усули ҳам ишлаб чиқарилган бўлиб, бунда КУ2-смоласига сорбцияланади. Смолага сорбцияланган глутамин кислота колонкадан 0,5-5,0% ли аммиакли сув ёрдамида ювиб олинади. Олинган элюатга фаол қўмир билан ишлов берилади ва  $40^{\circ}\text{C}$  ҳароратли вакуум остида ҳажми 3-5 маротабагача камайгунча қуюлтирилади.



4.3-расм. Глутамин кислота ишлаб чиқаришнинг технологик чизмаси

Сульфат кислотада нордонлаштирилган (рН 3,2 гача) эритма  $4^{\circ}\text{C}$  ҳароратгача совутилади ва бунда глутамин кислотанинг кристаллизацияланиши амалга ошади. Қайта кристаллизацияланган маҳсулотда асосий модда (глутамин кислота) 99,6% ни ташкил этади.

## **НАТРИЙ ГЛУТАМАТ ТАЙЁРЛАШ**

**Натрий глутамат:**  $\text{HOOC}-\text{CH}_2-\text{CH}_2(\text{NH}_2)-\text{COONa}$  – техник

глутамин кислотадан олинади. Кислота кристаллари сувда эрийди, сувли эритмага фаол күмир билан ишлов берилиб, 60-70°C ҳароратда кристаллар эриши түлиқ таъминланади. Кейин глутамин кислота эритмаси 45-50% ли NaOH эритмаси билан pH-6,8 бўлгунча нейтралланади ва шундан кейин фильтранади. Фильтрат вакуум-буғлатиш ускунасида 40-50°C ҳароратда буғлантирилиб, сўнгра совутилади. Кристаллизация паст ҳароратда 3 кун давомида амалга оширилади. Натрий глутамат кристаллари дастлабки эритмадан центрифугада ажратилиб, иссиқ ҳавода қуритилади. Тайёр маҳсулот 98% асосий модда (натрий глутамат) сақлайди.

### **Назорат саволлари**

1. Аминокислоталар нима?
2. Қандай аминокислоталар алмашинмайдиган аминокислоталар деб аталади ва нима учун?
3. Аминокислоталар қандай соҳаларида кўлланилади?
4. Аминокислоталарни микробиологик синтез йўли билан олиш кимёвий синтезга нисбатан қандай афзалликларга эга?
5. Қандай микроорганизмлар лизин продуцентлари деб ҳисобланади?
6. Лизин биосинтези учун қандай хом ашё углерод манбаи ҳисобланади ва улар қандай стерилланади?
7. Ферментёрда лизин продуцентини даврий ўстириш жараёни қандай амалга оширилади?
8. Глутамин кислота олиш технологик жараёнининг охирги босқичи ҳақида маълумот беринг.
9. Натрий глутамат қандай олинади?

### **Таянч сўзлар**

Аланин, аргинин, аспарагин кислота, аспарагин, цитруллин, цистеин, цистин, глицин, глутамин кислота, гистидин, гомосерин, оксипролин, глутамин, изолейцин, лейцин, лизин, метионин, L-метионин, орнитин, фенилаланин, пролин, серин, L-треконин, Dl-, L-триптофан, тирозин, валин, *Corynebacterium glutamicum*, *Micrococcus*, *Brevibacterium*, *Arthrobacter*.

## V-БОБ. ОРГАНИК КИСЛОТАЛАР ИШЛАБ ЧИҚАРИШ

Микробиологик синтез орқали турли хил органик кислоталар: сирка, лимон, янтар, итакон, глюкон ва бошқа хил кислоталарни олиш мумкин. Улардан озиқ-овқат, фармацевтика, кимё, енгил саноат ва бошқа турли хил ишлаб чиқариш саноатларида кенг қўламда фойдаланилади.

Микробиологик синтез орқали олинган лимон, сирка ва сут кислоталари анъанавий озиқ-овқат ишлаб чиқаришда кенг қўлланилади ва кимёвий синтез йўлига нисбатан самаралироқ ҳисобланади.


Ушбу кислоталарнинг продуцент микроорганизмлари бактериялар, моғор замбурурглари ва ачитқилар ҳисобланади. Сирка ва лимон кислота синтезловчи продуцент-микроорганизмлар аэроблар ҳисобланади. Сут кислотасини эса анаэроб микроорганизмлар ҳосил қиласди.

Микроорганизмлар ушбу кислоталарни ўзларини бегона микрофлорадан ҳимоя қилиш мақсадида синтезлайдилар, шунингдек, углеродни захира сифатида синтез қиласди деган назариялар мавжуд.

### 5.1. СИРКА КИСЛОТАНИ ИШЛАБ ЧИҚАРИШ

**Сирка кислота**  $CH_3COOH$  – рангиз, ўткир ҳидли суюқликдир. Ошхона сиркаси (сирка кислотасининг 5-9% ли сувли эритмаси), сиркали эссенция (70-80%), сувсиз ёки музлатилган сирка кислота (98-99,8%) ҳолидаги сирка кислоталари мавжуд.

*Acetobacter* туркумига мансуб сирка кислотали бактериялар этил спиртини оксидлаб, сирка кислота ҳосил қилиш хусусиятига эгадир. Этил спиртининг оксидланишини алкогольоксидаза ферменти катализлайди. Реакция тенгламасини қуйидагича ёзиш мумкин:



Саноат шароитида сирка кислотани микробиологик синтез қилиш, сирка кислотали бактерияларни суюқликда узлуксиз ўстириш усулидан фойдаланиб, кетма- кетликдаги ферментёрлар бирикмаларида амалга оширилади.

Сирка кислота ишлаб чиқаришнинг технологик жараёнлари қуйидаги асосий босқичларни ташкил этади (5.1-расм):

- ✓ **Экиши материалини олиши;**
- ✓ **Хом ашёларни тайёрлаши;**
- ✓ **Ферментация;**
- ✓ **Тайёр маҳсулотни тиндириши ва қуиши.**

Ишлаб чиқаришда сирка кислотали бактерияларнинг икки хил тури *Bacterium Schtzenbachii* ва *Bacterium curvum* қўлланилади.


Экиш материали лабораторияларда сирка кислотали бактерияларни суюқ озуқада колбаларда, микробиологик тебратгичда, сўнгра 30 л. ҳажмли лаборатория ферментёрларида ўстириб олинади.

Сирка кислота олиш учун хом ашё сифатида этил спирти, ректификат ёки тозаланган ёғдан фойдаланилади. Сирка кислотали бактерияларнинг ҳаёт фаолияти озуқа муҳитининг pH кўрсаткичига боғлиқ бўлади. Уларнинг яхши ривожланиши учун мўътадил pH кўрсаткичи 3,0-3,2 оралиғида бўлади.

Озуқа муҳитидаги сирка кислота ва этил спирти микдори ҳам микроорганизмлар ҳаёт фаолиятида муҳим рол ўйнайди ва катта таъсир кўрсатади. Кислоталарнинг мўътадил микдори 10% деб ҳисобланса, спирт микдори *Bacterium Schtzenbachii* учун 6-7% (ҳажман), *Bacterium curvum* учун эса 9-14% (ҳажман) ни ташкил этади.

Ферментация жараёни эса бешта кетма-кетлиқда бириккан ферментёрлардан ташкил топган ускуналарда амалга оширилади.

Ҳар бир ускуна аралаштиргич, барометр ва бурама (спиралсимон) иссиқлик алмаштирувчилар билан таъминланган. Биринчи ферментёрга, этил спирти ва сирка кислотанинг умумий микдори 6,4-6,7% ни ташкил этадиган озуқа муҳити ва стерил ҳаво узлуксиз берилади ҳамда экиш материали солинади. Бунда сирка кислотали бактерияларнинг жуда тез ривожланиши учун қулай шароит яратилади. Биринчи ферментёр қолган барча кейинги ферментёрлар учун сирка кислотали бактериялар генератори ҳисобланади. Шунингдек, бунда сирка кислотасида этил спиртининг оксидланиши амалга ошади.



**5.1-расм. Сирка кислота ишлаб чиқаришнинг технологик чизмаси**

Культурал суюқлик бир ферментёрдан иккинчи ферментёрга ҳосил қилинган ҳаво босими ҳисобига узатилади. Ҳар бир ферментёр этил спирти жадал оксидланиши ва сирка кислотага айланиши учун шароит яратиб беради. Зарур бўлган спирт миқдори билан таъминлаш учун иккинчи, учинчи ва тўртинчи ускуналарга 40% ли этил спирти қўшилади.

Ҳарорат ва аэрация жадаллиги бир ферментёрдан иккинчисига ўтганда пасайиб боради: агарда биринчи ферментёрда ҳарорат  $28^{\circ}\text{C}$  га, аэрация жадаллиги эса  $0,35\text{-}0,40 \text{ м}^3/(\text{м}^3 \cdot \text{мин})$  га тенг бўлса, охирги ускунага келиб мувофиқ равишда  $25^{\circ}\text{C}$  ва  $0,1\text{-}0,15 \text{ м}^3/(\text{м}^3 \cdot \text{мин})$  ни ташкил этади.


Культурал суюқлик бешинчи ферментёрдан сирка кислота миқдори 9% дан кам ва 9,3% дан ортиқ бўлмаган ҳолда чиқади.

100 л. сувсиз этил спиртидан 75-90 кг сирка кислота олинади. Сирка кислотаси эритмасига тиндириш учун бентонит ва кўп бўлмаган миқдорда лимон кислота қўшилади. Аralаштирилиб бўлингандан сўнг, тиндирилган сирка кислота эритмаси зич фильтрга узатилади. Ўзида 9% сирка

кислотасини (ошхона сиркаси) сақловчи фильтрат тайёр маҳсулот йифиладиган жойга узатилади ва ундан қуиб олиш мумкин бўлади.

## ЛИМОН КИСЛОТАНИ ИШЛАБ ЧИҚАРИШ

**Лимон кислота** -  $C_6H_8O_7$ , уч асосли оксикислотадир:



Сувли эритмалардан рангсиз, тиник, ромбик қўринишидаги кристаллар пайдо бўлади. Лимон кислотаси тиббиётда, озиқ-овқат, кимё ва енгил саноатда жуда кенг миқёсда ишлатилади. Маълумотларга кўра дунё миқёсида лимон кислотасини ишлаб чиқариш ҳажми йилига 400 минг тоннани ташкил этади.

Лимон кислотасининг бундай катта миқдорда ишлаб чиқарилишига турли хил углерод манбалари, хусусан, углеводородлар асосида микробиологик синтез усуллари яратилгандан кейингина эришилди.

Лимон кислотасининг продуцент микроорганизмлари микроскопик замбуруғлар (*Aspergillus niger*), ачитқилар (*Candida lipolytica*, *Candida quilliermondii*) ва бактериялар (*Corynebacterium*, *Arthrobacter*) ҳисобланади.

Россияда лимон кислотаси мелассали озуқа муҳитида *Aspergillus niger* микроскопик замбуруғини ўстириб, микробиологик синтез асосида олинади. Лимон кислотасини ишлаб чиқариш жараёни ўзида микробиологик технологиянинг барча асосий босқичларини мужассамлаштиради (5.2-расм):

- Экув материалини тайёрлаш;
- Меласса - хом ашёларни ферментацияга тайёрлаш;
- Ҳавони тайёрлаш ва стериллаш;
- Ферментация;
- Мицелий-продуцент биомассаларини ажратиш;
- Культуранал суюқликдан лимон кислотасини ажратиш ва уни кристалл қўринишида олиш.

Лимон кислотаси продуцентларини юза қисмга ва суюқлик ичига экиш усулларида ўстириш мумкин. Лимон кислотасини бу усулларда ишлаб чиқаришнинг технологик чизмаси фақатгина ферментация босқичида фарқланади. Қолган барча босқичлар бир хилда кечади (5.3-расм).

## **Экув материалини тайёрлаш**


Махсус микробиологик музейларда *Aspergillus niger* штаммлари қурук спора кўринишида (конидий) фаоллаштирилган кўмир аралашмасида сақланади. Дастребки культура пробиркаларда агарли озуқа муҳитида ривожланади, сўнгра колба ва кюветаларда қаттиқ озуқа муҳитида ўстирилади. Ўстириш ҳарорати  $32^{\circ}\text{C}$  бўлиб, ўстириш давомийлиги ҳар бир босқичда 2 кундан 7 кунгача давом этади.

Қаттиқ озуқа муҳити сиртида ўстирилганда конидия ҳосил қилувчи мицелиал қоплам ривожланади. Етилган конидийлар вакуум ускунаси ёрдамида йифиб олинади. Йифиб олинган конидийлар стерил ҳолдаги қўшимчаларга (тальк ёки фаоллаштирилган кўмир) аралаштирилади ва  $32^{\circ}\text{C}$  ҳароратда қуритилади. Тайёр экув материали стерил шиша колбаларга ёки 0,5 дан 1 литргача бўлган сифимли банкаларга жойланади. Бу усулда ишлов берилган экув материалини сақлаш муддати 6 ойдан кам бўлмайди.

## **Хом ашёларни тайёрлаш**

Лимон кислотасини саноат асосида олиш учун субстрат сифатида шакар саноатининг қолдиқ маҳсулоти бўлган меласса қабул қилинган. Меласса аниқ стандартга (таркибга) эга бўлмаган хом ашё ҳисобланади, шунинг учун унинг яроқлилиги лаборатория шароитида назорат ферментацияларда лимон кислота синтез бўлиши бўйича текшириб кўрилади.

Яхши, сифатли меласса таркибида 46% дан кам бўлмаган шакар сақлайди. Агарда назорат ферментация жараёнида лимон кислота синтези, юза қисмга экиш усулида  $1,25 \text{ кг}/(\text{м}^2 \cdot \text{сут})$  ёки суюқликда экиш усулида  $12 \text{ кг}/(\text{м}^3 \cdot \text{сут})$  ни ташкил этса, бундай меласса ишлаб чиқариш учун яроқли ҳисобланади.




5.3-расм. Лимон кислота ишлаб чиқаришнинг технологик чизмаси

### Озуқа муҳити юза қисмида ўстириш усулидаги ферментация

Юза қисмида ўстириш учун озуқа муҳити қайнатиш қозонида тайёрланади. Меласса сув билан 1:1 нисбатда суюлтирилиб олинади ва сульфат кислота қўшилиб эритма pH кўрсаткичи 6,8-7,2 гача олиб борилади.

Темир тузлари ва оғир металларни чўктириш учун қайнатиш давомида аниқ миқдордаги сариқ қон тузи эритмаси калий гексацианоферрат (ГЦФК) солинади. Меласса эритмасига  $60-70^{\circ}\text{C}$  ҳароратда кетма-кетликда азот, фосфор (калий фосфат), макро- ва микроэлементлар (рух, магний, калий ва бошқалар) манбалари қўшилади. Тайёр озуқа муҳити  $45-50^{\circ}\text{C}$  ҳароратда стерил идишга ўтказилади. Озуқанинг шакар сақлаши 12-16% ни ташкил этиши лозим.



**5.3-расм. Меласса сақловчи мұхитда лимон кислота олишнинг технологик чизмаси**

1-меласса учун идиш; 2-марказлаштирувчи насослар; 3-мелассани суолтириш учун реактор; 4-стерилизатор; 5-ачитиш камераси; 6- бижгийдиган эритмаларни йиғувчи ускуна; 7-нейтрализатор; 8-нутч-фильтр; 9-аралаштиргич; 10- нутч-фильтр; 11- йиғишидиш; 12-вакуум ускунаси; 13-дисольвер; 15-кристаллизатор; 16-қабул бўлими; 17-куритиши; 18-тайёр маҳсулот; 19- фильтратларни йиғиши.

Асосий ферментация стелажларида (жавонлар) кюветалар жойлашган ёпиқ бўлмалари мавжуд бўлган маҳсус бўлмаларда амалга оширилади. Кюветалар тўғри бурчакли шаклда алюминий ёки зангламайдиган пўлатдан тайёрланган бўлади. Кюветаларнинг узунлиги 7 м, эни 1,8 м, борт баландлиги 20 см гача бўлиши мумкин. Кюветалар озуқа мұхити билан тўлдирилади ва культурал суюқлик штуцер орқали кювета тубига сизиб ўтиб турадиган бўлади. Камера қиздирилган стерил ҳаво узатгич тизим билан жиҳозланади.

Янги ферментация цикли олдидан камералар ва кюветалар яхшилаб ювилади ва параформ аралашмаси билан стерилланади кейин эса пароаммиакли аралашмада дегазацияланади. Стерилизацияланган ва совутилган камера кюветалариға озуқа мұхити 12 дан 18 см гача қатлам қилиб қўйилади. Маҳсус ускуналарда *Aspergillus niger* конидийлари яъни

экиш материали озуқа мұхитига пуркаб сепилади. Экишдан кейин бир кун ўтгач юпқа оқ-сарғиши мицелий қоплами ҳосил бўлади ва уч кун ўтгач қалинлашиб бурмали, қатlam-қатlam тузилишини намоён қилади. Замбуруғ мицелийсининг фаол ўсиш босқичи жуда кам аэрацияда, 34-36<sup>0</sup>C ҳароратда таъминланади.


Фаол кислота ҳосил бўлиш босқичида ҳарорат 32-34<sup>0</sup>C га пасаяди, ҳаво узатилиши эса 3-4 марта ошади. Кислота ҳосил бўлиши жадаллигининг пасайиши ва ажраладиган иссиқлик миқдори камайишининг олдини олиш учун камерага берилаётган ҳаво секин-аста камайтириб борилади. Ферментция жараёни эритмада 1-2% шакар қолганда ва культуран суюқликда кислота сақлаши 12-20% ни ташкил этганда тўхтатилади. Кьюветалардан культуран суюқлик маҳсулот йиғувчи ускунага қуйилади, сўнгра кимёвий цехга ўтказилади. У ерда лимон кислота сақлаши 12-20% ни ташкил этади. Мицелий кислоталардан иссиқ сув билан ювиб тозаланади ва қора моллар учун озуқа сифатида қўлланилиши мумкин.

### **Суюқ озуқа мұхитида ўстириш усулидаги ферментация**

*Aspergillus niger* замбуруғларини суюқ озуқада ўстириш орқали лизин олиш жараёни 100м<sup>3</sup> ҳажмдаги ферментёрларда амалга оширилади (5.4-расм).

Экиш материали сифатида 10м<sup>3</sup> ҳажмдаги экиш ферментёрларида олинган ўсувчан мицелийлар қўлланиледи. Меласса эритмаси экиш ва ишлаб чиқариш ферментёрлари учун худди юза қисмида ўстириш усулидагидек олинади, фақатгина суюқликда ферментация учун дастлабки меласса эритмаси 4% дан кам бўлмаган шакар сақлаши лозим. Агарда фементация жараёнида шакар миқдори кескин камайса, 25-28% шакар сакловчи стерил меласса эритмаси (куюлувчи эритма) қуиши амалга оширилади. Ушбу эритма шундай миқдорда қуйиладики, бунда ферментёрдаги шакар миқдори 12-15% ни ташкил этсин.

Озуқа мұхити билан тўлдирилган экиш ускунасига, дастлаб термостатда 32<sup>0</sup>C ҳароратда 5-6 соат сақланган конидий суспензияси қуйилади. Культура доимий аралаштириш ва аэрацияда 34-35<sup>0</sup>C ҳароратда ўстирилади. Ўстириш жараёнида ферментаторга ҳаво узатилиши қатъий назорат қилинади, яъни ҳавонинг сарфи ферментация охирларига бориб деярли 10 баробар ошади.



**5.4-расм. Суюқликда ўстириш усулида лимон кислота олишнинг технологик чизмаси (Карклиньш ва Пробок, 1972):**

1-мелассали бак; 2-қабул қилувчи бак; 3-тарозилар; 4-қайнатувчи қозон; 5-марказлаштирувчи насос; 6-оралиқ идиш; 7-стерил колонка; 8-сақлагич; 9-музлатгич; 10-экиш ферментёри; 11-ишлаб чиқариш ферментёри; 12-бактериологик фильтр; 13-мелассани сақлаш учун идиш; 14-оралиқ йиғувчи ускуна; 15-барабанли вакуум фильтр; 16-мицелийни қабул қилувчи идиш; 17-мицелийни йиғиши учун вакуум йиғгич; 18-фильтрланган (бижиган) эритмаларни йиғиши учун вакуумли йиғучи ускуна.

Жадал кўпикланиш давомида кўп бўлмаган микдордаги кўпиксизлантирувчи модда солинади (олеин кислота).

Мицелий етилиш жараёни 30-36 соатдан кейин культурал суюқлик кислота микдори 1-2% сақлагандага тугалланади. Етилган мицелийлар ишлаб чиқариш ферментёридаги озуқа муҳитига экиш учун юборилади.

Ферментёрда кислота ҳосил бўлиш жараёни узлуксиз аэрация ва  $31-32^{\circ}\text{C}$  ҳароратда 5-7 кун давом этади. Ҳаво сарфи бошланғич даврда  $400 \text{ m}^3/\text{s}$ , ферментация охирларида эса  $2200 \text{ m}^3/\text{s}$  гача ошиб боради. Шакар микдорини мўътадиллаштириб туриш учун қўйиш эритмасидан вақти-вақти билан 2-3 марта қўшилади. Бунда шакар микдори эритмада 12-15% ни ташкил этиши


лозим. Жараён охирида эса умумий кислоталилик ва шакар миқдори аниқланади.

Ферментация жараёни тугагандан сўнг культурал суюқлик 60-65°C ҳароратгача бўлган ўткир буғда қиздирилади ва йиғувчи идишга қўйилади. У ердан эса мицелий биомассаларини ювиш ва ажратиш учун вакуум-фильтрга узатилади. Ювилган мицелийлар қора мол озиқаси сифатида қўлланилади. Асосий лимон кислота эритмаси эса сув таркибида кимёвий цехга лимон кислотасини ажратиш учун узатилади.

### **Лимон кислотасини ажратиш ва уни кристалл ҳолда олиш**


Мицелийлар ажратилгандан сўнг культурал суюқлик таркибида лимон, глюкон ва оксалат кислота (шавел кислота)лар аралашмаси, шакар чўкмалари ва минерал аралашмаларини сақлайди. Культурал суюқликдан лимон кислотани ажратиш унинг цитрат уч кальцийли тузида кам эрувчанлик хусусияти ҳосил қилишига асосланади.

Нейтрализация жараёни маҳсус ускуна – нейтрализаторда амалга оширилади, у ўз навбатида аралаштиргич ва буғли батареялар билан жиҳозланган бўлади. Культурал суюқлик қайнаш даражасигача қиздирилади ва оҳакли ёки бўрли сут узлуксиз аралаштириб қўшилади. Нейтраллаш озуқа pH 6,8-7,5 бўлганда тугалланади. Бунда барча уч кислотанинг тузлари ҳосил бўлади:




**лимон кислота**

**кальций глюконат**



**глюкон кислота**

**кальций глюконат**



**оксалат кислота**

**кальций оксалат**

Кальций цитрат ва оксалат бунда чўкмага тушади, кальций глюконат ва минерал қолдиклар эритмада қолади. Кальций цитрат ва оксалат эритмадан вакуум-фильтрда ажратилади ва яхшилаб иссиқ сувда ювиб ташланади. Кальций цитрат ва аниқ миқдордаги сув солинган реакторга аралаштириб солинади ва унга фаоллаштирилган кўмир қўшилади (тиндиргич сифатида).

Сүнгра реактор  $60^{\circ}\text{C}$  гача ҳароратда қиздирилади ва унга аниқланган миқдордаги сульфат кислота аралаштириш давомида қуйилади.

Аралашма 10-20 минут давомида қайнатилади. Кальций цитрат сульфат кислотада қуидаги тенгламага кўра ажралади:



Кальций оксалат бу шароитда ажралмайди. Кальций цитрат тўлиқ ажралгандан сўнг реакторга оғир металларни чўқтириш учун гранулаланган барий сульфат солинади. Лимон кислота эритмаси гипс, кальций оксалат, кўмир ва оғир метал тузлари қолдиқларидан вакуум-фильтрда ажратилади. Фильтрланган лимон кислота эритмаси буғлантиришга йўналтирилади. Вакуум-ускунада буғлантириш икки босқичда амалга оширилади.


Биринчи ускунада эритма  $1,24\text{--}1,26 \text{ г}/\text{см}^3$  зичликкача буғлантирилади ва бунда гипс қолдиқлари чўқмага тушади. Зич филтрда гипс ажратилиб, сўнг тиник эритма иккинчи ускунада  $1,35\text{--}1,36 \text{ г}/\text{см}^3$  зичликкача буғлантирилади. Бунда лимон кислота миқдори 80% ни ташкил этади.

$70^{\circ}\text{C}$  ҳароратда вакуум-ускунада буғлантирилган эритма кристаллизаторга юборилади. Кристаллизаторда эритма  $35\text{--}37^{\circ}\text{C}$  ҳароратгача совутилади ва лимон кислота кристаллари ажратишга юборилади. Кристаллизация доимий аралаштириш ва босқичма-босқич  $8\text{--}10^{\circ}\text{C}$  гача совутиш орқали амалга оширилади. Ҳосил қилинган лимон кислотаси кристаллари центрифугалаш орқали ажралади ва кўп бўлмаган миқдордаги совуқ сувда ювилиб қуритишга йўналтирилади.

Кристалл лимон кислотасини қуритиш лентали ёки барабанли пневматик қуритгичда  $35^{\circ}\text{C}$  дан ошмаган ҳароратли ҳавода амалга оширилади. Тайёр препарат таркибида 99,5% дан кам бўлмаган миқдордаги лимон кислотаси (моногидратта хисоблаганда) сақлаши лозим.

## СУТ КИСЛОТАСИ ИШЛАБ ЧИҚАРИШ

Сут кислотаси –  $C_3H_6O_3$  бир асосли органик кислотадир. Гидроксил гурух икки хил ҳолатда ( $\alpha$  ва  $\beta$ ) жойлашиши мумкин, шунинг учун сут кислотаси икки изомерга бўлинади:



Сут кислотасини ҳам микробиологик ҳам кимёвий синтез йўли билан олиш мумкин. Сут кислотаси продуцентининг мўътадил ривожланиши  $48-50^{\circ}\text{C}$  ҳароратда кечадиган гомоферментатив термофил бактерияларга мансуб бўлган *Bacterium dilruckii* бактерияси ҳисобланади.

Сут кислотаси олиш учун хом ашё сифатида турли хил углеводлар қўлланилиши мумкин. Кислота ишлаб чиқаришда, таркибида глюкоза, сахароза ва мальтоза сақловчи хом ашёлардан фойдаланилади. Масалан, Россияда сут кислотаси ишлаб чиқариш учун рафинадли қиём (шакар-рафинад ишлаб чиқариш қолдиги), меласса, крахмал (маккажўхори ва картошканики) ва дастлабки қандлаштирилган солоддан фойдаланилади.

Сут кислотали бактерияларнинг глюкозани бижғитиб сут кислота ҳосил қилиш реакцияси қуйидагича кечади:



Кимёвий тенгламага асосан 100 г глюкозадан 100 г сут кислотаси олиниади. Бижғиши жараёнида маҳсулотнинг амалий чиқиши шакар массасига нисбатан 90-91% ни ташкил этади.

Сут кислотасини ишлаб чиқаришнинг технологик жараёнлари анаэроб шароитда ўтади (ҳаво тайёрлаш босқичи бўлмайди) ва ҳароратнинг кўтарилиши билан характерланади (зараарли микрофлора билан заарланиш хавфи пасаяди). Булар сут кислотали бактерияларнинг термофиллиги ва анаэроблигини кўрсатади.

Сут кислота ишлаб чиқариш жараёни қуйидаги асосий босқичлардан иборат:

- ✓ экши материали тайёрлаш;

- ✓ *озуқа муҳити тайёрлаш;*
- ✓ *сүт кислотали бижгиши (ферментация);*
- ✓ *йигилган эритмани қайта ишилаш ва фильтрлаш;*
- ✓ *кальций лактатни парчалаш;*
- ✓ *сүт кислотасини буғлантириши.*

5.5-расмда сүт кислотаси тайёрлашнинг умумий технологик чизмаси келтирилган.


### **Экиш материалини тайёрлаш**

Дастлабки культура пробиркадан олиниб янги озуқа муҳити солинган учта пробиркаларга экиб олинади. Пробиркада ўсан культуралар 500 мл сифимли колбаларга, ундан 10 л сифимли шиша идишларга ва ниҳоят улардан культиваторга олиб экиласди. Экиш материали микдори бижғитиш ускунаси ҳажмининг 30% идан кам бўлмаслиги лозим.

Биринчи икки босқич солод суслоидан тайёрланган озуқа муҳитида, учинчи босқич сусло ва ишлаб чиқариш учун тайёрланган ўстириш озукалари аралашмасидан (1:1), охирги босқич эса фақат ишлаб чиқариш учун тайёрланган озуқада амалга ошириласди. Ўстириш ҳарорати 48-50<sup>0</sup>С бўлиб, ўстириш давомийлиги ҳар бир босқичда 20-24 соат давом этади.

Озуқа қўшимча сифатида стерил бўр сақлаши ва стерил бўлиши лозим. Асосан заводларда тоза культура ишлаб чиқариш жараёни олдидан тайёрланади. Кейинчалик экиш материали сифатида бижғитиш ускуналардан олинган культурал суюқликдан фойдаланилади.

Сүт кислотали бижғиши цилиндр кўринишдаги, сферик тубли, сифими 25-45 м<sup>3</sup> бўлган, алюминий ёки зангламайдиган пўлатдан тайёрланган, иссиқ сувнинг циркуляцияси амалга ошадиган ускуна билан таъминланган қурилмаларда (чанларда) амалга ошириласди. Озуқа муҳити бевосита бижғиши қурилмасида тайёрланади. Меласса ва рафинад қиёми қурилмага ўзи оқиб тушувчи қувур орқали берилади, шакар манбаи эса дастлаб сувда эритилади ва кейин бижғиши қурилмасига қуйилади. Бўрли сүт алоҳида идишда тайёрланади.



5.5-расм. Сүт кислотаси олишнинг технологик чизмаси

Қурилманинг ишчи сифими  $\frac{2}{3}$  ҳажмда сув билан тўлдирилиб, унда меласса ва рафинад қиёми эритилади ва эритмада шакар миқдори 3-4% гача бўлгунга қадар олиб борилади. Эритма  $70^{\circ}\text{C}$  гача бўлган ҳароратда қиздирилиб, мана шу ҳароратда 1 соат давомида стерилизация қилинади. Сўнгра эритма  $48-50^{\circ}\text{C}$  гача совутилиб, унга 15% солод қуйқаси (солинган


шакар массасига) ва қурилма сифимининг 20% ҳажми баробарида экиш материали солинади. Ўстиришнинг б соатидан сўнг озуқа муҳити ҳавода даврий барботирлаш орқали аралаштирилади. Қачонки эритмада сут кислота миқдори 0,5-0,6% ни ташкил этса, ҳар 1,5-2 соатда кўп бўлмаган миқдорда бўрли сут қўшилади. Сут кислотаси нейтрализацияси натижасида кальций лактат ҳосил қиласи.

Мўътадил бижғиш жараёнида ҳар кунда 2% гача шакар ўзлаштирилади. Шакар миқдори камайганда бижғиш қурилмасига бир нечта усулларда шакарнинг 50% ли эритмаси (рафинад қиёми сақлаши мумкин) қўшилади. Озуқанинг таркибида 3-4% гача шакар сақлаши таъминланади.

Шакар миқдори тажрибалар асосида аниқланиб, бижғиш жараёнининг охира культуранал суюқликнинг таркибидаги кальций лактат миқдори 15% дан, ўзлаштирилмаган шакар миқдори эса 0,2-0,5% дан кўп бўлмаслиги лозим. Бижғиш 6-8 кун давом эттирилади. Бижғиш жараёни тугагач, культуранал суюқлик бижғиш ускунасида  $70-80^{\circ}\text{C}$  гача қиздирилади ва кучсиз ишқорий реакциягача оҳакли сут ёрдамида нейтралланади.

Нейтраллаш жараёнида оқсил моддалари коагуляцияга учрайди, темир чўқади ва шакарнинг жуда кам қолдиклари парчаланади. Сўнгра культуранал суюқлик тиндирилади ва чўкмадан ажратилгандан кейин буғда қиздирилган зич фильтрга йўналтирилади. Кальций лактат эритмаси  $70-80^{\circ}\text{C}$  ҳароратда фильтрланади. Олинган фильтрат 27-30% миқдоргача буғлантирилади. Кейин  $25-30^{\circ}\text{C}$  гача совутилиб кристаллизаторда 36-48 соат ушланади. Кристаллизация дастлабки эритмада кальций лактатнинг миқдори 6% атрофида қолганда тугалланади.

Кристалл кальций лактат центрифугада ажратиб олинади, совук сувда ювилади ва қуритилади. Сульфат кислота таъсирида кальций лактат парчаланиб, эркин сут кислотага айланади. Бу жараён  $60-70^{\circ}\text{C}$  ҳароратда амалга оширилади. Реакция қуйидаги тартибда кечади:



Сут кислота эритмаси таркибидаги темир, натрий сульфат бирикмалари чўкиши учун ГЦФК [гексацианоферрат (II) калий], оғир металлар ва мишъяк чўкиши учун барий сульфит ва ранг берувчи моддаларни йўқотиш учун эса фаоллаштирилган кўмир билан ишлов берилади.

Ишлов берилгандан сўнг аралашма фильтрланади. Фильтдаги гипс қолдиқларидаги қолган сут кислотасини ювиб чиқариб ташланади.

Натижада 18-20% миқдордаги сут кислотаси эритмаси олинади. Эритма миқдори 40% гача ошиши учун эритма вакуум ускунасида буғлантирилади. Сүнгра яна бир марта фаоллаштирилган күмирда тиндирилади ва ГЦФК билан ишлов берилади. Тиндирилгандан сўнг фаол күмир зич-фільтрда ажратилади, сут кислота эса тайёр маҳсулот йиғгичга қуйилади. Бундан ташқари, сут кислотасини 70% гача олиш мумкин. Бунда вакуумли ускунада иккинчи маротаба буғлантирилади ва зич фільтрда фільтрланади. 70% ли сут кислотаси жуда кам миқдорда бўр сақловчи қуйилтирилган паста ёки суюқ ҳолатда ишлаб чиқарилади.

### **Назорат саволлари**

1. Микробиологик синтез усули асосида қандай органик кислоталар олинади?
2. Сирка кислота продуцентлари қандай микроорганизмлар ҳисобланади?
3. Сирка кислота олиш учун нималар углерод манбалари ҳисобланади?
4. Батарея ферментёrlарида сирка кислота бактерияларини ўстириш қандай шароитда амалга оширилади?
5. Лимон кислотаси қаерларда қўлланилади?
6. Қандай микроорганизмлар лимон кислота продуцентлари ҳисобланади?
7. Лимон кислота биосинтези учун қандай хом ашёлар углерод манбалари ҳисобланади?
8. Лимон кислота биосинтези учун экиш материали ўзида нималарни намоён этади? У қандай ўстирилади ва сақланади?
9. Лимон кислота продуцентларини саноат асосида ўстириш усулларини айтиб беринг.
10. Лимон кислота продуцентларининг юза қисмида ўстириш қандай амалга оширилади?
11. Лимон кислота продуцентларини суюқликда ўстириш усули қандай хусусиятларга эга?
12. Лимон кислота продуцентларини суюқ озукада ўстириш давомида углерод манбалари қандай миқдорда ва қандай қилиб олинади?
13. Лимон кислотасини культурал суюқликдан ажратиш нимага асосланган?
14. Лимон кислотасини культурал суюқликдан ажратишнинг босқичларининг кетма-кетлигини айтиб беринг.
15. Қандай микроорганизмлар сут кислотаси продуцентлари ҳисобланади?

## **Таянч сўзлар**

Сирка, лимон ва сут кислотаси, калий гексацианоферрат, кальций лактат, моногидрат, кальций глюконат, кальций оксалат, кальций цитрат, кристаллизация, меласса, ферментация, мицелий, *Acetobacter*, *Bacterium*, *Schtzenbachii*, *Bacterium curvum*, *Aspergillus niger*, *Candida lipolytica*, *Candida quilliermondii*, *Corynebacterium*, *Arthrobacter*.

## **VI-БОБ. ОҚСИЛЛИ ПРЕПАРАТЛАР ИШЛАБ ЧИҚАРИШ**

### **Озуқа оқсили тайёрлаш**

Оқсил моддалари ҳаётий зарур вазифаларни бажарып ҳар қандай тирик организмларнинг ҳужайраларини ташкил этувчи компонентлардан энг зарурийси ҳисобланади. Оқсил моддалар ҳужайраларда каталитик бошқариш, транспорт, биоэнергетик, ҳар хил юқумли касалликлардан ва стресс омиллар таъсиридан ҳимояловчи, захира ва бошқа вазифаларни бажаради. Ўсиб турган ўсимликларда оқсил модда 5 дан 15% гача (қуруқ модда ҳисобидан), бошоқли ўсимликлар донида 8% дан 18% гача, ёғли ўсимликлар уруғида 16% дан 28% гача, дуккакли ўсимликлар уруғида эса 20-40% ни ташкил қиласи. Инсон ва ҳайвон тўқималарида одатда оқсил миқдори 20-80% ни ташкил этади.

Айтиб ўтилганлардан кўриниб турибдики, ҳужайраларнинг ва организм тўқималарининг ҳосил бўлиши учун, шунингдек, ҳаётий зарур бўлган функцияларни бир маромда ушлаб туриш учун доимий равишда оқсил синтези амалга ошиб туриши керак. Оқсил молекуласининг синтези учун барча тирик организмлар 18 аминокислота ва 2 та аминокислоталарнинг амидини (аспарагин ва глютамин) ишлатадилар. Аммо, синтез бўлганидан кейин оқсил молекулалари ҳар хил ўзгаришларга (модификацияга) учрашлари мумкин, оқибатда оқсил таркибидаги аминокислоталар тури 26 тага етган ҳоллари ҳам учрайди.

Ўсимликлар ва кўпчилик микроорганизмлар ўзлари учун зарур бўлган аминокислоталарни оддий моддалардан карбонат ангидрид, сув ва минерал тузлардан синтез қила олиш имкониятига эга бўлса, ҳайвонлар ва одамлар организмида баъзи бир аминокислоталар синтез бўла олмайдилар, шунинг учун ҳам улар организмга ташқаридан тайёр ҳолда киришлари шарт. Бундай аминокислоталар алмашинмайдиган аминокислоталар деб юритилади. Булар валин, лейцин, изолейцин, лизин, метионин, треонин, триптофан ва фенилаланин. Мана шу аминокислоталардан бирортаси овқат таркибида бўлмаса, инсонни оғир хасталикка олиб келади, ҳайвон озуқасида этишмаган ҳолларда эса, уларнинг маҳсулдорлигини пасайтириб юборади.

Инсон ва ҳайвонларни алмашинмайдиган аминокислоталар билан таъминлаб туриш шартлигини эътиборга олиб, уларнинг илмий асосланган кунлик ўртacha миқдори ҳисоблаб чиқилган. Шундай қилиб, бир одамнинг бир кунлик алмашинмайдиган аминокислоталарга бўлган муҳтожлиги 84

қуидаги (г): валин-5,0; лейцин – 7,0; изолейцин-4,0; лизин –5,5; метионин – 3,5; треонин-4,0; триптофан-1,0; фенилаланин – 5,0.

Инсон алмашинмайдиган аминокислоталарни асосан ҳайвон ёки ўсимлик оқсиллари орқали олса, ҳайвонларнинг кўпчилиги фақатгина ўсимлик оқсилларидан олишади. Овқат ёки озуқа билан организмга тушган оқсил моддалар ошқозон шираси таркибидаги протеаза ферментлари таъсирида аминокислоталаргача парчаланади, ҳосил бўлган аминокислоталар эса инсон ёки ҳайвон оқсили синтези учун ишлатилади. Бунда алмашинмайдиган аминокислоталарнинг роли бенихоя каттадир. Уларни етишмаслиги оқсил синтезини тўхтатиб қўяди, бу эса организмнинг ўсиб ривожланишини чегаралаб қўяди.

Шуни ҳам хисобга олиш керакки, барча алмашинмайдиган аминокислоталар озуқа оқсили таркибида организмнинг талабидан келиб чиқсан ҳолда, маълум нисбатда бўлишлари керак. Агарда улардан бирортаси етишмасдан қолса, қолганлари ҳам оқсил синтезида ишлатилмайди, чунки оқсилнинг синтез механизми шуни талаб қиласди. Бундай шароитда оқсил моддаларининг синтезини давом эттириш овқат ёки озуқа харажатларининг ошишига олиб келади. Бундай ҳодисаларнинг олдини олиш учун, бир томондан озиқа таркибидаги оқсил моддаларини, иккинчи томондан эса оқсил таркибидаги алмашинмайдиган аминокислоталар миқдорини назорат қилиб бориш зарур бўлади. Оқсил таркибидаги аминокислоталарни баҳолаш учун уларнинг биологик озуқа бирлигини аниқлаш керак. Алмашинмайдиган аминокислоталарни мўътадил миқдорда сақлайдиган озуқа ёки озиқ-овқат оқсиллари биологик сифатли оқсил деб юритилади.

Бирлашган Миллатлар Ташкилоти (БМТ) қошида ташкил этилган озиқ-овқат ва қишлоқ хўжалиги масалалари бўйича халқаро ташкилот (ФАО) жуда кўплаб оқсилларнинг аминокислота таркибини ўрганиб чиқиши орқали бир қатор йўлланмалар ишлаб чиқсан. Бу йўлланмаларда озиқ-овқат ва озуқа оқсили таркибидаги оқсилларда алмашинмайдиган аминокислоталарнинг меъёрий (мўътадил) миқдори кўрсатилган. Масалан, агар ФАО йўлланмаси асосидаги оқсил таркибини 100% деб қабул қилинса, кўпчилик ҳайвонлар оқили 90-95%; дуккакли ўсимликларни вегетатив органларидан олинадиган оқсиллар 80-90%; дуккакли ғалла ва ёғли уругли ўсимликлар уруғидан, картошканинг илдиз мевасидан, сабзавотлардан олинадиган оқсиллар 75-85%; бошоқли ўсимликлар уруғидан олинадиган

оқсиллар 60-70%, маккажўхори уруғидан олинадиган оқсил эса атиги 52-58% ташкил қиласи.

Ҳар бир инсон қунига овқат билан 60 дан 120 гр гача оқсил истеъмол қилиши керак. Қишлоқ хўжалик ҳайвонларини яхши боқиш учун уларнинг озуқалари 100-120 гр яхши ҳазм бўладиган оқсил сақлаши зарур. Агар ҳайвонлар озуқасини ташкил этган ўсимлик таркибида оқсил миқдори кам бўлса, бундай озуқани сифати оқсил концентратлари қўшиш орқали тузатилади (6.1-жадвал).

Худди шу йўл билан озуқа оқсилидаги алмашинмайдиган аминокислоталар миқдори ҳам назорат қилинади.

Бу жадвалдан кўриниб турибдики, бошқа ўсимликларга қараганда соя ўсимлиги оқсили алмашинмайдиган аминокислоталар миқдори бўйича бир қатор устунликларга эга экан. Бу оқсилда фақатгина метионин ва триптофан миқдори бироз пастрок. Нўхат оқсили ҳам нисбатан яхши биологик баҳога эга, аммо буғдой, маккажўхори, арпа оқсиллари таркиби ФАО талабларидан анчагина узоқда.

6.1-жадвал.

### **Ҳар хил оқсиллар таркибидаги алмашинмайдиган аминокислоталар миқдори (100 г оқсилда г ҳисобида)**

Амино-кислоталар	Сигир сути	ФАО эталони	Соя	Шоли	Бұғдой	Маккажўхори	Арпа	Нўхат
Лизин	6,6	4,2	6,6	3,5	2,6	2,5	3,2	6,5
Триптофан	1,4	1,4	1,3	1,3	1,3	0,6	1,2	0,8
Метионин	2,4	2,2	1,4	2,9	1,7	2,1	1,7	1,4
Треонин	4,6	2,8	3,8	3,5	2,6	3,2	3,9	3,8
Валин	6,9	4,2	5,4	6,5	4,6	4,4	5,4	4,5
Лейцин	9,9	4,8	7,9	8,0	6,9	11,2	7,2	6,5
Изолейцин	6,6	4,2	5,3	4,6	3,4	2,7	3,5	5,0
Фенилаланин	4,9	2,8	5,1	5,2	4,3	4,1	5,1	4,8

Соя уруғидан олинадиган оқсилнинг аминокислота таркиби ФАО талаблариiga энг яқин бўлганлиги ҳамда соя уруғида оқсил миқдори 35-40% га teng эканлиги учун бу ўсимлик озиқ-овқат ҳамда озуқа оқсили манбай сифатида кенг ишлатилади. Дунёда сояни энг кўп экадиган мамлакат АҚШ ҳисобланади. Ўзбекистонда ҳам бу ўсимликни ўстириш зарурлиги муҳокама қилиниб, Андижон вилоятида уни экиш бошлаб юборилган. Аммо бу

ўсимлиқдан юқори ҳосил олиш учун унинг агротехникасини ва бошқа бир қатор муаммоларни ечишга тұғри келади.

Дунёning күпгина илмий лабораторияларида арпа уруги оқсилини ошириш, уни таркибидаги аминокислоталарни балансга келтириш йўлида селекция – генетика ишлари амалга оширилмоқда. Арпани донидан олинадиган оқсил таркибида лизин аминокислотаси кўп бўлган нав билан чатиштириш асосида янги навлар яратилган. Шунингдек, буғдой дони бўйича ҳам шунга ўхшаган ишлар амалга оширилмоқда. Бундай ишлар мамлакатимиз қишлоқ ва сув хўжалигига қарашли бир қатор илмий лабораторияларда ҳам олиб борилмоқда. Биотехнология, молекуляр биология фанлари ютуқларидан фойдаланиб, ген ва ҳужайра муҳандислиги усуллари асосида ўсимликларнинг қимматбаҳо генотипларини яратишга алоҳида эътибор берилмоқда.

Ҳайвонлар учун озуқа тайёрлашда асосан бошоқли ўсимликлардан фойдаланилади. Шунингдек, бу мақсадда балиқ уни, сүяқ уни, гўшт ва сут саноати қолдиқларидан ёғ-мой комбинати кунжараларидан ҳам кенг фойдаланилади.

Балиқ ва сүяқ унлари ҳамда ҳайвонларнинг бошқа чиқиндилари озуқа оқсили учун ишлатилаётганликлари учун, охирги вақтда уларни ҳар томонлама, тўла қонли алмаштира оладиган янги манбалар топиш йўлида илмий изланишлар тобора кучайиб бормоқда. Ҳар хил организмларни таққослаб ўрганиш оқибатида, кўпгина микроорганизмлардан фойдаланиш ҳам мумкин эканлиги аниқланди.

Махсус тажрибалар асосида микроб оқсилиниң озуқавий ҳамда токсикологик хусусиятлари ўрганиб чиқилди ва натижада баъзи бир микроорганизмлар оқсиллари биологик хусусиятлари бўйича ҳайвон ёки ўсимлиқдан олинадиган оқсиллардан паст эмаслиги исботланди (6.2-жадвал).

Микроорганизмларнинг яна бир устуворлик томони бор, у ҳам бўлса тез оқсил масса ҳосил қилиш хусусиятидир. Масалан, 500 кг оғирликдаги соя пишиб етилиш фазасида бир кунда 40 кг гача оқсил тўплай олса, шундай оғирдикдаги буқа атиги 0,5-1,5 кг, ачитқи замбуруғининг 500 кг биомассаси эса 1,5 т оқсил тўплаш имкониятига эга. Озуқа оқсили манбай сифатида кўпроқ ачитқи замбуруғлари ва бактериялар, микроскопик замбуруғлар, бир ҳужайрали сув ўтлари, ўтли ўсимликларнинг оқсил қисми ишлатилади.

**Баъзи бир микроорганизмлар оқсилларида алмашинмайдиган  
аминокислоталар миқдори  
(100 г оқсилга ҳисобида)**

<b>Амино- кислоталар</b>	<b>Ачитқи- лар</b>	<b>Бактерия- лар</b>	<b>Сув ўтлари</b>	<b>Замбуруғ- лар</b>	<b>Соя кун- жараси</b>	<b>ФАО эталони</b>
Лизин	6-8	6-7	5-10	3-7	6,4	4,2
Триптофан	1-1,5	1-1,4	0,3-2,1	1,4-2	1,4	1,4
Метионин	1-3	2-3	1,4-2,5	2-3	1,3	2,9
Треонин	4-6	4-5	3-6	3-6	4,0	2,8
Валин	5-7	4-6	5-7	5-7	5,3	4,2
Лейцин	6-9	5-11	6-10	6-9	7,7	4,8
Изолейцин	4-6	5-7	3,5-7	3-6	5,3	4,2
Фенилаланин	3-5	3-4	3-5	3-6	5,0	2,8

Микроорганизмлар озуқа оқсили манбай сифатида ўсимлик ҳатто ҳайвон организмларига нисбатан бир қатор устунликга эга эканлиги аниқланган. Энг аввало микроорганизмларда оқсил миқдори жуда ҳам баланд (60% гача қуруқ масса ҳисобида). Оқсил билан бирга микроорганизмлар бир қатор бошқа энг муҳим моддалар, яъни осон сўрилувчи углеводлар, тўйинмаган ёғ кислоталарини кўпроқ сақловчи ёғ моддалари, витаминалар, синтез қилиш ҳамда микро-, макроэлементлар тўплаш хусусиятига эгадир. Микроорганизмлар асосида унча катта бўлмаган майдонда саноат ишлаб чиқариш базасини ташкил этиб, катта ҳажмда озуқа концентратларини олиш мумкин. Энг аввало бундай технология қишлоқ хўжалиги ёки саноат чиқиндилари асосида ташкил қилиниб, фасл ёки обҳавога боғлиқлик жойи йўқ.

### **ОЗУҚА АЧИТҚИЛАРИ**

Ачитқи замбуруғлар инсон ва ҳайвонлар учун ишлатиладиган оқсил манбай сифатида биринчи маротаба Германияда, биринчи жаҳон уруши даврида ишлатилган. Ўшанда пиво ачитқилари (*Saccharomyces cerevisiae*) ўстиришнинг саноат технологияси яратилган бўлиб, олинган маҳсулот озуқа маҳсулотлари таркибига киритилган эди. Собиқ иттифоқда бу технология 1935 йилда ишга туширилган. Ачитқилар дарахтларнинг ва бошқа целлюлоза сақловчи моддаларни кислотали гидролизатларида ўстирилган. Иккинчи жаҳон уруши вақтида шундай заводларнинг бири Янги йўл шахри

яқинига (хозир шаҳарга туташиб кетган) кўчириб келинган эди. Кислотали гидролиз оқибатида целлюлоза сақловчи полимерлар, майда шакар мономерларгача парчаланадилар, улар эса ўз навбатида ачитқилар учун жуда яхши озуқа муҳити ҳисобланади. Шу мақсадда сомон, пахта шелухаси, кунгабоқар боши, зигир пояси, маккажўхори пояси, спирт бардаси, ғўзапоядан ва бошқа целлюлоза сақловчи моддалардан фойдаланиш мумкин.

Майдалангандан катта миқдорда клетчатка, гемицеллюлозалар, пентозанлар сақловчи ўсимлик маҳсулотлари юқори ҳарорат ва босимда кислоталар ёрдамида парчаланади, оқибатда 60-65% полисахаридлар моносахаридларга айланади. Олинган гидролизат лигниндан ажратилади, гидролиздан ортиб қолган кислота қолдиги аммиак суви ёки бошқа ишқор ёрдамида нейтраллаштирилади. Бироз тиндирилиб, совутилган гидролизатга минерал тузлар, витаминлар ва бошқа моддалар солинади ва ферментёрлар цехига ўtkазилади ва ачитқилар экиб, ўстирилади. Ўсимлик чиқиндилари гидролизатларида ўстириш учун *Candida*, *Torulopsis*, *Saccharomyces* ачитқилари мос келиб, улар гексоза, пентоза, органик кислоталарда (гидролиз натижасида ҳосил бўлган) яхши ўсиб ривожланадилар. Мўътадил шароитда 1 т. дарахт чиқиндисидан 200 кг гача озуқа ачитқиси тайёрлаш мумкин.

Озуқа ачитқи тайёрлаш учун, уларни суюқ муҳитда маҳсус усткурмаларда (улар ферментёрлар деб ҳам юритилади) (6.1-расм) ўстирилади. Ферментёрларда озуқа муҳитини доимий равишда аралаштириб туриш ҳамда аэрация учун мўътадил шароит яратилган бўлади.


Белгилангандан иссиқликни бир меъёрда ушлаб туриш учун ферментёр чизмасида ортиқча иссиқликни чиқариб турадиган жой мўлжалланган. Ачитқиларнинг ўсиш даври тахминан 20 соат давом этади. Аммо, уларни ярим узлуксиз усулда ўстириш технологияси ҳам яратилган. Бу усулга асосан ҳар 6-8 соатда ферментёрда ўстирилган ачитқининг 3/4 қисми қуйиб олинади ва қолганининг устига стерилланиб, совутилган озуқа муҳити юборилади ва шу ҳолда бир неча ҳафталаб, ҳаттоқи ойлаб ферментёрни тўхтатмасдан маҳсулот олиш мумкин бўлади.

Ферментёрдан чиқариб олинган ачитқи суспензияси маҳсус насослар орқали флотация (ажратадиган) қиласиган усткурмага юборилади ва у жойда ачитқи биомассаси ўстирувчи муҳитдан ажратилади. Бу жараён давомида ачитқи хужайралари кўпик билан бирга тепага кўтарилади ва суюқликдан декантация йўли билан ажратиб олинади. Бироз тиндириб

қўйилгандан кейин ачитқи массаси сепаратор ёрдамида яна ҳам қўйилтирилади.

Ачитқиларнинг ҳайвон организмидаги яхши сўрилиши учун (ҳазм бўлиши учун), уларга маҳсус ишлов берилади (механик, ультратавуш, иссиқлик, ферментатив лизис ва ҳ.к) ва ҳужайра қобиғи бир текис ёрилишигача олиб келинади. Кейин ачитқи массаси кераклича сувсизлантирилади ва қуритилади. Тайёр маҳсулотда намлиқ 8-10% дан ошмаслиги керак. қуруқ ачитқи массасида 40-60% оқсил, 25-30% ҳазм бўладиган углеводлар, 3-5% ёғ, 6-7% клетчатка ва кул моддалари, катта миқдорда (50 % гача) витаминлар бўлади.

Ачитқиларга ультрабинафша нурлари таъсир этиши орқали уларда Витамин D<sub>2</sub> миқдорини ошириш усули яратилган. D<sub>2</sub> витамини ультрабинафша нурлар таъсирида ачитқиларда кўп миқдорда бор бўлган эргостеринлардан пайдо бўлади.



**6.1-расм. Ачитқи замбуругини суюқ муҳитда ўстириш учун ферментёр**

1—Ферментер корпуси; 2—совитадиган қават; 3—иссиқлик алмаштирувчи; 4—суюқ сувни иссиқлик алмаштирувчига юборадиган жой; 5—иссиқлик иссиқ алмаштирувчидан чиқадиган жой; 6—экиладиган микроорганизм тушадиган жой; 7—суюқ озуқа муҳитини куядиган жой; 8—аэрация ва озуқа муҳитини аралаштириш учун ҳаво юбориладиган жой; 9—Ҳаво йўналишини иссиқ алмаштирувчига бошқарадиган идиш; 10—ферментациядан кейин ачитқиларни қуйиб оладиган жой; 11—тозалаш фильтри орқали ҳаво атмосферага чиқадиган жойи.

Тайёр маҳсулотнинг физикавий хусусиятларини яхшилаш мақсадида улар гранулалар ҳолатида ишлаб чиқарилади. Юқоридагиларнинг хулосаси сифатида ачитқи тайёрлаш технологиясини қўйидагича изоҳлаш мумкин:

**Экув материали → ферментёр → флотация → сепарация → ҳужайраларни парчалаши → қуритиш → грануляция қилиши.**

Ферментация йўли билан ўсимлик чиқиндилари гидролизатларидан ачитқидан ташқари спирт олиш ҳам мумкин. Бу ҳолатда биотехнологиянинг ўзига хос томони шундан иборатки, гидролиз жараёнида ҳосил бўлган гексозалар энг аввал спиртли бижғиши йўли билан спиртга айлантирилади. Ҳосил бўлган спирт ҳайдаб олингандан кейин таркибида пентозалар сакловчи, ишлатилмай қолган субстрат – барда қолади. Мана шу спиртдан кейин қолган барда ачитқи замбуруғлар ўсиб ривожланиши учун яхши озуқа муҳити ҳисобланади. Шундай қилиб ўсимлик қолдиқлари гидролизатларидан бир вақтнинг ўзида икки хил энг керакли маҳсулот тайёрлаш мумкин.

Россияда ва бошқа бир қатор нефт қазиб олувчи мамлакатларда озуқа ачитқисини н-парафинлар (нефт таркибидаги) дан тайёрлаш технологияси яратилган ва ишлаб чиқаришга жорий қилинган. Ачитқи ҳужайралари ўзларини ўсиб ривожланишлари учун ягона углерод манбаи сифатида таркибида ўндан ўттизтагача углерод сакловчи углеводларни ишлатишлари мумкин. Бу моддалар суюқ фракцияда тўпланган бўлиб, уларнинг қайнаш ҳарорати  $200\text{-}320^{\circ}\text{C}$  ташкил этади ва нефтдан ҳайдаш орқали ажратиб олинади.

Ачитқи замбуруғлар ўстириш учун ишлатиладиган нефть углеводородларининг тозаланган фракцияси уч йўл билан олиниши мумкин: паст ҳароратда кристаллизация қилиш, карбамид ёрдамида парафинсизлаштириш ва молекуляр элакларда адсорбция қилиш.

➤ **Биринчи йўл - орқали углеводородлар олиши учун юқори ҳароратда қайнайдиган фракцияни органик эритувчиларда эритиб олгандан кейин доимий совитиш орқали кристаллизация қилинади. Кристаллизация қилиши орқали тозаланган фракция ачитқилар учун озуқа муҳити сифатида ишлатилади.**

➤ **Иккинчи йўл - нефть н-парафинларини карбамид билан мустаҳкам комплекс ҳосил қилишига асосланган бўлиб, бундай комплекс бошқа фракциялардан ажратилгандан кейин, секин қиздирилганда парчаланиб**

кетади ва қайта ҳайдаш орқали углеводородларни карбамидан ажратиб олинади.

- **Учинчи йўл** - нефт таркибидаги углеводородларни керакли фракциясини молекуляр элакларга (цеолитларга) адсорбция қилинади ва ундан кейин десорбция қилиш орқали тозаланган н-парафинлар олинади.

Бу технология нефть нархи билан боғлиқ бўлиб, нефтнинг нархи қиммат мамлакатларда ишлатилмайди. Россияда бундай завод 1971 йилда қуриб, ишга туширилган.

Микроорганизмлар нефтнинг н-парафинларида ўстирилганда, озуқа муҳитига микро- макроэлементлар, витаминлар ва аминокислоталар, азот манбаи сифатида эса аммиак суви қўшилади. Ачитқиларни ферментёрларда ўстириш жараёнида ҳароратни ҳамда аэрацияни бир меъёрда ушлаб туриш зарур. Нефть н-парафинларида ўстирилганда энг самарали натижалар берган ачитқилар *Candida guilliermondii* ҳисобланади.

Ачитқи массасини ажратиб олиш, уни қуритиш гидролиз йўли билан олинган ачитқилардан деярли фарқ қилмайди. Қуритилган ачитқи замбуруғини массаси грануляция қилиниб, оқсил – витамин концетрати (ОВК) сифатида қишлоқ хўжалик ҳайвонларини озиқлантириш мақсадида ишлатилади. ОВК таркибида 50-60% оқсил моддаси сақланади. Препарат таркибида қолган углеводороднинг миқдори 0,1% дан ошмаслиги керак.

Хом ашёдан тўлароқ фойдланиш, ҳамда тайёр маҳсулот таркибидаги углеводородларнинг миқдорини камайтириш мақсадида ОВК тайёрлашнинг мукаммаллашган технологияси ишлаб чиқилган. Бу технология икки босқичли ферментация ва қолган н-парафинларни ачитқи массасидан бензин билан экстракция қилиш орқали ажратишдан иборат. Бу технология асосида олинган ОВК таркибидаги оқсил 58-65% гача, қолган н-парафинлар миқдори эса 0,05% дан кам бўлади.

Ачитқи замбуруғларини ўстириш учун яхши субстрат бўлиб, сутни қайта ишлаш жараёнларида чиқинди сифатида қоладиган зардоб ҳисобланади. 1 т зардобда ўртacha 10 кг гача сифатли оқсил моддаси ва 50 кг лактоза шакари сақланади. Бу моддалар микроорганизмлар томонидан осон истеъмол қилинади. Зардоб таркибидаги оқсилни ажратиб олиш учун самарали ультрафильтрация усули ишлаб чиқарилган. Бу усул мембраналар ёрдамида юқори ҳамда кичик молекуляр оғирликка эга бўлган моддаларни маълум босим остида ажратишга мўлжалланган. Бу усул билан ажратиб

олинган оқсил қуруқ сут тайёрлашда ёки қүшимча оқсил озуқаси сифатида ишлатилади. Оқсил ажратиб олингандан кейинги суюқ қолдик (пермеат-русча номи), таркибида күп миқдорда шакар моддаси (лактоза) сақлагани учун ачитқи замбуруғлари ўстириш мақсадида ишлатилиб, осонгина юқори концентрациялы оқсил сақловчи маҳсулотга айланиши мумкин.

Күпчилик вақтларда зардобдан оқсилини ажратмасдан, түғридан-түғри ачитқи ўстириш учун ишлатилади. Бундай шароитда ўсиш ва ривожланиши учун оқсилга муҳтож бўлган, кўпроқ биомасса тўплайдиган замбуруғ *Torulopsis* дан фойдаланилади. Зардобда ачитқи ўстириш жараёнида уч хил оқсил сақловчи маҳсулотлар олинади:

- *бузоқларни боқишига мўлжалланган сут ўрнини босувчи маҳсулот;*
- *суюқ оқсил маҳсулоти (бу маҳсулот зардобга қараганда 2,5-3,0 маротаба кўпроқ оқсил сақлайди);*
- *қуруқ ёғсизлантирилган сутнинг ўрнини босувчи, ачитқи замбуругу оқсиллари билан бойитилган маҳсулот.*

Ачитқи замбуруғларни ўстириш ягона углерод манбаи сифатида углеводлар ва н-парафинлардан ташқари тубан спиртлар – метанол ва этанол ҳам ишлатилади. Бу спиртларни табиий газдан ёки ўсимликлар чиқиндиларидан олиш мумкин. Спиртда ўстирилиб олинган ачитқи массаси таркибида юқори концентрацияда оқсил (58-62% қуруқ модда ҳисобида) сақлаши билан фарқ қиласди. Шунингдек, бу массада н-парафинларда ўстирилганларга нисбатан камроқ заарли моддалар учрайди.

Ачитқиларнинг озуқали хусусиятларини ўрганиш, уларнинг ҳайвон организмида яхши ҳазм бўлишини (оқсилларнинг ҳазм бўлиши 80-90%), алмашинмайдиган аминокислоталарнинг умумий миқдори ФАО эталонига яқинлигини, оқсил таркибидаги лизин, треонин, валин ва лейцин миқдори бўйича эса ФАО эталонидан ҳам баланд туришини кўрсатди. Ачитқи оқсилиниң камчилиги уни таркибидаги метионин ва умуман олтингугурт тутган аминокислоталар миқдорини камчилигидадир.

Ўсимлик манбаларидан олинган оқсилларга нисбатан ачитқи замбуруғи оқсили таркибида нуклеин кислоталар кўпроқ (4-6%). Бу миқдорда эса нуклеин кислоталар организмга салбий таъсир кўрсатади. Маълумки, нуклеин кислоталарнинг гидролизи натижасида кўп миқдорда пурин асослари пайдо бўлади ва улар кейин сийдик кислотасига айланиб, организмда тузлар тошлар ҳосил қиласди ва остеохондроз ҳамда бошқа

касалликларга олиб келади. Шунинг учун ҳам ачитқи массаси қишлоқ хўжалик ҳайвонлари озуқаси таркибида 5-10 % дан ошмаган миқдорда, ачитқи оқсили эса 10-20% миқдорида ишлатилади, холос (умумий оқсилга нисбатан).

Нефт н-парафинларида ўстирилган ачитқи массаси кўплаб миқдорда о-аминокислоталар, аномал ёғсимон моддалар, ҳар хил токсинлар, канцероген моддалар сақлайди. Булар эса организм учун заарлидир. Шунинг учун ҳам ачитқи массасини бензин билан тозалаш тавсия этилган.

Ачитқи озуқасини ишлаб чиқаришни ташкил этишда, атроф-мухитни заарлантирумаслик мақсадида жараён давомида ҳосил бўлаётган газсимон ва суюқ чиқиндилардан тозалашни йўлга қўйиш зарур. Шунинг учун ҳам экологик тоза, чиқиндисиз, сувни ёпиқ циклда ишлатишга мослаштирилган технологиялар яратиш устида изланишлар олиб борилмоқда.

Ишлаб чиқариш технологиясини мукаммаллаштиришдан ташқари ачитқи замбуруғларининг юқори ҳосилдор штаммларини яратиш ҳам катта аҳамиятга эга.

Бундай штамм субстратларда тез ўсиб ривожланиши, биомассасида кўпроқ оқсил моддаси саклаши ва юқорида таъкидланган бошқа камчиликлардан мустасно бўлиши керак. Бундай штаммларни яратиш учун оддий селекция ишларидан бошлаб, ген мухандислиги усулларидан ҳам фойдаланилмоқда. Яна бир муаммо ҳайвон истеъмолига аллақачонлардир кирган бу маҳсулотни инсон учун фойдаланиш йўлларини топиш билан боғлиқ. 1930-1940 йилларда баъзи бир мамлакатларда пиво ва бошқа озуқа ачитқиларини (*Saccharomyces cerevisiae*, *Candida arborea*, *Candida utilis*) ўстириш технологиялари яратилиб, олинган маҳсулотлар ҳар хил озуқа маҳсулотларига қўшимча оқсил сифатида ишлатилган.

Озиқ-овқат оқсили олиш учун ачитқи биомассаси астойдил тозаланиши зарур. Бу мақсад учун ачитқиларни ҳужайра қобиқлари ҳар хил йўллар (механика, ишқориј, кислотали ёки ферментлар билан ишлов бериш орқали) билан бузилади ва ҳужайра ичидаги барча масса органик эритувчилар ёрдамида экстракция қилинади. Органик ва минерал қолдиқлардан тозалангандан кейин ачитқи маҳсулоти таркибидаги оқсилни эритиш мақсадида, унга ишқор эритмаси билан ишлов берилади, кейин оқсил эритмаси қолган ачитқи массасидан ажратилиб диализга юборилади.

Диализ жараёнида оқсил кичик молекуляр қолдиқлардан тозаланади. Кейин оқсил чўқтирилади, қуритилади ва олинган оқсил массаси ҳар хил

озиқ-овқатга (сосискалар, паштетлар, гүштлик ва қандолат маҳсулотлари, холодец ва х.к) қўшимча сифатида ишлатилади.

Ачитқи замбуруғларидан олинган оқсил моддалари шунингдек, сунъий гўшт тайёрлашда ҳам ишлатилади. Бунинг учун оқсилга маълум шакл бериш мақсадида у иситилади ва тез совитилиб, маълум (исталган) шаклдаги тешикчалардан босим остида ўtkазилади. Оқсилга таъм бериш мақсадида унга маълум миқдорда полисахаридлар ва бошқа керакли компонентлар қўшилади.

Ачитқилардан инсонлар учун озиқ-овқат оқсили олишни қуидаги чизма орқали изоҳлаш мумкин:




Шунингдек, оқсил гидролизатлари тиббиёт учун препаратлар тайёрлаш ҳамда парҳез овқатларга таъм берувчи сифатида ҳам ишлатилади.

## **БАКТЕРИЯЛАРДАН ОЛИНАДИГАН ОҚСИЛ КОНЦЕНТРАТЛАРИ**

Ачитқилар қатори, ҳайвонлар озуқасига қўшиб ишлатиш учун бактериялардан олинадиган оқсил концентратлари ҳам катта ахамиятга молик. Энг аввало уларнинг таркибидаги оқсил миқдори 60-80% ни ташкил этишини таъкидлаб ўтмоқ керак. Тўлақонли озуқа оқсили олиш учун манба бўлиб хизмат қила оладиган 30 дан ортиқ бактериялар маълум. Бактериялар ачитқиларга нисбатан бир неча баробар тезроқ ва кўпроқ биомасса ҳосил қилиш имкониятига эгалар ва уларнинг оқсилларида олтингугурт тутган аминокислоталарнинг миқдори ҳам анчагина, шу сабабли ҳам бактериялар оқсиллари ачитқи замбуруғлари оқсилларига нисбатан кўпроқ биологик баҳога эгалар. Бактериялар ўсиши учун углерод манбаи бўлиб ҳар хил газсимон моддалар (табиий газ, газ концентрати ва ҳ.к), тубан спиртлар (метанол, эталон) ва водород хизмат қилишлари мумкин. Субстрат сифатида газсимон маҳсулотлардан фойдаланилганда, асосий компонент бўлиб метан хизмат қиласи, шунинг учун ҳам озуқа аралашмалари босим остида пуркагич типида ясалган маҳсус ферментёрларга юборилади (6.2-расм). Субстратни яхшироқ утилизация қилиш учун бундай ферментёрларга газ аралашмаларини қайта айлантирадиган устқурилма (расмда 11 жой) мўлжалланган. Бактерияларга етарлича кислород етказиб бериш мақсадида маҳсус тешикчалар (расмда 6-жой) қилинган.

Газли озуқа муҳитида кўпроқ *Methylococcus* авлодига мансуб бактериялар ўстирилади. Бу бактериялар мўътадил шароитда ферментёрга юборилган 85-90 % метанни ҳазм қилиш имкониятига эгалар. Газли озуқа муҳитида бактериялар ўстиришга мўлжалланган устқурилмалар муҳит таркибини аниқ назорат қилиш ва мустаҳкам беркитилган, портлашларга хавфсиз қилиб ясалган бўлиши шарт. Ферментация тугагандан кейин бактерия хужайралари чўқтирилади ва сепараторлар ёрдамида суюқликдан ажратиб олинади. Олинган бактериал массага механик ёки ультра- товуш ёрдамида ишлов берилади. Шу йўл билан қобиқлари ёрилган масса куритилиб, озуқа оқсил концентратлари тайёрлаш учун ишлатилади.



## 6.2-расм. Газсимон углеводородларда микроорганизмлар ўстириш учун ферментёр

1—ферментер корпуси; 2—совитадиган қатлам; 3—аралаштиргич; 4—аралаштиргичнинг бошқарувчиси; 5—газсимон углеводородларни узатиш; 6—кислород тутган газни узатиш; 7—суюқ озуқа аралашмасини узатиш; 8—экиладиган микроорганизмни узатиш; 9—ферментация тугагандан кейин бактерия суспензияси чиқадиган жой; 10—ферментердан газ чиқадиган жой; 11—газлар аралашмаси қайта циркуляция учун чиқадиган жой; 12—бошқарув қурмасига хабар берадиган газ аниқлагичи; 13—ферментер ичидағи босимни бошқарувчи; 14—карбонат ангидрид газини ушлаб қолувчи усқуна.

Метан ва ҳаводан иборат бўлган газ муҳити ёнфинга ўта хавфли бўлганлиги, ҳамда бактериялар томонидан метани тўлиғича парчалаш учун жараённи бир неча бор қайтариш зарурлиги сабабли газсимон моддалардан озиқ-овқат оқсили тайёрлаш ўта мураккаб ва қимматбаҳо технология ҳисобланади. Метандан оқсидлаш орқали олиш мумкин бўлган метанол асосида оқсил тайёрлаш технологияси кўпроқ ишлатилади. Метанол сақловчи озуқа муҳитида ўстириш учун *Methyloimonas*, *Pseudomonas*, *Methylohillus* авлодларига кирувчи бактериялар ишлатилади. Бу бактериялар суюқ озуқа муҳитида, оддий ферментёрларда ўстирилади. Метанол асосида озуқа оқсили тайёрлашнинг кенг миқёсидаги технологияси дастлаб Англияда ишлатилган. «Ай-Си-Ай» концерни томонидан «Прутин» номи билан озуқа оқсили препарати ишлаб чиқарилади. Россияда эса метанол

асосида «Меприн» номли бактериал оқсил массаси ишлаб чиқарилади. Бу препарат таркибида 70-74 % оқсил, 5 % гача ёғсимон моддалар, 10 % атрофида минерал моддалар, 10-13 % нуклеин кислоталар бор. Россияда шунингдек, *Acinebacter* авлодига мансуб бактерияларни этанолли озуқа муҳитида ўстирииш орқали «Эприн» номи билан янги препарат ишлаб чиқариш йўлга қўйилмоқда. Келажакда бу препаратни озиқ-овқат таркибида ҳам ишлатиш мўлжалланмоқда.

Оқсил моддаларни синтез қилиш самарадорлиги бўйича водород оксидлайдиган бактерияларга етадигани йўқ. Бу бактерияларнинг хужайраларида 80% гача оқсил моддалар сақланади (қуруқ модда ҳисобидан). Бу бактериялар карбонат ангидридни, баъзи штаммлари эса ҳаттоки ҳаводаги азотни утилизация қилиш учун водороднинг оксидланиш энергиясидан фойдаланадилар. Водород оксидлайдиган бактерияларни ўстирииш учун газсимон озуқа одатда 70-80% водород, 20-30% кислород ва 3-5% карбонат ангидрид сақлади. Бундай таркибдаги озуқа муҳитида ўстирилганда, *Pseudomonas*, *Alcaligenes*, *Achromobacter*, *Corenebacterium* ва бошқа авлодга мансуб бактериялар юқори самарадорликка эга бўладилар.

Оқсил массаси ишлаб чиқариш учун керак бўлган водород одатда сувдан, уни электролиз ёки фотокимёвий парчалаш орқали олинади. Карбонат ангидрид қандайдир саноат ишлаб чиқаришини газсимон чиқиндиларидан ёки ёқилғи газлардан олиниши мумкин, бундай ҳолларда бир йўла газли муҳитни тозалаш муаммоси ҳам ечилади. Водород оксидловчи бактериялар асосида оқсил тайёрлаш технологияси кўшимча маҳсулот сифатида водород ҳосил қилувчи кимё саноати корхоналарига яқин жойда ташкил этилиши ҳам мумкин.

Одатда озуқа оқсили ҳайвон озуқасига 2,5-7,5%, чўчқаларга баъзан 15% гача қўшиб ишлатилади. Улардан кўпроқ микдорда фойдаланишга тўсқинлик қилиб келаётган муаммо бу оқсил препаратлари таркибидаги нуклеин кислотаси микдорининг ўта баландлигидир (10-25% гача). Бундан ташқари бактериал массада кўплаб фойдали моддалар қатори қийин сўриладиган ёғсимон моддалар (липидлар) ҳам синтез бўлишидир.

Бактериал оқсил препаратларини ажратиш методларининг қийинлиги ва уларнинг баҳолари баландлиги ҳам бу препаратлардан кенгрок фойдаланишга салбий таъсир кўрсатиб келмоқда.

## СУВ ЎТЛАРИДАН ОЛИНАДИГАН ОЗУҚА ОҚСИЛЛАРИ

Дунёнинг кўплаб мамлакатларида бир ҳужайрали сув ўтлари: *Chlorella* ва *Scenedesmus* шунингдек, *Spirulina* авлодига мансуб кўк-яшил сув ўтлардан озуқа оқсили тайёрлаш йўлга қўйилган. Бу ўсимликлар қуёш нури энергиясидан фойдаланиб карбонат ангидрид, сув ва минерал моддалардан оқсил ва бошқа органик моддалар синтез қиласилар. Уларни ўстириш учун кўп микдорда сув, керакли микдорда ёруғлик ва ҳарорат бўлса кифоя. Иссиқ жанубий минтақаларда сув ўтларини очик ҳавзаларда ўстириш йўлга қўйилган бўлсада, ёпиқ яримстерил ҳолатда ўстириш юқори сифатли оқсил моддалари ва бошқа органик моддалар ишлаб чиқариш имкониятини яратади.

Хлорелла ва сценедемус авлодларига мансуб сув ўтлари ўзларининг ўсишлари учун нейтрал муҳитни талаб қиласилар, уларнинг ҳужайра қобиқлари мустаҳкам целлюлозадан ташкил топганликлари учун ҳам ҳайвон организмида яхши ҳазм бўлмайди. Уларнинг яхши сўрилишлари учун маҳсус ишлов бериш талаб қилинади.

Спирулиналар ҳужайралари хлореллага нисбатан 100 маротаба каттароқ, аммо қалин целлюлоза қобиғи бўлмаганлиги учун улар организмда яхши сўриладилар. Спирулиналар ишқорий муҳитда ўстирилади (рН-10-11), табиатда ҳам ишқорий кўлларда ёки ҳавзаларда кўпроқ тарқалган.

Сув ўтлари биомасса тўплаш тезлиги бўйича ачитқи замбуруғлари ва бактериялардан пастроқ бўлсада, қишлоқ хўжалик ўсимликларидан анча устунликка эга. Очик типдаги маҳсус ўстиргичларда ўстирилганда 1 гектар майдондан йилига 70 тонна қурук биомасса олиш мумкин. Таққослаш учун қуидаги сонларга эътибор беринг: 1 гектар майдондан 3-4 тонна ғалла; 5 тонна шоли; 6 тонна – соя; 7 тонна маккажўхори олиш мумкин, холос.

Хлорелла ва сценедесмус ҳужайраларида оқсил микдори (қурук массага нисбатан) 45-55%, спирулинада эса 60-65% ташкил этади. Сув ўтларидаги оқсил таркибидаги алмашинмайдиган аминокислоталар микдори ҳам баланд, факат метионин камроқ, холос. Сув ўтларида тўйинмаган ёғ кислоталари ҳам кўпроқ синтез бўлади (баъзи бирлари алмашмайдиган ёғ кислоталари сафига киради). Шунингдек, провитамин А–каротин (150 мг% гача), В гуруҳига кирувчи витаминалар кўплаб синтез қилинади. Сув ўтлари таркибидаги каротин микдори беда унига нисбатан 7-9 маротаба кўпроқ. Бир ҳужайрали сув ўтларида нуклеин кислоталар микдори (4-6%), бактерияларга

нисбатан камроқ бўлсада, ўсимликлардан олинадиган оқсил таркибидагида (уларда 1-2%) кўпроқни ташкил этади.

Сув ўтлари ҳужайраларидан оқсил массаси олиш технологияси қуийдаги босқичлардан иборат: маҳсус танланган штаммни ўстириш (очик ёки ёпиқ типдаги ўстиргичларда); сув ўтларини сувдан ажратиш (сепарация); суспензия ҳолатидаги маҳсулот олиш; пастасимон ёки қуруқ кукун ҳолатидаги маҳсулот тайёрлаш. Сув ўтлари ҳужайраларини сувдан ажратиш кўп миқдорда энергия талаб қилаётган жараёндир. Чунки сувнинг миқдори жуда ҳам кўп, қуруқ моддалар миқдори эса жуда ҳам кам.

Сув ўтларини ўстириш ёпиқ ва очик усулда амалга оширилади. Ёпиқ усулда ўстириш тўлиқ бошқарилсада, ўстириш технологияси мураккаб ва унинг таннархи юқоридир. Очик усулда ўстириш ярим бошқарилади ва ўстириш технологияси оддий, таннархи эса анча арzon.

Дунёни бир қанча мамлакатларида (Япония, Истроил, Болгария, Мексика, Туркманистон, Ўзбекистон ва ҳ.к.) сув ўтларини очик усулда ўстириш технологияси яратилган. Улар бир-бирларига ўхшаш бўлганликлари сабабли, Ўзбекистон Фанлар Академиясининг академиги, профессор Ахрор Музофаровиҷ Музофаров томонидан яратилган устқурмага диққатингизни тортишни маъқул кўрдик:

Сув ўтлари ўстириш устқурмасининг узунлиги 10 метр, эни 2 метр, чуқурлиги 30 смли охур (лоток) шаклидаги, ўзидан сув ўтказиб юбормайдиган устқурмада 15 см чуқурликда 3 тонна хлорелла суспензияси етиштириш мумкин. Бунинг учун устқурмага 3 тонна сувга 600 г аммонийнинг сульфатли тузи, 90 г калий дигидрофосфат, 240 г магнийнинг сульфатли тузи, 300 г натрий гидрокарбонат ва 3-5 хил микро- элементлар қўшиб эритилади ва унга 30 л 1—15 кун давомида ўстирилган хлорелла суспензияси қуилиб, сув маҳсус насос ёрдамида аралаштириб турилади.

Ўстириш давомида карбонат ангидрид ( $\text{CO}_2$ ) маҳсус балонларда минутига 0,1-0,2 л миқдорда ротометр орқали ўлчаб юбориб турилади. Ўзбекистон шароитида табиий қуёш ёруғлиги етарли бўлиб, ҳарорат 16 дан  $39^{\circ}\text{C}$  орасида бўлиши мақсадга мувофиқдир. Орадан 9-10 кун ўтгач (ёз кунлари 6-7 кунда) 1 л озуқа муҳитида 1,5-3,0 грамгача хлорелла ҳужайралари сақлаган суспензия етилиб тайёр бўлади. Хлореллани қиши фаслида ҳам ўстириб, фойдаланишга эҳтиёж бўлганда, дастгоҳнинг устини ойна ёки полиэтилен пленкаси билан ёпиш кифоя.

Тайёр суспензиядан бузоқларни озиқлантиришда фойдаланиш мумкин. Битта бузоққа бир кунда 3-6 л, катта ёшли ҳайвонларга эса 8-10 л суспензия бериш тавсия этилган. Ковуш қайтарадиган ҳайвонларда 50% ўсимлик оқсилини хлорелла оқсили билан алмаштириш мумкинлиги исботланган.

Сув ўтларини оқава сувларда ўстириш катта аҳамиятга эга. Масалан, сценедесмус ёки хлорелла чорвачилик комплекси оқава сувларда ўстирилганда 15 кун давомида, ифлос оқава сувларни органик моддалардан бутунлай тозалаш мумкин, бунда сувни ранги ўзгариб, ҳиди йўқолади. Сув ўтларини саноат оқава сувларида ёки иссиқлик берувчи станцияларни оқава сувларида ўстирилганда ортиб қолган иссиқлик ҳамда технологик жараёнда ёки ҳар хил чиқиндиларни ёқишидан пайдо бўлган карбонат ангидриди ишлатилади, оқибатда эса қўшимча биомасса олинади.

Хлорелла ўстириш бўйича энг йирик компания – «Хлорелла Сан Компани» Японияда ташкил этилган. Болгариянинг иссиқ сув табиий манбаларида хлорелла ва сценедесмус ўстириш усуллари яратилган. Шу мамлакат олимлари томонидан қобиғида целлюлоза сақламайдиган хлорелла штаммлари яратилган, бу эса олинган биомассанинг ҳайвон организмида тез ҳазм бўлишини таъминлайди. Спирулина марказий Африка ва Мексикани ишқорий табиатли сув сақлаган кўлларида кўплаб экилиб, биомасса тўплайди. Спирулина биомассасидан оқсил ва бошқа маҳсулотлар ишлаб чиқарадиган энг йирик компания Мексиканинг «Соса Текскоко» фирмасидир. Италияда денгиз сувларида спирулина экиб ўстириш ҳамда ёпиқ типдаги ўстиргичларда биомасса олиш устида илмий изланишлар давом эттирилмоқда.

Спирулина сув ўтининг биомассаси ошқозон ферментлари томонидан яхши парчаланиши ҳамда ундаги оқсил миқдори жуда ҳам баланд бўлиб (70% гача), организм учун зарур бўлган аминокислоталарга бой бўлганлиги сабабли, у оқсилга бой бўлган кондитер таомлар тайёрлаш учун ишлатилади. Спирулина сервитамин ва ноёб ёғ кислоталар манбай сифатида, таблетка ҳолатида тиббиётда ҳам ишлатилиб келинмоқда.

Саноат шароитида ишлатиладиган сув ўтларининг қўшимча оқсил манбай сифатида чорвачиликда ҳамда одамлар овқатланишида мувоффакиятли ишлатилиши дунё олимлари олдида ҳар хил йўналишда яъни: селекция, генетика, биокимё ва бошқа соҳаларда изланишлар олиб боришнинг бош масалалардан бири қилиб қўйди. Мақсад янада ҳосилдорроқ, фотосинтезни жадалроқ олиб борадиган, алмашинмайдиган

аминокислоталарга бой, совукроқ шароитда ҳам яхши ўсиб ривожлана оладиган, организмда яхши сўриладиган, витаминаларга бой штаммлар яратишидир. Бундай мақсадга албатта ген муҳандислиги усулларисиз етишиш амри маҳолдир.

Ўзбекистонда сув ўтларидан унумли фойдаланиш бўйича бир қатор ишлар амалга оширилган. Юқорида келтириб ўтилганидек, бу ишларга академик А.М.Музаффаров бошчилик қилганлар. Бугунги кунда домланинг шогирдлари б.ф.д., профессор Х.А.Бердиқулов, б.ф.д., профессор Р.Ш.Шояқубов, б.ф.д., профессор Ж.Қ.Қутлиев ва бошқалар сув ўтлари асосида янги замонавий биотехнологиялар яратиш йўлида самарали меҳнат қилмоқдалар.

## МИКРОСКОПИК ЗАМБУРУГЛАР ОҚСИЛЛАРИ

Микроскопик замбуруғларни мицелийлари оқсил ва алмашинмайдиган аминокислоталарга бой манба ҳисобланадилар. Ўзларининг озуқавий хусусиятлари бўйича мицелиал замбуруғлардан олинадиган оқсил моддалари, соя ва гўшт оқсилига яқин туради, шунинг учун ҳам нафақат чорвачиликда, балки инсон таомларига қўшимча моддалар сифатида хизмат қила оладилар. Мицелиал замбуруғларни саноат шароитида ўстириш учун озуқа манбай сифатида одатда лигнин, гемицеллюлоза, клетчатка сакловчи ўсимликлар чиқиндилари ишлатилади.

Бунда бир йўла оқсил массасини тайёрлаш ҳамда атроф-муҳитни ифлослаштириш манбай бўлиб хизмат қилиши мумкин бўлган ўсимликшунослик ҳамда ёғочга ишлов бериш ва целлюлоза - қоғоз саноати чиқиндиларини утилизация қилишдек икки йирик муаммо ўз ёчимини топади.

Айниқса, микрофлора таъсирига чидамли бўлган лигнин молекуласини утилизация қилиш имкониятига эга бўлган фаол штаммлар яратиш катта аҳамиятга эгадир. Табиатда лигнин фақатгина қўнғир ва оқ рангли чиришни амалга оширувчи *Stropharia*, *Pleurotus*, *Abortiporus*, *Coriolus*, *Sterium* ва бошқа авлодларга мансуб бўлган замбуруғлар иштирокида парчаланади холос. Ҳозирги вақтда чуқур изланишлар оқибатида токсин сакламайдиган, заҳарсиз, тез ўсувчи мезо- термофил замбуруғларни штаммлари яратилган ва ишлаб чиқаришга тадбиқ этилган. Бундай штаммлар *Penicillium*, *Aspergillus*, *Fusarium*, *Trichoderma* авлодларига мансуб штаммлардир. Бу замбуруғларнинг хужайра қобиқлари юпқа бўлиб, ҳайвонларнинг ошқозон-

ичак йўлида осон ва тез парчаланади. Уларнинг таркибида ўзига ҳос ҳид ва маза берадиган ароматик моддалар, витаминалар ва ёғлар бор.

Ачитқи замбуруғларига қараганда мицелиал замбуруғлар оқсиллари олтингугурт тутган аминокислоталарга бой, ва яхши ҳазм бўлади. Уларнинг таркибидаги нуклеин кислоталар миқдори (1-4%) ўсимликларнига яқин. Шунинг билан бирга мицелиал замбуруғлар ҳужайраларида оқсил камроқ синтез бўлади (20-60% қуруқ массадан), улар ачитқи замбуруғларига нисбатан секин ривожланадилар ва биомасса ҳосил қиласидилар (биомассанинг икки маротаба кўпайиш даври 4-16 соат, ачитқи замбуруғларида эса 2-3 соат).

Целлюлоза ва лигноцеллюлоза сақловчи чиқиндиларда ўстирилган тубан мицелиал замбуруғларнинг гидролитик ферментлар синтез қилиш хусусияти туфайли лигнин ва целлюлозани оддий моддаларгача парчалаб ташлайдилар ва улардан аминокислоталар ҳамда оқсил моддалари ҳосил бўлади. Мицелиал замбуруғларнинг ўсишини тезлаштириш учун ўсимлик чиқиндиларига дастлабки ишлов бериш (ювиш, иситиш, майдалаш ва ҳ.к) фойдалидир. Кўпроқ ишқорий, кислотали ишлов бериш, юқори босимда пар билан ишлов бериш, аммиак ёки каустик сода билан ишлов бериш усулларидан фойдаланилади.

Мана шундай ишлов беришлар оқибатида лигнин ва бошқа қийин гидролизланувчи полисахаридлар қисман парчаланадилар, бу эса замбуруғ массасининг тезроқ ўсиб ривожланишини (7-8 кун) таъминлайди. Ўсимлик маҳсулотларининг тайёрланганлигига қараб, микроскопик замбуруғларни ўстиришнинг тегишли усуллари танланади. Замбуруғларни қаттиқ озуқа муҳитида ўстириш учун қаттиқ фазада ферментация қилиш усули ишлаб чиқилган. Бу усул ўсимлик маҳсулотларини майдалаш, уларга иссиқ пар ёки аммиак суви билан ишлов бериш, уларни минерал моддалар билан тўйинтириш, замбуруғларни экиш ва уларни олдиндан аэрация режимида ва мўътадил ҳароратда ўстириш жараёнларини ўз ичига олади. Аммо замбуруғларни бундай технология асосида ўстиришда, ўсимлик маҳсулотларини ишлатиш коэффициенти жуда паст бўлганлиги сабабли ҳосил бўладиган оқсил миқдори ҳам унчалик юқори бўлмаслигини олдиндан билса бўлади. Бу технология асосида етиштирилган замбуруғ массасида оқсил 20-30% ни ташкил этади холос. Масалан, тубан мицелиал замбуруғларнинг тўғридан-тўғри сомонда ёки бошқа ўсимлик чиқиндиларида ўстирилиши шу манбалардаги углероднинг 17-25% и

замбуруғ мицелийсининг органик моддаларига ўтишини таъминлайди холос.

Ўсимлик маҳсулотининг ишлатилиш коэффициенти одатда замбуруғларни ҳар хил гидролизатларда ўстирилганда ошади. Маълумки, бунинг учун замбуруғлар суюқ муҳитда маҳсус ферментёrlарда ўстирилади. Бундай шароитда ўстирилган замбуруғ мицелийсида оқсил микдори 50-60% гача етади. Озуқа муҳитини кўпроқ ишлатиш мақсадида замбуруғлар билан бактерияларни қўшиб ўстириш мумкин.

Ўсимлик чиқиндиларидан ташқари, торф, гўнг ва бошқа ҳайвон чиқиндиларини оқсилга айлантириш усуслари ҳам яратилган. Замбуруғлардан олинадиган оқсил моддаларининг ҳайвон организмида енгил сўрилиши, ҳамда уларнинг таркибида нуклеин кислоталарини нисбатан камлиги, булардан ачитки оқсиларига нисбатан кўпроқ микдорда ишлатиш имконини яратади. Одатда ҳайвон болаларини озиқлантиришда озуқа рационига 15-20% замбуруғ оқсили қўшиш тавсия этилган. Ёши катта ҳайвонлар рационига эса 50% гача замбуруғ оқсили қўшиш мумкин.

## **ЎСИМЛИКЛАРДАН ОЛИНАДИГАН ОҚСИЛ КОНЦЕНТРАТЛАРИ**

Сифатли озуқа ва озиқ-овқат оқсилиниң манбани топиш мақсадида олимлар азал-азаллардан фақатгина табиий ўсимликлардан овқатланиб келаётган ёввойи ҳайвонларнинг ҳаётини, уларнинг овқатланиши ва ривожланишини синчиклаб ўрганиб келганлар. Энг қизиги шундаки, улар (ёввойи ҳайвонлар) ўз ҳаётлари учун ягона, ҳар йили қайтадан ўсиб чиқадиган ўтлардан фойдаланадилар-у аммо ҳеч қандай алмашинмайдиган аминокислоталар, ёғ кислоталари ёки витаминларга муҳтожлик сезмайдилар.

Буларнинг барчаси мана шу гиёҳларда-ю, ёввойи ҳайвонлар истеъмол қилаётган ўсимликларда, тирик организмнинг яхши ривожланиши учун керак моддаларнинг барчаси муҳайё (охуларнинг тез ҳаракатчанлиги, маймунларнинг дарахтлардан- дарахтларга сакраши, қолаверса чўлда ялтираб ривожланиб юрган қўй тўдаларни кўз олдингизга келтиринг) эканлигидан дарак беради. Тадқиқотлар ўтларнинг таркибидаги оқсил моддалар синтез тезлиги бир-бирларидан фарқ қилсада, ана шу оқсиллар таркибидаги алмашинмайдиган аминокислоталар микдори барча ёввойи ўтларда бир-бирига яқин эканлигини кўрсатди (6.6-жадвал).

**Ўтли ўсимликларнинг вегетатив массасидаги оқсиларда  
алмашинмайдиган аминокислоталар миқдори**  
(100 г оқсил таркибидаги ҳисобида)

Аминокислоталар	Ўтли ўсимликлар	ФАО эталони
Валин	5,9 - 6,9	4,2
Изолейцин	4,5 - 5,5	4,2
Лейцин	8,8 - 10,2	4,8
Лизин	5,6 - 7,3	4,2
Метионин	1,6 - 2,6	2,2
Треонин	4,7 - 5,3	2,8
Триптофан	1,2 - 2,3	1,2
Фенилаланин	5,5 - 6,8	2,8


6.6-жадвалдан кўриниб турибдики, ўтли ўсимликлар таркибидаги аминокислоталар миқдори бўйича ФАО эталонидан ҳам баландроқ бўлиб, фақатгина метионин миқдори бироз камроқ экан. Илмий тажрибалар, барча хилма-хил ўтлар орасида дуккакли ўсимликларнинг яшил озуқа қисми, ўзларининг биологик хусусиятлари бўйича бошқалардан устун туришлигини кўрсатди (80-90%).

Бу ўсимликларнинг яшил қисмida ҳам оқсил миқдори бошқаларга нисбатан кўпроқ (15-25% қуруқ модда ҳисобидан). Энг кўп оқсил беда ўтида экан. Ўтларнинг вегетатив массасидаги оқсиллар таркибидаги аминокислоталарнинг етарлилиги, бу ўсимликларнинг баргларида ҳам оқсил синтези жадал амалга оширилиши ва ниҳоят уларнинг таркибидаги оқсил миқдорининг нисбатан баландлиги, яшил ўсимликларнинг вегетатив массасидан оқсил ажратиб олишнинг самарали технологиясини яратишни тақозо қиласди.

Дастлаб мана шундай экспериментлар 1773 йилда ўтказилган. Бу тажрибаларда оқсил яшил ўсимликлардан сиқиши (пресслаш) орқали чиқариб олинган. Аммо кейинроқ ўсимлик шарбатида оқсилдан ташқари бир қатор зарарли моддалар: феноллар, оғир металлар, трипсиннинг ингибитори (трипсин ҳайвон ва инсон ошқозони сокидаги оқсил парчаланишида фаол иштирок этувчи фермент), нуклеин кислоталар, алкалоидлар, хлорофилл парчаланишида ҳосил бўладиган моддалар ва х. к. борлигини кўрсатди. Юқорида келтириб ўтилган моддалар кўпроқ ядрода, хлоропластларда, митохондрияда учраса, цитоплазмада уларнинг миқдори камроқ. Мана шунатижалардан келиб чиқкан холда озуқа ёки озиқ-овқат оқсилини цитоплазмадан ажратиш мақсаддага мувофиқлиги аён бўлди.

Собиқ Иттифоқда ўсимлик шарбатидан оқсил ажратишнинг саноат технологияси 1942 йилда ташкил этилган эди. Катта микдорда провитамин А-каротин сақловчи оқсил концентратлари ярадорларни даволашда ишлатилар эди. 1960 йилларнинг бошларида ўсимлик оқсили олиш технологияси яратилиб, ишлаб чиқарилган маҳсулот чорвачиликда қўлланилиш учун тавсия этилган эди.

Бундай устқурмаларни чорвачилиги ривожланган, чорва моллари учун маҳсус экув майдонига эга бўлган ҳар бир хўжаликда ташкил қилиш мумкин. Оқсил концентрацияси тайёрлаш технологияси ўсимлик массасини майдалаш, шарбатини сиқиб чиқариш, шарбатни коагуляция қилиш, коагулятни творогсимон яшил масса ва қўнғир рангли шарбатга ажратиш, оқсил витамин пастасини консервация қилишни ўз ичига олади. Шундай устқурмалардан бирини чизмаси 6.5-расмда келтирилган.



**2.3-расм. Ўсимликларнинг вегетатив массасидан озуқа учун оқсил концентрациялари олиш технологиясининг чизмаси**

1-яшил масса қабул қилиш жойи; 2-яшил массани майдалашга узатиб берувчи ускуна (транспортёр); 3-майдалагич; 4-ўсимлик шарбатини чиқарувчи пресс; 5-шарбат йифиладиган идиш; 6-жомни чиқариб ташловчи устқурма (транспортёр); 7-шарбатни ферментёрга узатувчи насос; 8-ферментёр-коагулятор; 9-ферментёрдан чиқсан шарбатни йифувчи идиш; 10-коагулятни йифувчи идиш; 11-коагулятни узатувчи насос; 12-коагулятни йифувчи идиш.

Шундай қилиб, ўсимлик массасига ишлов бериш орқали уч хил озуқа тайёрлаш мумкин: оқсил коагуляти (чўқмаси), бундан оқсил витамин концентрати тайёрланади: шарбат сиқиб олингандан кейин қолган ўсимлик маҳсулотлари (жом ҳолатида).

**Оқсил коагуляти қуруқ масса ҳисобидан 15-22% оқсил сақлайди. Одатда бу маҳсулотдан қиши фаслида ҳайвонларни озиқлантириши учун**

фойдаланилади. Паст ҳароратда консерванлар қўшилганда бир ой давомида сақланиши мумкин. Ковуш қайтарувчи ҳайвонларга умумий рациондаги оқсил миқдоридан 50 % миқдорида бу маҳсулотдан бериши тавсия этилган.

**Ферментланган қўнгир ранги шарбат** 7-12% қуруқ модда; 1-3% оқсил; 1,0-1,5% органик кислоталар ; 4-5% азот туттмаган тез эрувчан моддалар (одатда яхши сўриладиган углеводлар йигиндиси); 1-2% кул моддалари; 40-50 мг% каротин сақлайди. Бу маҳсулот қишлоқ хўжалик ҳайвонларининг умумий озукасига қўшиб берилади. Масалан, чўчқаларнинг ҳар бирига кунсига 1,5 л дан бериши тавсия этилган. Бундан ташқари бу шарбат асосида ачитқи замбурууглари оқсили тайёрлаш ҳам мумкин.

**Жом** ҳам ҳайвонларни озиқлантириши мақсадида ишлатилиши мумкин. Уни таркибида 12-17% оқсил моддалари; 3-4% ёғ ва ёғсимон моддалар; 8-9% кул моддалари; 35 % клетчатка бор.

**Одатда оқсил** - витамин пастасини тайёрлаш учун беда, йўнгичқа, қанд лавлагиси баргларидан фойдаланилади. Қанд лавлагиси баргидан тайёрланган оқсил-витамин пастасини маҳсус усуллар орқали тозалаб озиқловкат учун ҳам ишлатиш мумкинлиги кўрсатиб ўтилган. Ҳозирча ўсимлик массасидан оқсил-витамин концентратлари тайёрлаш технологияси кўп энергия талаб қилиши ҳамда рентабиллиги пастлиги сабабли кенг кўлланилмасдан турибди.

## **АЛМАШИНМАЙДИГАН АМИНОКИСЛОТАЛАР ИШЛАБ ЧИҚАРИШ**

Таркибида юқори миқдорда алмашинмайдиган аминокислоталар сақловчи озуқа оқсиллари концентратлари орқали фақатгина оқсили кам бўлган озуқа маҳсулотлари таркибидаги оқсил моддалар миқдорини меъёрига келтириш мумкин холос, аммо бу маҳсулотлар алмашинмайдиган аминокислоталар миқдорини меъёрга келтириш учун камлик қиласди. Ҳайвонлар озуқасини меъёрига келтириш учун баъзи бир аминокислоталар соғ ҳолда қўшилиши шарт, чунки уларнинг миқдори озуқалар таркибида меъериалдан жуда ҳам оз. Дунёда ҳар йили 300 минг тоннадан кўпроқ алмашинмайдиган аминокислоталар саноат асосида ишлаб чиқарилади. Аммо, афсуски бу технология мамлакатимизда жорий этилмаган.

Алмашинмайдиган аминокислоталар тайёрлашнинг уч йўли маълум:

- ўсимлик ёки микроб оқсилини гидролиз қилиши орқали тайёрлаш;
- микроблар орқали синтез қилиши (биосинтез);
- кимёвий синтез.

Дунё бўйича соф ҳолда ишлаб чиқариладиган аминокислоталарнинг 60%-и микробиология синтези орқали амалга оширилади. Ҳажм бўйича иккинчи ўринда кимёвий синтез туради. Бу йўлнинг энг катта камчилиги, кимёвий синтез қилинганда D – ва L- аминокислоталарнинг аралашмаси ҳосил бўлади.

Маълумки, инсон ва ҳайвон организмлари учун биологик фаолликка фақатгина L-шаклдаги аминокислоталар эгадирлар. Организмга тушиб қолган D- аминокислоталарнинг нафақат фойдаси йўқ, балки улар L-шаклдаги аминокислоталарнинг ўринни эгаллаб, уларнинг биологик фаоллигини бутунлай йўқотади. D- шаклдаги аминокислоталар тирик организмларнинг фермент тизими таъсирига кирмайди, улардан баъзилари эса организм учун заҳарлидир. Фақатгина битта аминокислота, у ҳам бўлса метионин бу камчиликлардан мустасно бўлиб, бу аминокислотанинг D-шакли ҳам худди L- шакли сингари биологик фаолликка эга. Шунинг учун ҳам метионин кўпроқ кимёвий синтез орқали олинади. Оқсилларни гидролиз қилиш орқали аминокислоталар тайёрлаш технологияси иқтисодий самараси паст бўлгани учун бу усул ривожланмасдан қолган.

Микробиологик синтез орқали маҳсус тайёрланган (селекция қилинган) микроорганизмлар ёрдамида 1 л культурал суюқликда (озуқа моддасида) 150 граммгача L – аминокислота олиш мумкин. Бу усулда кўпроқ селекция ёки ген муҳандислиги усуллари орқали тайёрланган ауксотроф микроорганизмлардан фойдаланилади. Бундай ауксотроф штаммларда мутаген факторлар ёрдамида муайян аминокислотанинг синтезини ташкил қилувчи фермент тизимини бошқариб турадиган бир модданинг ҳосил бўлиши бутунлай тўхтатиб қўйилган ёки бостириб (ингибирланган) қўйилган мутант ҳосил қилинади. Бундай мутантларда керакли аминокислоталар миқдорини беихтиёр кўпайтиришдан бошқа иложи бўлмайди. Микроорганизмларни ўстириш орқали тоза ҳолда аминокислоталар препаратларини саноат асосида олиб бориш бир ёки икки босқичда амалга оширилиши мумкин.

Бир босқичли синтезда саноат ферментёрларида юқори ҳосилдорликка эга бўлган ауксотроф мутантлар ўстирилади. Ўсиш даври тугаганидан кейин микроорганизмлар хужайралари культурал суюқликдан ажратилади, культурал суюқлик қуилтирилади ва ундан юқори концентрациялик аминокислота ажратиб олинади.

Аминокислоталарнинг икки босқичли синтезида эса, дастлаб уларнинг олдинги авлодлари (улар кўпроқ арzonроқ бўлган кимёвий синтез йўли билан) олинади, кейин эса микроорганизмлар синтез қилган ферментлар ёрдамида, уларни ферментатив гидролиз қилиш орқали соф ҳолдаги аминокислоталар олинади. Бундай йўл билан фақатгина L-аминокислоталар ҳосил бўлишини эслаб қолиш лозим. Фермент манбаи бўлиб ёки микроорганизмларнинг хужайралари ёки культурал суюқлик хизмат қилиши мумкин.

## ЛИЗИННИНГ МИКРОБИОЛОГИК СИНТЕЗИ


Бошоқли ўсимликларнинг (буғдой, арпа, маккажўхори ва бошқалар) уруғларидан олинадиган оқсиллар алмашинмайдиган аминокислоталар миқдори бўйича, айниқса лизин миқдори бўйича ФАО эталони талабларига жавоб бера олмайдилар. Шунинг учун ҳам қатор мамлакатларда (Япония, АҚШ, Франция, Испания, Россия, Латвия ва ҳ.к.) бу аминокислотани (лизинни) саноат асосида ишлаб чиқариш йўлга қўйилган.

Ишлаб чиқаришнинг асоси қилиб, *Corynebacterium* авлодига мансуб бактерияларнинг ауксотроф штаммини микробиологик синтез орқали ўстириб олинади. Одатда, ауксотроф штамм олинган ёввойи штаммларда лизинни кўп миқдорда синтез қилиш кузатилади, чунки уларда ўзларини бошқариш механизми фаолият кўрсатади. Бактерия хужайраларида лизин аспарагин кислотасидан пайдо бўлади. Бунинг учун аспарагин кислотаси ва лизин орасида қатор оралиқ молекулалар яъни: аспарагин кислотасининг ярим альдегиди, дигидропиколин кислотаси ва L, E –диаминопимелин кислотаси (лизиннинг олд маҳсулоти) пайдо бўлади. Аспарагин кислотасининг ярим альдегиди ҳам бир неча аминокислоталар (треонин, метионин, изолейцин) учун олд маҳсулотлардан бири хисобланади (6.4-чизма).

Лизин синтез қилувчи бактерия асосида маҳсулотни бир неча хилда (кўринишда) тайёрлаш технологияси ишлаб чиқилган: лизиннинг суюқ

концетрати (ЛСК), лизиннинг қуруқ озуқа концентрати (ЛҚОК), юқори концентрациялик озуқа ва юқори даражада тозаланган кристалл ҳолатдаги препаратлар озиқ-овқат ва тиббиётда ишлатиш учун мўлжалланган.

ЛСК – культурал суюқликни вакуум устқурмаларида, қуруқ моддаси 40% бўлгунча қуйилтириш йўли билан тайёрланади. Иситиш жараёнида лизиннинг парчаланиб кетмаслиги учун культурал суюқликка натрий бисульфит ва pH 4,5 –5.0 бўлгунча хлорид кислотаси қўшилади, оқибатда лизиннинг монохлоргидрати ҳосил бўлади.




#### **6.4-чизма. Лизин, метионин, треонин ва изолейцин синтези**

ЛҚОК тайёрлаш учун культурал суюқлик 90<sup>0</sup>C иссиқ ҳаво бериш орқали пуркаб қуритгич ускунасида препаратда 4-8% намлик қолгунга қадар қуритилади. Мана шу йўл билан қуритилган препаратда 15-20% лизин монохлоргидрати, 15-17% оқсил, 14% бошқа аминокислоталар, В- гуруҳ витаминлари, минерал моддалар сақланади.

Препаратнинг нам тортиб олиш хусусиятини камайтириш мақсадида унга тўлдирувчилар: сувек уни, бентонит буғдой кепаги, сўндирилмаган оҳак қўшилади. Тўлдирувчи сифатида кўпроқ буғдой кепаги ишлатилади, у ЛСК га пуркатиб, қуюлтирилгандан кейин аралаштирилади. Яхшилаб аралаштирилгандан кейин паста маҳсус қуритгичларда қуритилади ва грануляция қилинади. Грануляция қилинган ЛҚОК препарати гигроскопик бўлмасдан, таркибида 7-10% лизин сақлайди. Юқори концентранган, тозаланган лизин олиш учун культурал суюқлик, фильтрлангандан кейин хлорид кислотаси билан pH 1,6-2,0 келтирилади. Кислота билан ўзаро

таъсирида пайдо бўлган лизин моноклоргидрати катионитлар билан тўлдирилган колонкаларга юборилади, натижада аминокислота катионитларга адсорбция бўлиб қолади, культурал суюқлик эса колонкадан ўтиб кетади. Кейин 0,5–5% аммиак эритмаси ёрдамида аминокислотани десорбция қилиб олинади (6.5-расм).



**6.5-расм. Лизин конценрати ишлаб чиқариш технологиясининг чизмаси:**


1.Иситиш ва лавлаги массасини эритиши; 2- маккажўхори экстракти, озуқа таркибига кирган тузлар ва  $\text{CaCO}_3$  ни сувда аралаштириши; 3 – иситиш колоннаси; 4- озуқа мухитини сақлаб турувчи идиш; 5-иссиқлик алмаштирувчи (совитиш учун); 6-экув культурасини кўпайтирувчи ва стерилизация қилувчи ферментёrlар ва ускуналар; 7- экув материалларини узатиши; 8-ҳавони тозалаш ва стерилизация қилиш учун фильтрлар тизими; 9-саноат культурасини ўстирувчи ферментёр; 10-чиқадиган газларни экологик тозаловчи ферментёрлар; 11–лизин моноклоргидратини олувчи идиш; 12- реакторга хлорид кислотасини юбориши; 13–тайёр лизин моноклоргидрат; 14–лизинмоногидрат сақлаган культурал суюқликни иситиш; 15- буғлатувчи устқурмалар; 16–суюқ лизин (с.л.) йигиладиган идиш; 17–суюқ лизинни тўлдиргич билан аралаштириши; 18–пуркатиб қуритувчи устқурма; 19–иссиқ ҳаво узатувчи; 20-қуруқ лизин заррачаларини ҳаводан ажратиши; 21–ҳавони атмосферага чиқаришдан олдин экологик тозалаш; 22–лизиннинг куруқ озуқа концентрати тўпланадиган идиш.

Элюат вакуум остида  $60^{\circ}\text{C}$  да 30-50% қуруқ модда ҳосил бўлгунга қадар қўйилтирилади, ундан кейин хлорид кислотаси билан нордонлаштирилган

лизинни монохлоргидрат эритмаси қуритилиб, ҳайвонлар озуқасига қўшимча қилиб ишлатилади. Ҳосил бўлган тузни қайтадан кристаллизация қилиш йўли билан 97-98% монохлоргидратли лизин препарати ҳам олиш мумкин.

Лизин ишлаб чиқариш жараёнида ишлатишга фойдали бўлган асосий препаратдан ташқари чиқиндилар, қўшимча маҳсулотлар ҳам чиқади. Масалан, культурал суюқлик ажратилгандан кейин, чўкмада бактерия-продуцентнинг ҳужайралари, фосфатлар, озуқа муҳитининг ишлатилмасдан қолган компонентлари қолади, буларни қуритиб, оқсил концентрати сифатида ишлатиш ҳам мумкин.

Бошқа томондан, технологиядан чиқсан оқава сувлар ҳамда лизин монохлоргидрати ажратиб олингандан кейин қолган сувлар, таркибида аминокислоталар ва бошқа қимматбаҳо компонентлар сақловчи суюқликлар бирга аралаштирилиб, буғлантирилади, кейин қуритилиб, тўлдирувчи (10% гача) аралаштирилиб, юқори концентрацияли оқсил ва алмашинмайдиган аминокислоталар сақловчи (40% гача оқсил) концентрат сифатида ишлатилади. Япония ва АҚШ да лизин ишлаб чиқаришда кимё-микробиология усулларидан ҳамкорликда фойдаланиш усуллари яратилган. Бу технология циклогександан кимёвий йўл билан олинган  $\alpha$ -амино- $\epsilon$ -капролактамдан ферментатив йўл билан лизин олишга асосланган:



Кимёвий синтез натижасида D- ва L-капролактамнинг рацемик аралашмаси ҳосил бўлади. Бу аралашма L-амино- $\epsilon$ -капролактам гидролаза ферменти сақловчи реакторга юборилади, бу фермент L-капролактамни L-лизинга ўтказиш реакциясини катализ қиласди. Капролактамнинг D-изомери маҳсус рацемаза ферменти ёрдамида L-шаклга ўтказилади ва реакция яна бошқатдан бошланади. Бундай технология асосида лизин олинганда, технология ниҳоясида реакцион аралашмада лизиннинг миқдори 1 л га 150 г га етади. L-амино- $\epsilon$ -капролактам гидролаза ферментининг продуценти бўлиб, *Cryptococcus*, *Candida*, *Trichsporon* авлодларига мансуб ачитки замбуруғлари хизмат қиласди.

Ачитқи замбуруғлари ишқорий шароитда, фермент синтези учун меъёрига етказилган,  $Mn^{+2}$ ,  $Mg^{+2}$ ,  $Zn^{+2}$  сингари фаоллаштирувчи тузлар сақлаган озуқа муҳитида ўстирилади. Капролактамни лизинга ўтказиш учун фаол фермент сақловчи ачитқи ҳужайраларининг суспензияси, ҳужайра экстракти (ҳужайраларни бузиб, ажратилгандан кейин) ёки тозаланган фермент ишлатилиши мумкин. D-капролактамни L-изомерга айлантириб берувчи фермент – рацемаза учун продуцент бўлиб, *Achromobacter*, *Flavobacterium* ва бошқа авлодларга мансуб бактериялар хизмат қиласи.

D-капролактамни L-изомерга, L-изомерни лизинга айлантириш жараёнларини бирга олиб бориш мумкин. Бунинг учун D,L – капролактамни сувли эритмасига керакли миқдорда ачитқи ва бактерия ҳужайралари қўшилади ва меъёрий режим (ҳарорат, pH, аэрация) ушлаб турилади. Реактордан чиқиш вақтида кўпроқ битта молекула –L–лизин ҳосил бўлади, у аралашмадан ажратиб олинади, тозаланиб, куритилади.

Юқорида акс эттирилган технологиядан ташқари бошқа усувлар ҳам яратилмоқда. Бундай технологиилар дастлаб кимёвий йўл билан лизиннинг олдинги ҳосилаларини синтез қилиш ва уларни ферментатив йўл билан лизинга айлантиришга асосланган. Дастлабки ҳисоб-китобларга қараганда бундай технологиянинг самарадорлиги баланд ва таннархи паст бўладиган кўринади.


## ТРИПТОФАННИНГ МИКРОБИОЛОГИК СИНТЕЗИ

Алмашинмайдиган аминокислоталардан бири – триптофанни ҳам саноат миқёсида ишлаб чиқариш технологияси яратилган. Бу ноёб аминокислота озуқага қўшиладиган ҳолатда ҳамда ўта тоза ҳолда олинган. Триптофанни ишлаб чиқаришнинг ҳам икки йўли: бир босқичли - бошқарилиши бузилган ауксотроф мутантларни ферментация қилиш орқали, ҳамда икки босқичли – дастлаб триптофаннынг олд маҳсулотини кимёвий синтез йўли билан кейин эса ферментатив йўл билан, охирги маҳсулот – триптофан олишга асосланган.

Бактерияларда ва кўргина бошқа организмларда триптофан, эритроза – 4- фосфат ва фосфоенолпировиноград кислоталаридан бир қатор кетма- кет келадиган реакциялар орқали: шиким ва хоризм кислоталари, олд маҳсулот сифатида, эса антранил кислота орқали олинади (6.5-чизма).

Ҳар учала аминокислоталарнинг синтези ҳам охирги маҳсулот билан бўғилади. Улар хоризма кислотаси ҳосил бўлиши билан алоқадор бўлган реакцияларни катализ қилувчи ферментларга таъсир этадилар.

Юқоридаги чизмадан кўриниб турибдики, триптофан ҳосил бўлиши билан алоқадор бўлган метаболитик реакцияларнинг кучлироқ (тезроқ) кетиши учун хоризма кислотасининг префен кислотасига айланишини тўсиб қўйиш керак. Бундай тўсишлар мутация орқали амалга оширилади. Хоризма кислотасини префен кислотасига ўтказувчи фермент фаоллиги йўқ ёки жуда паст бўлган мутантларда триптофан синтези кучли бўлади, аммо бундай мутантларнинг нормал ўсиб ривожланиши учун озуқа муҳити таркибига триптофан синтезини бошқариб - сусайтирадиган миқдорда танқис аминокислоталар-фенилаланин ва тирозин қўшиш керак бўлади.



#### 6.5-чизма. Триптофан, фенилаланин ва тирозин синтези

*Bacillus subtilis* тирозин ва фенилаланин синтези бузилган ауксотроф мутанти асосида триптофан ишлаб чиқаришни саноат технологияси яратилган. Барча технологик жараёнлар коринебактерияларнинг мутант штаммлари асосида лизин ишлаб чиқаришга ўхшаб кетади. Ферментация  $37^{\circ}\text{C}$  да 48 соат давом этади, культурал суюқликда триптофан миқдори 1 литрига 10 граммни ташкил этади. Культурал суюқликдан хужайралар

ажратиб олингандан кейин у буғлантирилиб, 110-120<sup>0</sup>С да қуритилади. Қуритилган маҳсулот триптофанинг озуқа концентрати деб юритилади.


Тозароқ ва юқори концентранган триптофан тайёрлаш учун культурал суюқликни қўшимча тозалашга тўғри келади. Даствори хлорид кислотаси ёрдамида pH 1,0 га қадар нордонлаштирилади, кейин центифугалаш орқали чўкма ажратиб олинади. Кейин триптофан сақловчи центрифугат катионит сақловчи ион алмашув колонналаридан ўтказилади, оқибатда аминокислота катионитга боғланиб қолади, культурал суюқлик эса колонналардан ўтиб кетади. Колонналар ювилиб ташлангандан кейин (культурал суюқлик таркибидаги моддалардан тозалангандан кейин) амино- кислота 5% ли аммиак эритмаси (изопропанол ва сув аралашмасида эритилган) ёрдамида десорбция қилиб олинади. Элюат вакуумда қуритиб олинганидан кейин, 4-8<sup>0</sup>С аминокислота кристаллизация қилинади. Кристалл ҳолатда ажратиб олинган триптофан тузи этанол билан ювилиб, 60<sup>0</sup>С вакуумда қуритилади.

Қуритилган ва кристаллизация қилинган препарат камида 99% триптофанинг хлоридли тузини сақлайди. Культурал суюқлик ажратиб олингандан кейинги чўкма (таркибида бактерия қолдиқлари сақлайди) қуритилиб, триптофанга бой бўлган оқсили препарати сифатида ишлатилади.

Россияда триптофан икки босқичда олинади. Даствори триптофанинг олд маҳсулоти – антраксил кислота кимёвий синтез йўли билан олинади, кейин у микроблардан ажратилган ферментлар ёрдамида триптофанга айлантирилади. Антраксил кислотанинг триптофанга биокимёвий айланниши уч босқичда ўтади.

**Биринчи босқичда** антраксил кислотадан фосфорибозилпирофосфат (ФРПФ) иштирокида аминоглюкозид – N – (Б<sup>1</sup>-фосфорибозил)- антраксил кислота ҳосил бўлади.

Кейинроқ у молекула ичидаги гурухлар жойларининг алмашинуви натижасида ва карбоксил гурухни йўқотиш (декарбоксилланиш) оқибатида индолил-3- глицерофосфатга айланади.



Охирги босқичда триптофансинтетаза ферменти таъсирида индолглицерофосфат ва серин (аминокислота) дан триптофан синтези амалга оширилади. Триптофан синтетаза ферментининг фаол гуруҳи сифатида пиридоксальфосфат хизмат қилиши сабабли, реакция муҳитида бу коферментнинг иштироки антракил кислотанинг триптофанга айланиш тезлигини белгилаб беради. Бу реакцияларда фермент манбаи сифатида *Candida utilis* ишлатилади.

Антранил кислотанинг триптофанга биокимёвий айланиши, ишлаб чиқариш жараёнида икки босқичда ўтказилади. Биринчи босқичда - фермент манбаи бўлган ачитқи замбуругининг (*C.utilis*) биомассаси тўплаб олинади. Ачитқи замбуруғи қуидаги таркибдаги озуқа муҳитида ўстирилади: лавлаги мелассаси, мочевина ва минерал тузлар. Ферментация  $30^{\circ}\text{C}$  да 24 соат давом этади. Кейин ферментёрга антранил кислотанинг спиртдаги 5% ли эритмаси ва мочевинанинг 50% эритмаси юборилади. Антранил кислота юборилгандан 3-4 соат ўтгач, ферментёрга қўшимча углерод манбаи – меласса 25% ли эритма ҳолатида юборилади. Ферментациянинг кейинги босқичларида антранил кислота ҳар 3-4 соатдан мочевина – 6 соатдан, меласса эса 12 соатдан сўнг ферментёрга юборилиб турилади.

Ферментация 120 соат, агар ачитқи замбуругини ўстириш ҳисобга олинса, 144 соат давом этади. Культурал суюқликда триптофан микдори б г/л этади. Буғлантириб, қуритилгандан кейин триптофанинг озуқа концентрати олинади.

## Унинг таркиби қуйидагича:

- құруқ моддалар – 90%;
  - оқсил – 48–54%;

- ✓ триптофан 1-3%;
- ✓ витамин  $B_1$ -1,5–1,9 мг%;
- ✓ витамин  $B_2$ -2,5–3,3 мг%;
- ✓ витамин-РР – 62-68 мг%.

Юқори сифатли триптофан препарати олиш учун уни культурал суюқликдан ажратиш, тозалаш лозим бўлади. Бу усуслар юқорида келтириб ўтилган.

### **Назорат саволлари**

1. Триптофанинг микробиологик синтези қандай амалга ошади?
2. Лизиннинг микробиологик синтези ҳақида маълумот беринг?
3. Микроскопик замбуруғлар оқсиллари қандай олинади?
4. Сув ўтларидан олинадиган озуқа оқсиллари ҳақида тасаввурингиз?
5. Бактериялардан олинадиган оқсиллар ҳақида маълумот беринг?

### **Таянч сўзлар**

ОВК, лактоза, лигноцеллюлоза, оқсил коагуляти, жом, *Candida*, *Torulopsis*, *Saccharomyces*, *Candida arborea*, *Methylococcus*, *Acinebacter*, *Pseudomonas*, *Alcaligenes*, *Achromobacter*, *Corenebacterium*, *Pseudomonas*, *Chlorella*, *Scenedesmus*, *Spirulina*, *Stropharia*, *Pleurotus*, *Abortiporus*, *Coriolus*, *Sterium*.

## **VII-БОБ ТУРЛИ ТАРКИБЛИ ОЗУҚА ПРЕПАРАТЛАРИ ИШЛАБ ЧИҚАРИШ**

### **7.1. ОЗУҚА-ВИТАМИНЛИ ПРЕПАРАТЛАР ИШЛАБ ЧИҚАРИШ**

Озуқа маҳсулотларининг сифатини, уларнинг биологик хусусиятларини кўтариш учун муҳим омиллардан бири бўлиб, уларнинг таркибидаги витаминларнинг миқдори ва хилма-хиллиги хизмат қиласи. Витаминалар турли хил кимёвий тузилишга эга бўлиб, организмнинг хаётий фаолиятини фаол ушлаб туришга хизмат қиласи. Витаминаларнинг биологик фаоллиги, уларнинг фаол групҳ сифатида ферментларнинг катализ марказлари таркибида кириши билан боғлиқ. Шунинг учун ҳам витаминалар миқдори камайганда, тегишли ферментларнинг фаоллиги пасаяди, оқибатда биокимёвий жараёнлар сусайиб ишдан чиқа бошлайди. Бу эса витаминалар этишмаслиги билан боғлиқ бўлган ҳар хил касалликларга олиб келади.


Маълумки, инсон ва ҳайвон организми ўзларига керакли бўлган витаминаларни синтез қила олмайдилар, аммо ўсимликлар эса бундай ноёб хусусиятга эгадирлар. Улар табиатда топилган барча витаминаларни (витамин  $B_{12}$  дан ташқари) синтез қилиш хусусиятига эгадирлар. Микроорганизмлар ҳам кўпгина витаминаларни синтез қила оладилар. Кўриниб турибдики, ўсимлик ва микроб маҳсулотлари инсон ва ҳайвон учун алмаштириб бўлмайдиган витамин манбаи бўлиб хизмат қиласи экан.

Организмнинг витаминга бўлган муҳтожлиги икки йўл билан қондирилади: овқат ва организмдаги микроорганизмларнинг витамин синтез қилиш хусусиятлари орқали. Бир бўлмали ошқозонли организмлар учун витаминалар билан таъминлашнинг асосий йўли озиқ-овқат таркибида истеъмол қилиш ёки соф ҳолдаги витаминаларни ёки уларнинг олд маҳсулотларини (организмда витаминга айланадиган моддалар) қабул қилишdir. Чунки бундай организмларда микрофлора унчалик ривожланмаган бўлади, шу туфайли витаминалар синтези деярли амалга ошмайди. Ковуш қайтарадиган ҳайвонларнинг ошқозон олди қисмida микрофлорага бой бўлганлиги учун витаминаларга бўлган муҳтожликни улар орқали қондириб туради. Қишлоқ хўжалик ҳайвонларининг озуқаси асосан ўсимликлардан тайёрланиши, уларнинг таркибидаги витаминалар ( $B_{12}$ ) ўсимликларда синтез бўлмаганлигини эътиборга олиб, ҳайвон озуқасига

күшимиң қилиб, микроорганизмлардан ажратилған сервитамин маҳсулотлар аралаштириб турилади.

## ВИТАМИН В<sub>2</sub>-ОЗУҚА ПРЕПАРАТЛАРИ

Витамин В<sub>2</sub>-рибофлавин кимёвий табиатига кўра азот асосли 6,7-диметилизааллоксазин, D-рибит спирти қолдиғи сақловчы бирикмадир. Унинг кимёвий тузилиши қуйидагича:




Бу витамин оксидланиш-қайтарилиш ферментлари фаол гурӯҳлари флавинмоно нуклеотид (ФМН) таркибиға киради. Шунинг учун ҳам организмда бу витамин етишмаганды оксидланиш - қайтарилиш жараёнлари сусайиб кетади. Бу витаминни чўчқаларга бериш меъёри 2–7 мг, ҳар бир килограмм қуруқ озуқага кўшиб берилади. Ҳайвонларга озуқа сифатида ишлатилиб келинаётган ўсимлик маҳсулотларида В<sub>2</sub> витаминнинг миқдори жуда ҳам кам. В<sub>2</sub> витаминини ҳар хил таксоник гурӯхга кирувчи микроорганизмлар – бактериялар, ачитқи замбуруғлар, актиномицетлар синтез қиласидилар, баъзи бир штаммлар 1 л культурал суюқликда 1 мг гача В<sub>2</sub> витамини синтез қила олади.

Озуқа рибофлавинининг продуценти *Eremothecium ashbyii* ачитқи замбуруғининг селекция усули асослида тайёрланган штамми ҳисобланади. Рибофлавин ачитқи ҳужайраларининг вакуолларида тўпланиб, микроорганизмга ўзига хос бўлган сариқ ранг беради. Катта ҳажмда ишлаб чиқариш учун алоҳида таркибиға эга бўлган суюқ озуқа муҳити тайёрланади, экув материаллари эса маҳсус ускуналарда (ферментёрларда) ўстирилади (7.1-чизма).

Озуқа муҳити таркибиға керакли миқдорда соя уни, маккажўхори экстракти, бўр (CaCO<sub>3</sub>), гидрол, шакар, K<sub>2</sub>HPO<sub>4</sub>, NaCl, ва бошқа макро-, микроэлементлар қўшилади. Ферментёрга юборилишдан олдин озуқа

мухити стерилизация қилинади. Экүв материали сифатида *Eremothecium ashbyii* нинг споралари ишлатилади.

Ювилган пшено бўкиш учун 30-35 минут давомида сут зардобида ушлаб турилади, кейин қуритилиб, 50-60 граммдан стерилизация қилинган флаконларга солинади. Флаконда пшено уч маротаба стерилизация қилинади ва ундан кейин ачитқи замбуруғи сувдаги суспензияси билан экилади ва 7-8 кун давомида 29-30С инкубацияга қўйилади. Кўрсатилган вақт ошгандан кейин вакуум-қурутгичда секин қуритилиб, суюқ экүв материаллари тайёрлашга юборилади.



#### 7.1-чизма. *Eremothecium ashbyii* культураси ёрдамида рибофлавин озуқа концентрати олишнинг технологик чизмаси

1-ҳаво компрессори; 2-ёғ ажратгич; 3-ресивер; 4-бош фильтр; 5-инокулятор; 6-аралаштиргич; 7-ферментёр; 8-инокулятор; 9-культурал суюқлик йигиладиган мослама; 10-буғлантириш ускунаси; 11-қуритиш ускунаси; 12-майдалагич.

Рибофлавин олиш учун продуцент 28-30<sup>0</sup>C да 72 соат давомида ўстирилади. Ҳар 8 соатда микроб ҳужайралари, озуқа муҳити таркиби ва ҳосил бўлган витамии назорат қилиб борилади. Тайёр культурал суюқлик

ферментация охирида, 5% қуруқ модда ва 14 мг/мл рибофлавин сақлаши керак. Қуритиш жараёнида бу витаминни мўътадиллаштириш мақсадида культурал суюқлик хлорид кислотаси билан pH 4,5-5,0 гача нордонлаштирилади, ундан кейин вакуум-буғлатгич ускунасида концентрлаштирилади.

Олинган концентрат одатда, 5,6 мг/мл витамин В<sub>2</sub> ва 20% қуруқ модда сақлаган бўлади. Қујолтирилган витамин концентрати пуркаб қурутгич ускунасида, намлиги 5-10% қолгунга қадар қуритилади. Кейин кепак ва маккажўхори билан аралаштирилиб, 20 граммдан полиэтилен пакетчаларга солиб чиқилади ва бу пакетчаларга қоғоз қопча солиб, тегишли этикеткалар билан жиҳозлантирилади. Тайёр маҳсулотда витаминнинг миқдори 1% дан кам бўлмаслиги керак. Тайёр маҳсулотни сақлаш даври 1 йилдан ошмайди.

## **ВИТАМИН В<sub>12</sub> - ОЗУҚА ПРЕПАРАТЛАРИ**

В<sub>12</sub> витамин таркибида З валентли кобальт ва бошқа радикаллар билан алмаша оладиган амин ҳамда циан гурухларини сақлайди. Бу витамин қонни яхшилайди, аминокислоталар ва азот бирикмалари синтезида қатнашади. Бу витамин ўсимликларда учрамайди ва уни инсон ва ҳайвонга етказиб берадиган ягона манба - бу микроорганизмлардир.

Бу витаминни саноат миқёсида ишлаб чиқариш учун микроорганизмларнинг маҳсус танланган биоценози ўстирилади. Бу биоценоз иссиқ метанли бижгиш реакциясини амалга ошириб, таркибида целлюлозани парчаловчи, аммонификация қилувчи, углеводларни, сульфит қайтарувчи ва метан ҳосил қилувчи бактериялар бор.

Бу микроорганизмлар ферментациясининг биринчи босқичида (10-12 кун давомида) термофил аммонификаторларни ва углеводларни бижитувчи микроорганизмларнинг жадал ривожланиши кузатилади, бу жараён паст кислотали шароитда (pH 5,0-7,0) ўтади (7.2-чизма).

Бу биоценознинг бошқа груп қатнашчилари бижгиш ишқорий шароитда (pH 7,0-8,5) ўтганда ривожланади. Бу даврда метан ҳосил қилувчи бактериялар кўпроқ кузатилади. Улар биоценознинг бошқа иштирокчиларига қараганда В<sub>12</sub> витаминини 4-5 маротаба кўпроқ синтез қиладилар.

Метан ҳосил қилувчи бактерияларнинг жадал ривожи учун асосий субстрат бўлиб ёғ кислоталари ва тубан спиртлар ҳисобланади, шунинг учун

ҳам бу моддаларнинг озуқа мухити таркибига киритилиши витамин синтезини кучайтиради.

Озуқа мухити тайёrlаш учун одатда ацетон-бутанол ишлаб чиқаришдан қолган бардадан фойдаланилади. Барда тозаланиб, унга кобальт хлорид ( $4 \text{ г}/\text{м}^3$ ) ва  $0,5\%$  метанол қўшилади. pH-6,5 гача нордонлаштирилади ва унга  $0,20\text{-}0,25\%$  натрий сульфит солинади.


Бактерияларни саноат шароитида ўстириш учун дастлаб экув материаллари ( $250 \text{ м}^3$  ҳажмли аппаратларда) тайёrlаб олинади (15-20 кун мобайнида), кейин экув материаллари темир бетондан ясалган ҳажми  $4200 \text{ м}^3$  бўлган ферментёрларга юборилади, мана шу жойда метанли бижғиши жараёни ўтади.

Янги тайёр бўлган барда ферментёр ҳажмидан  $25\text{-}30\%$  лик миқдорда ҳар куни ферментёрнинг тагига юбориб турилади.  $\text{B}_{12}$  витамини сақлаган суспензия ферментёрнинг тепа қисмидан олиб турилади.

Ишчи цикл давомида ферментёрдаги pH, учувчан ёғ кислоталарининг миқдори, аммонийли азотнинг миқдори назорат қилиб турилади ва доимий равишда ҳарорат  $55\text{-}57^\circ\text{C}$  оралиғида ушлаб турилади. Бижғиши жараёнида  $65\%$  метан ва  $30\%$   $\text{CO}_2$  дан иборат бўлган газ аралашмаси ҳосил бўлади ва у иссиқлик манбай сифатида ишлатилиши мумкин.

Ферментация маҳсулоти сифатида ҳосил бўлган тайёр культурал суюқлик, одатда  $2,0\text{-}2,5\%$  қуруқ модда ва  $1,1\text{-}1,7 \text{ мг}/\text{л}$   $\text{B}_{12}$  витамини сақлайди. Қуритиш жараёнида витамин парчаланиб кетмаслиги учун культурал суюқлик хлорид ёки фосфат кислотаси ёрдамида вакуумда олиб борилади.


Шундай қилиб, тайёrlанган культурал суюқлик, газсизлантирилади, вакуум-буғлантиргич устқурмасида қуолтирилиб, пуркагич - қуритгичлар ёрдамида,  $5\text{-}10\%$  намлик қолгунча қуритилади (7.3-чизма).



**7.2-чизма. В<sub>12</sub>-витаминни концентратини метан хосил килувчи аралаш культураалар ёрдамида олишининг технологик чизмаси:**

1-барда йигувчи ускуна; 2-барда учун насос; 3-барда декантатори; 4-куйилтирилган бардан йигувчи ускуна; 5-барда декантаторини йигич; 6-барда декантатори учун насос; 7-барда декантаторини совитиш учун музлаттич; 8-метанолни йифиш учун улчамли идиш; 9-метанолни мөйёрловчи насос; 10-кобальт хлорид эритмасини ўлчовли йифиш ускунаси; 11- кобальт хлорид эритмасини мөйёрловчи насос; 12-метанли бижгиш учун ферментатор; 13-метанли бражка учун насос; 14-хлорид кислота учун ўлчовли йифиш ускунаси; 15-хлорид кислота учун мөйёрловчи насос; 16-натрий сульфид учун ўлчовли йифиш ускунаси; 17-натрий сульфид учун мөйёрловчи насос; 18-метанли бражка, хлорид кислота ва натрий сульфидни аралаштириш ускунаси

Тайёр маҳсулотнинг физикавий хусусиятларини яхшилаш мақсадида, кепак ёки маккажүхори уни қўшиб аралаштирилади. 25-30 кг дан полиэтилен қопларга солиб қопланади ва қофоз қопга солинади. Тайёр озуқа препаратида  $B_{12}$  витамини энг камидаги 2,5 мг % бўлиши керак, препарат 1 йил мобайнида куруқ ва салқин жойда сақланади.



7.3.-чизма. Озуқа концентрати  $B_{12}$ - витаминини ишлаб чиқаришнинг технологик чизмаси

Россияда чиқадиган препарат КМБ-12 деб юритилади. Бу препаратда шунингдек, В гурӯҳига кирувчи бошқа витаминлар ва алмашинмайдиган аминокислоталар ҳам мавжуд.

## **7.2. ОЗУҚА ЛИПИДЛАРИ**

Оқсил, углевод ва витаминлардан ташқари қишлоқ хўжалиги ҳайвонлари озуқаларининг ажралмас қисми липидлар ҳисобланади. Липидлар таркибига тўйинмаган ёғ кислоталари кириб улар ҳайвон организмида синтез бўла олмайдилар, шундай экан организмнинг меъёрида ўсиб, ривожланишида фаол иштирок этувчи бу моддалар озуқа таркибида бўлишлари керак. Тўйинмаган ёғ кислоталари ҳужайра мембраннынинг ҳосил бўлишида иштирок этадилар. Улар етишмаганди ҳайвонларнинг етилиш тезлиги сусаяди, уларнинг репродуктив хусусияти тўхтайди, организмнинг инфекцияга бўлган қаршилиги пасаяди.

Қишлоқ хўжалик ҳайвонлари учун алмашмайдиган ёғ кислоталарининг асосий манбаи бўлиб ўсимлик маҳсулотлари хизмат қиласидилар. Аммо ўсимликлардан тайёрланган озуқалар таркибида ёғларнинг микдори жуда ҳам кам бўлади, бўлганда ҳам уларни ёғ кислота таркиби номувофиқ бўлиб, озуканинг озуқабоплик баҳосини тушуради. Озуқадаги мана шу камчиликларни бартараф қилиш учун алмашмайдиган ёғ кислоталари синтез қилувчи янги манбалар ахтариб топиш, уларнинг асосида ёғ кислоталари концентратларини тайёрлаш ва ишлатиш биотехнологиянинг асосий вазифаларига киради.

Тажрибалар шуни кўрсатадики, бундай манбалар вазифасини ачитқи ва микроскопик замбуруғлар бажара олар экан. Бундай микроорганизмлар одатда ҳужайра ичиди липид сақласаларда, уларнинг орасида синтез бўлган липид моддаларини ҳужайра атрофига- озиқа муҳитига секреция қилганлари ҳам учраб туради.

Микроорганизмлар баъзи-бир штаммларининг ҳужайларидиа липидлар микдори 25% дан 70% гача (куруқ масса ҳисобидан) боради. Уларнинг 40-90% триацилглицеридлар (ёѓлар) бўлса, 5-50% эса фосфолипидлар ташкил этади. Бундан ташқари липидлар таркибида асосан эргостериндан иборат стероид моддалар (1,0-1,5% куруқ массадан), ҳам сақланади, улар эса ҳайвон организмида D<sub>2</sub> витаминига айланадилар.

Ачитқи ва мицелиал замбуруғларнинг липид компонентларини ёғ кислота таркиби асосан мувофиқ бўлиб, улардан кўпроғини олеин кислотаси (олий ёғ кислоталарнинг 20-50%), линол (50% гача), линолен (17-19%) кислоталари ҳамда ҳайвон организмида қийин сўриладиган

кислоталар (оксикислоталар, тоқ сонли углерод атоми сақлайдиган кислоталар ёки тарқалган занжирли кислоталар) ташкил этади (7.2.1-жадвал).

7.2.1-жадвал.

### **Баъзи бир ўсимлик ёғлари ва микроорганизмлар липидларининг ёғ кислота таркиби (йигиндисидан % ҳисобида)**

Ёғ манбаи	Кислоталар						
	Мири-стин	Пальми-тин	Пальмито-олеин	Стеарин	Олеин	Линол	Линолен
Олива ёғи	-	10	-	1,0	82	7,0	-
Соя ёғи	0,5	11	-	4,5	22	53	8,0
Кунгабоқар ёғи	0,5	6,5	-	3,5	23	65	0,5
Зифир ёғи	-	7,0	-	14	18	14	47
<i>Candida Sake</i>	-	2-11	0,3-4	1-4	21-92	4-23	1-17
<i>Candida Scotti</i>	-	0,1-10	0,1-1	1-4	31-49	20-39	0,1-5
<i>Candida lipolitica</i>	-	11-16	6-15	1-6	24-35	31-51	0,1-5
<i>Rhodotorula glutinus</i>	-	10-22	1-4	3-90	25-48	21-49	3-17
<i>Lipomyces lipoterus</i>	-	13-23	1-2	2-3	25-35	39-51	2-3
<i>Blakeslea trispora</i>	0,1-1	16-25	0,1-1	4-13	36-43	11-19	11-12
<i>Rhizopus cohnii</i>	0,1-2	15-33	0,1-3	5-13	34-46	15-22	3-19
<i>Trichoderma harzianum</i>	0,2-7	8-30	0,1-1	3-7	18-37	29-52	0,1-4

Ачитқи замбуруғларининг *Rhodotorula*, *Lipomyces*, *Cryptococcus* авлодига мансуб штаммлари қўпроқ микдорда (қуруқ массадан 50-60%) липид сақлайдилар. *Candida* авлодига мансуб микроорганизмлар озроқ (20-40 %) липид сақласаларда, тез ўсиб ривожланишлари билан ажралиб турадилар. Микроскопик замбуруғлар 40-50% гача олий навли липид синтез қилишлари мумкин. Бу липидларнинг ёғ кислота таркиби ўсимлик ёғиникига ўхшаб кетади.

Микроорганизмлар ўта фаол гидролитик ферментлар синтез қилганликлари учун, улар углерод манбаи сифатида хилма-хил субстратлардан ўсимлик чиқиндиларини гидролизатлари, спирт саноатини чиқиндиси бўлган барда, сут зардоби, меласса, ғаллани қайта ишлаш муассасаларининг чиқиндилари, нефт углеводородлари, паст молекуляр спиртлар (метанол, этанол) ва ҳ.к. фойдалана оладилар. Азот манбаи

сифатида эса озуқа муҳити таркибига ачитқи ёки маккажүхори экстракти, аммоний тузлари, мочевинадан фойдаланадилар ҳамда азот ва углерод муносабатларини ўзлари назорат қила оладилар, чунки озуқа таркибида азот миқдори кўпайиб кетса, микроорганизм ҳужайраларида липидлар синтези сусаяди ( $C:N = 320-400$ ).


Азот ва углерод мамбаларидан ташқари озуқа муҳити таркибига P, K, Mg, Zn, Fe, Mn, В гурухи витаминлари, токоферол ва бошқалар қўшиладилар. Микроорганизмларни озуқа муҳитида ўстириш жараёнида дастлаб уларнинг жадал ўсиб ривожланиши кузатилади ва нисбатан кўп бўлмаган миқдорда липидлар синтез бўлади. Липидларнинг синтези микроорганизмлар ўсишининг стационар фазасида кузатилади. Озуқа липиди продуцентлари ўстирилганда паст ҳароратда липидлар синтези пасаяди. Липидлар таркибида эса тўйинмаган ёғ кислоталар миқдори камайиб кетади. Ферментация жараёнида яхшироқ аэрация бериш тавсия этилади, чунки углеродли субстратларнинг оксидланиши учун кўпроқ кислород керак бўлади.

Шунингдек, кислородли тўйинмаган ёғ кислоталари синтези учун ҳам зарур, шунинг учун ҳам аэрациянинг жадал туриши алмашмайдиган ёғ кислоталарининг ситеzinи кучайтиради.

Саноат шароитида липид тайёрлашнинг технологик чизмаси 7.4-расмда акс эттирилган. Ферментация тугаганидан кейин, микроб массаси қолган субстратлардан ажратилади ва озуқа ачитқиси тайёрлаш технологиясига ўхшаган шароитда қуритилади. Маҳсулотнинг физикавий хусусиятларини яхшилаш учун унга кепак ёки маккажүхори уни қўшиб аралаштирилади.

Озуқа липиди ишлаб чиқариш билан бир қаторда, микроорганизмларни ферментация қилиш асосида микроб препаратларининг комплексини тайёрлаш технологияси ҳам яратилган. Бу технологияга асосан бир вақтнинг ўзида оқсил, липид, каротиноидлар ва бошқа озуқа моддаларига бой бўлган маҳсулот тайёрланади ва ҳайвонларнинг асосий озуқасига қўшимча сифатида ишлатилади. Масалан, паррандаларнинг озуқа рационига *Lipomyces lipoterus* номли ачитқи замбуруғидан олинган, таркибида 18-20% оқсил ва 27-29% липид сақлаган маҳсулотни ҳамда *Blakeslea trispora* замбуруғи биомассасини

(таркибида 30% оқсил ва 28% липид сақлаган) қўшиб ишлатилганда жуда катта самара олинган.



#### 7.4-чизма. Липид олиш технологиясининг чизмаси

Шуни ҳам айтиб ўтиш керакки, микроорганизмлар липидлари нафақат ҳайвон озукаси сифатида балки ўсимлик ёғларини алмаштирувчи сифатида техник эҳтиёжлар учун (лак-бўёқ, кимё саноати, микробиология саноатида) ҳам ишлатилиши мумкин. Чунки дунёда ишлаб чиқариладиган ўсимлик ёғини қарайиб 20% техник эҳтиёжлар учун сарф бўлади.

### 7.3. ФЕРМЕНТЛИ ОЗУҚА ПРЕПАРАТЛАРИ

Замонавий биотехнологиянинг йўналишларидан бири-микроорганизмларни ўстириш асосида фермент препаратлари ишлаб чиқаришдир. Чунки улар қишлоқ хўжалигида ҳайвонларга озуқалар тайёрлашда озуқаларга қўшимчалар сифатида ва ҳайвонларни баъзи-бир хасталиклардан даволашда ҳам ишлатилиши мумкин (ошқозон-ичак ва паразитар касалликларнинг олдини олиш ва даволаш мақсадида ферментлардан фойдаланилади).

Қишлоқ хўжалик ҳайвонлари озуқасининг асоси ўсимлик маҳсулотлари (дон, силос, ҳашак, сомон ва ҳ.к) жуда кўп миқдорда қийин ҳазм бўладиган моддалар – клечатка, лигнин, гемицеллюлоза саклайдилар. Ҳатто кавш қайтарувчилар ҳам уларни ошқозон олди қисмида фаол цепллюлоза парчалайдиган микроорганизмлар тўпланган бўлишига қарамасдан, клечатка 40-65% парчаланади холос. Ўсимлик оқсиллари ҳам тўлигича парчаланмайди (60-80%), липидлар (60-70%), крахмал ва полифруктозидлар (70-80%), пектин моддалар ҳам кам миқдорда парчаланадилар, холос.

Ўсимликлардан тайёрланган озуқани организмда сўрилишини ва ишлатиш самарадорлигини ошириш мақсадида, қишлоқ хўжалик ҳайвонлари озуқа рационларига 0,1-1,5% ҳисобидан микроорганизмлардан олинган гидролитик ферментлар препаратлари аралаштириб ишлатилади. Микроб фермент препаратлари одатда бактериялардан ёки микроскопик замбуруғлардан олинади. Бактерияларнинг баъзи бир турлари (масалан, *Bac.subtilis*) гидролитик ферментларни озуқа муҳитига чиқарадилар (секреция), шунинг учун ҳам уларнинг ферментларини культурал суюқликни қуюлтириш ва маҳсус ускуналарда қуритиш орқали тайёрланади. Агар фермент манбаи бўлиб микроскопик замбуруғлар (*Aspergillus*, *Trichoderma*, *Fusarium*) бўлса, улар қуруқ озуқа муҳитида юзаки экилиб, фермент препаратлари ўсиб чиқсан микроорганизмни йиғиб олиб қуритиш орқали тайёрланади. Тозаланган ферментлар эса микроорганизмлар ҳужайраларидан экстракция қилиб олиш ва этанол ёки бошқа органик эритувчилар (изопропанол, ацетон ва ҳ.к.) ёрдамида чўктириб, қуритиш орқали тайёрланади.

Йирик шохли ҳайвонларнинг озуқа рационида қўпроқ клетчатка, пентозанлар, пектин моддаларига бой бўлган маҳсулотлар ишлатилади. Улар молларнинг халқумидаги микроорганизмлар ёрдамида секин парчаланадилар ва бошқа озуқа моддаларининг организмга сўрилишини пасайтирадилар. Бу моддаларнинг сўрилиши озуқа рационига тегишли фермент препаратларини қўшиб ишлатилганда тезлашади.

Бундай ҳолларда нафақат ҳайвонларнинг умумий маҳсулдорлиги ошади, шунинг билан бирга ҳайвон маҳсулотларининг битта бирлиги учун сарф бўладиган озуқа миқдори ҳам 8-10% га камаяди.

Фермент препаратларидан фойдаланиш айниқса қишлоқ-хўжалик ҳайвонларининг болаларини озиқлантиришда ишлатилганда катта самара беради. Маълумки, бузоқларда халқум 2-3 ойликда пайдо бўлади, шунинг учун ҳам ёшроқ бузоқлар қаттиқ озуқа маҳсулотларини (сомон, тикан, ўтлар) ҳазм қилишга қийналадилар. Шунинг учун ҳам сут ўсимлик озуқаси билан алмаштирилганда бузоқларнинг рационига пектофоетидин P10x ёки Г3х (пектин парчалайдиган фермент), амилосубтилин Г3х (крахмал парчаловчи ферменти), протосубтилин Г3х (оқсил парчаловчи фермент) қўшиб ишлатилганда бузоқлар соғлом ўсиб тез етилади.

Чўчқа болаларида (сут эмадиганларида), ошқозон-ичак йўлларининг фермент тизими, улар 3-4 ойлик бўлгандагина меъёрида ишлай бошлайди, шунинг учун ҳам ёш чўчқа болалари рационига фермент препаратлари аралаштириб ишлатиш тавсия этилади. Қўпроқ протезим Г3х препарати ишлатилади. Қўзиларнинг озиқланиши яхши бўлиши учун уларнинг озуқа рационига глюкаваморин Px ва амиллоризин Px қўшиб ишлатиш тавсия этилган ва бунда қўзиларининг оғирлиги 11-15% га ошганлиги кузатилган.

Паррандаларнинг озиқлантирувчи безлари, клетчатка ва пектин моддаларини парчаловчи ферментлар ишлаб чиқармайдилар, уларнинг ичагидаги микрофлора эса унчалик кўп эмас, шунинг учун ҳам уларнинг озуқа рационига пектин, оқсил, целялюлоза – клетчаткаларни парчалайдиган ферментларни қўшиб ишлатиш тавсия этилган. Фермент ишлатилган товук фермаларида тухум кўйиш 5% га, бройлерларнинг семириши 7-15% га ошганлиги ва маҳсулот бирлигини ҳисобга олганда озуқа миқдори 4-7% га камайганлиги кузатилган.

Фермент препаратлари балиқ боқишига ҳам қўл келади. Балиқларнинг озуқа рационига протосубтиллин ГЗх, амилосубтиллин ГЗх, пектаваморин Пх препаратларидан 0,1-0,15% миқдорда қўшиб ишлатилганда оқсил моддаларнинг ва озуқа таркибидаги бошқа биополимерларнинг сўрилиши яхшиланади. Шунингдек, фермент препаратлари озуқа ишлаб-чиқаришда, кўпроқ маккажўхори, сомон, ёнтоқ ва бошқа ўсимликлардан силос тайёрлашда ҳам кенг ишлатилади. Ферментлар қўшилиб тайёрланган силоснинг озуқа бирлиги 15-18% ошганлиги кузатилган.

Сомон таркибида катта миқдорда қийин сўриладиган моддалар (целлюлоза, ксилан, лигнин) ва жуда ҳам кам миқдорда оқсил бўлади. Сомонда сут ачитувчи бактерияларнинг ривожланиши учун зарур бўлган эрувчан углеводлар деярли йўқ. Шунинг учун ҳам сомондан силос тайёрлашда целловиридин ГЗх, цеплолигнорин Пх, цеплокандин ГЗх, пектаваморин Пх ишлатиш тавсия этилади. Бу ферментларни таъсирида силосланадиган массада углеводларнинг миқдори кўпаяди, уларни истеъмол қилиб, ривожланган микроорганизмлар ҳисобидан оқсил миқдори 50% гача ортади.

Сомон концентратлари тайёрлаш учун Россияда икки хил фермент препаратлари: пектофоетидин ГЗх ва глюкаваморин Пх нинг аралашмаларидан фойдаланилади. Бу ферментлар полисахаридларнинг парчаланишини таъминлаб берадилар. Кейин парчаланган маҳсулотда ачитқи замбуруғлари ўстирилади. Ачитқи замбуруғларининг яхши ўсиб, ривожланишини таъминлаш учун концентратга меласса, мочевина, кальций монофосфат, ош тузи ҳамда керакли миқдорда сув қуйилади. Мана шундай усулда тайёрланган озуқа силосга ўхшасада, озуқа баҳоси бўйича яхши бедадан кам бўлмайди.

Сомон концентратлари гранула ҳолида олиниши мумкин ва озуқа хусусиятини бир йил мобайнида бузилмасдан сақлаб тура олади. Бундай озуқадаги клетчатканинг сўрилиши 75-80% ошиб, ундаги оқсил миқдори қуруқ массага нисбатан 10-12% ни ташкил этади.

Фермент препаратлари бузоқлар учун табиий сутнинг ўрнини босадиган маҳсулот тайёрлашда ҳам ишлатилади. Бунинг учун озуқа ачитқиси ферментатив гидролиз қилинади, бунда ачитқининг ҳужайра қобиғи ёрилиб, микроб биомассаси осон сўриладиган шаклга ўтади, эрувчан углеводларнинг, алмашинмайдиган аминокислоталар ва ёғ

кислоталарининг миқдори ошади. Бу технологияда пектофоетидин Г3х, дрожжелитин Г3х, лизосубтилин Г10х лардан фойдаланилади.

Микроб ферментлари ветеринарияда, қишлоқ хўжалик ҳайвонлари ва паррандаларнинг баъзи бир касалликларини даволаш ва диагностика қилиш учун ҳам ишлатилади. Масалан, ҳужайра қобигини буза оладиган ва лизис қилиш имкониятларига эга бўлган фермент препаратлари ҳайвонларнинг бактериал ва бошқа касалликларини, паррандаларда (салмонелёз ва популлоро, қорамолларда эндометритлар ва х.к.) даволашда ишлатилади. Бу мақсад учун саноатда ишлаб чиқариладиган ферментлар: лизоцим Г3х, гликозидаза Г3х, лизосубтилин Г10х, мальтаваморин Г10х, дрожжелитин Г3х лар ишлатилади.

Амилосубтилин Г3х ва просубтилин Г3х ҳайвонларнинг ошқозон – ичак йўлидаги бактерияларнинг редукцион хусусиятларига, инфузорияларнинг сонига ва уларнинг ҳаракатланишига, целлюлоза ва бошқа қийин парчаланадиган углеводларнинг сўрилишига таъсир кўрсатишини эътиборга олиб, уларни ҳайвонларнинг ошқозон – ичак касалликларининг даволаш ва бу касалликларни олдини олиш учун ишлатилади. Бу фермент препаратлари, шунингдек, гельминтлар уруғининг қобигини парчалаш хусусиятига ҳам эгадирлар. 7.3.1-жадвалда Россия Федерациясида ишлаб чиқариладиган ва қишлоқ хўжалигида кенг қўлланиладиган ферментларнинг энг муҳимлари ва уларни ишлатиш соҳалари акс эттирилган.

Микроб фермент препаратларини ишлаб чиқаришдан ташқари ошқозон – ичак йўлидаги симбиозда яшовчи тирик микроорганизмлар асосида биопрепаратлар тайёрлаш технологияси ҳам яратилган. Бу микроорганизмлар ўзларидан ҳар хил витаминлар, алмашинмайдиган аминокислоталар, антибиотиклар, гормонал хусусиятга эга бўлган моддалар синтез қилиб чиқарадилар ва шу орқали овқат ҳазм қилиш, ҳайвонлар ҳужайраларида синтез бўла олмайдиган моддалар синтези жараёнларига ижобий таъсир кўрсатиб, ҳайвонларни юқумли микроблардан ҳимоя қиласилар. Чорвачиликда кенг ишлатиладиган мана шундай препаратлардан пропиовит (пропион ачитувчи бактериялар) ва пропиацид (ацидофил бактериялар) ҳамда азотцид (азотобактериялар) ларни мисол қилиб кўрсатиш мумкин.

## Кишлоқ хўжалигида ишлатиладиган энг муҳим фермент препаратлари

Номи	Ишлатилиш соҳаси
Амилосубтилин Г3х	Кишлоқ хўжалик ҳайвонлари ва паррандалар озуқа рационига қўшимча, ферментатив гидролизатлар тайёрлаш; ошқозон ва паразитар касалликларининг олдини олиш ва даволаш
Протосубтилин Г3х	Кишлоқ хўжалик ҳайвонлари, паррандалар, балиқлар рационига қўшимча; ферментатив гидролизатлар тайёрлаш; ошқозон ва паразитар касалликларининг олдини олиш ва даволаш
Глюковаморин Пх	Бузоқлар, қўзилар, чўчқа болалари озуқасига қўшимча, картошка, дуккакли ўсимликлар, сомон ва бошқа ўсимликларни силослаш
Глюковаморин П10х	Йирик шохли ҳайвонлар ва чўчқа болаларининг озуқа рационига қўшимча
Пектофоетидин Г3х	Кишлоқ хўжалик ҳайвонлари ва паррандаларнинг озиқа рационига қўшимча, ўсимликлардан силос тайёрлаш.
Пектофоетидин П10х	Ачитқи замбуруғларини гидролизлаш
Амилоризин П3х	Бузоқлар ва чўчқа болаларининг озуқа рационига қўшимча; картошкадан силос тайёрлаш
Дрожжелитин Г3х	Фермент гидролизати тайёрлаш
Целловиридин Г3х	Йирик шохли ҳайвонлар ва паррандалар озуқа рационига қўшимча; ўсимлик чиқиндилари гидролизи, ўсимликлардан силос тайёрлаш
Гликозидаза Г3х	Кишлоқ хўжалик ҳайвонлари ва паррандалар озуқа рационига қўшимча; фермент гидролизатлари тайёрлаш
Лизосубтилин Г10х	Фермент гидролизатлари тайёрлаш; йирик шохли ҳайвонларнинг паразитар касалликларини олдини олиш ва даволаш
Протезим Г3х	Чўчқалар ва паррандалар рационига қўшимча
Лизоцеллюлозин Г10х	Ачитқи замбуруғлари биомассини ва ўсимлик маҳсулотларини гидролиз қилиш; паррандалар озуқа рационига қўшимча
Лизогризein Г10х	Ачитқи замбуруғлари ва ўсимлик чиқиндиларини гидролиз қилиш
Мальтаваморин Г10х	Ўсимлик чиқиндиларини гидролиз қилиш
Целлолигнорин Пх	Ўсимлик чиқиндиларини гидролиз қилиш; сомон ва дуккакли ўсимликлар ўтларидан силос тайёрлаш
Целлокандин Г3х	Ўсимлик чиқиндиларини гидролиз қилиш; сомон ва дуккакли ўсимликларни
Лизоцим Г3х	Кишлоқ хўжалик ҳайвонлари ва паррандалар озуқа рационига қўшимча; паразитар касалликларининг олдини олиш ва даволаш

**Изоҳ:** П-юзаки, қуруқ озуқа муҳитида экилиб, олинган ферментлар (П-юза қисмда); Г-суюқ озуқа муҳитида, ферментёрларда экиб олинган ферментлар. З ёки 10-ракамлари ферментларнинг тозалик коэффициенти (3-қуруқ фермент препарати; 10-тозаланган фермент препарати) лари.

**Пропиовит** - қумранг куқун, 1г препарат 4-6 млрд. бактерия ва 80-100 мкг В<sub>12</sub> витамини сақлайди. Бузоқларда, чўчқа болалари ва жўжаларда ошқозон – ичак касалликларини даволашда ишлатилади. Пропиовитдан фойдаланганда ҳайвонларнинг ривожланиши меъёрига тушиб, уларнинг юкумли касалликларга чидамлилиги ошади.

**Пропицид ва азотоцид** – ҳайвонларнинг ошқозон – ичак йўлида керакли биоценоз ҳосил бўлишига хизмат қиласи, айниқса дисбактериоз касалликларига қарши самарали биопрепаратлардир.

Бактериялар чақирадиган ошқозон–ичак касалликларига қарши ишлатиладиган бактериал препаратлар қуидагилар асосида тайёрланади: *Bac.subtilis*, *licheniformis*, *mucilaginosis*. Бу турга мансуб бактериялар ферментлар, витаминлар, антибиотиклар ва гормонлар синтез қилиш имкониятига эгадирлар.

**Биотехнология соҳасида фаолият қўрсатадиган олимлар ва мутахассислар олдилариға қўйилган муҳим вазифалардан бири – ҳайвонлар ошқозон – ичак йўлининг экотизимида яшай оладиган, целялюзда ва бошқа ўсимлик полимерларини парчалай оладиган, алмашинмайдиган аминокислоталар ва витаминларни юқори дараҷада синтез қила оладиган микроорганизмларнинг ҳосилдор штаммларини яратиш ва уларни чорвачилик амалиётига тадбиқ этишидир.**

Шунингдек, ковуш қайтарадиган ҳайвонларнинг халқумидаги микрофлорани чуқурроқ ўрганиш (халқумда–озуқа 70-80% гача парчаланади) бу микрофлорани ҳайвон организмига фойда келтирадиган йўналишда кенгайтириш, уларнинг фаоллигини бир меъёрда ушлаб туриш жараёнларини бошқаришдан иборатdir.

**Халқум** – бу анаэроб микроорганизмларни тўхтовсиз ўстиришнинг табиий ва юқори фаолликга эга бўлган тизимиdir. Халқумда бактериялардан – *Ruminococcus*, *Bacteroides*, *Butyrivibrio*, *Clostridium*, *Eubacterium* ва бошқалар, шунингдек, энг содда ҳайвонлардан – *Diplodinium*, *Entodinium*, *Ophryoscolex*, *Jsotricha* ва бошқалар учрайдилар. Халқумнинг шилимшиқ қавати ўзининг ферментини ҳосил қилмайди, шунинг учун ҳам овқат ҳазм бўлиши тўлиғича микроорганизмлар ферментлари томонидан амалга оширилади.

Мана шу микроорганизмларнинг ҳаёт фаолияти туфайли, ковуш қайтарувчи ҳайвонларнинг озуқасида бўлган деярли барча биополимерлар (мураккаб углеводлар крахмал, пектин моддалари, гемицеллюзалар, клетчатка, дисахаридлар), оқсил ва липидлар парчаланадилар, моносахаридлар эса (глюкоза, фруктоза, манноза) бижғийдилар. Мураккаб моддаларнинг гидролизида пайдо бўлган моносахаридлар, аминокислоталар, ва ёғ кислоталар ҳайвонлар томонидан энергия манбаи сифатида ва биосинтез жараёнларида сарфланади. Микроорганизмларнинг ўзлари ҳам нобуд бўлганларидан кейин халқумда қайта ишланади ва ҳайвонлар учун сифатли оқсил, алмашинмайдиган аминокислоталар, тўйинмаган ёғ кислоталари, витаминалар манбаи бўлиб хизмат қиласидилар.

Микроорганизмларнинг ҳосилдор штаммларини ва ҳайвонларнинг ошқозон – ичак йўли экотизимини яратишда одатдаги селекция ҳамда замонавий ген мухандислиги ва хужайра биотехнологияси усулларидан мутагенез, клонлаш усулларидан кенг фойдаланилмоқда. Бу усуллардан фойдаланиш ҳайвонлар ошқозон–ичак йўли экотизимини мақсадга йўналтирилган ҳолатда ўзгартириш, озуқа моддаларнинг сўрилишини яхшилаш, фойдали моддалар синтезини кучайтириш, патоген микроорганизмларнинг ўсиб, кўпайишини олдини олиш имкониятларини яратади.

### **Назорат саволлари**

1. Озуқа-витаминли препаратлар ишлаб чиқариш ҳақида маълумот беринг?
2. Витамин В<sub>2</sub> - озуқа препаратлари – олиш жараёнлари қандай амалга ошади?
3. Витамин В<sub>12</sub> - озуқа препаратлари - олиш жараёнлари ҳақида маълумот беринг?
4. Озуқа липидлари ва уларнинг олиниши бўйича маълумот беринг?
5. Ферментли озуқа препаратларини олиш технологияси ҳақида маъулумот беринг?
6. Қишлоқ хўжалигида ишлатиладиган энг муҳим фермент препаратлари ҳақида тасаввурларингиз?
7. Витамин В<sub>2</sub> – ни олишда қандай продуцентдан фойдаланилади?
8. Витамин В<sub>12</sub> – продуцентларини биласизси?

9. Озуқа липидлари ишлаб чиқаришда қандай микроорганизмлардан фойдаланилади?
10. Ферментли озуқа препаратлари тайёрлашда қандай микроорганизмлардан фойдаланилади?

### **Таянч сүзлар**

Глюкоза, фруктоза, манноза, моносахаридлар, аминокислоталар, ёғ кислоталари: пальмитин, пальмитоолеин, стеарин, олеин, линол, линолен, пектофоетидин П10х, амилосубтилин Г3х, протосубтиillin Г3х, пропиовит, пропицид, азотоцид, Ruminococcus, Bacteroides, Butyrivibrio, Clostridium, Eubacterium, Diplodinium, Entodinium, Ophryoscolex, Jsotricha.

## VIII-БОБ. ОЗИҚ-ОВҚАТ САНОАТИДА БИОТЕХНОЛОГИЯНИНГ ИШЛАТИЛИШ ЧЕГАРАЛАРИ

Микроорганизмлар ёрдамида олинадиган озуқа маҳсулотларининг доираси жуда кенг: қадим замонлардан бери ишлатилиб келинаётган, бижғиши жараёнининг маҳсули бўлган нон, қатиқ, вино ва пиводан бошлаб, то озиқ-овқат саноатининг энг янги маҳсулоти – замбуруғ оқсили микопротеинларгача.

Бу соҳада микроорганизмларнинг роли хилма-хил: улар синтез қиласидан ферментлар ёки бошқа метаболитлардан фойдаланиш; микроорганизмлар ёрдамида озуқа маҳсулотларини бижғитиш; ҳаттоқи, баъзи бир микроорганизмларни истеъмол учун ўстириш. Озиқ-овқат саноатида биотехнологик жараёнларни амалга ошириш учун микроорганизмларнинг тозаланган штаммлари қатори, маҳсулотнинг ўзида бўлган ёввойи турлари маълум шароитга тушганларида (озуқа муҳити, ўсиб кўпайиш шароитлари ва ҳ.к.) тез ўсиб кўпаядилар. Бу усулдан айниқса, қадимдан маълум бўлган анъанавий биотехнологик жараёнларни амалга ошириш учун кенг фойдаланилади. Саноат шароитида маҳсулот ишлаб чиқаришда бу жараёнлар қаттиқ назорат остида олиб борилади.

Яқинларгача биотехнология, озиқ-овқат саноатида яратилган жараёнларни яхшилаш, маҳсулот сифатини кўтариш мақсадида микроорганизмлардан оқилона фойдаланиш учунгина ишлатилиб келинган. Аммо, келажак генетик усуллардан фойдаланиб, мақсадга тўла жавоб бера оладиган микроорганизмларнинг маҳсус штаммларини яратиш билан боғлик.

*Бижғиши жараёнининг янги усуллари ва технологияларини ҳаётга тадбиқ этиши, витаминлар, аминокислоталар, тўйинмаган ёғ кислоталари, простогландинлар ва инсон саломатлиги йўлида хизмат қила оладиган бошқа бирикмаларни ҳам синтез қила оладиган микроорганизмларнинг трансген шаклларини яратиш замонавий биотехнологияниң асосий вазифаларидан ҳисобланади.*

Мана шу йўл орқали ишлаб чиқаришдаги маҳсулотларнинг сифатини яхшилаш, уларнинг чиқимини камайтириш, янги ва хилма-хил ишлаб чиқариш соҳаларининг яратилишига ҳам эришилди.

Россиялик олимлар профессор Н.С.Егоров., А.В.Олескин ва В.Д.Самуиловларнинг фикрича озиқ-овқат саноатида ишлатиладиган биотехнологик маҳсулотлар қуидагилардан иборат (8-1-жадвал):

8.1-жадвал.

### **Биотехнологик маҳсулотларнинг озиқ-овқат саноатида ишлатилиш истиқболлари**

<b>Маҳсулот</b>	<b>Ишлатилиш соҳалари</b>
<b>Аминокислоталар</b>	
Цистеин, метионин, лизин	Оқсилларнинг, жумладан бир ҳужайрали микроорганизмлардан олинадиган оқсилларнинг озуқа бирлигини ошириш
Глутамат	Гўшт, балиқ ва бошқа маҳсулотларнинг хушбўйлигини ошириш
Глицин, аспартат	Қандолатчилик маҳсулотлари ва ичимликларга нордон-ширин таъм бериш
<b>Олигопептидлар</b>	
Аспартам, тауматин, мовеллин	Паст колпорияли ўта ширина моддалар тайёрлаш
<b>Ферментлар</b>	
Амилаза	Спирт, вино, нон, пиво, қандолат маҳсулотлари ва болалар озуқалари тайёрлаш
Глюкоамилаза	Глюкоза ишлаб чиқариш, пиво таркибидағи декстринларни йўқотиши
Инвертаза	Қандолат маҳсулотлари тайёрлаш
Инуллиназа	Крахмалдан малтоза-фруктоза ёки глюконлик (глюкоамилаза билан) шарбатларни тайёрлаш
β-галактозидаза	Сут зардобини лактозадан тозалаш, музқаймоқ тайёрлаш ва ҳ.к.
<b>Ферментлар</b>	
Целлюлаза	Эрувчан кофе, сабзи шарбати тайёрлаш, замбуруғларнинг, меваларнинг сифатини яхшилаш, цитрус ўсимликларнинг меваларига ишлов бериш
Микроб протеазаси	Пишлок пишириш, хамирни етилтириш, гўштнинг сифатини ошириш
Пепсин, папаин	Пиво ва винони тиндириш
Фицин, трипсин, брамелайн	Гўштни суяклардан ажратиш, балиқ гўштини юмшатиш
Липазалар	Пишлок, шоколад, сут маҳсулотларига хушбўй ҳид бериш, тухум оқсили кўпиртирилганда, унинг сифатини яхшилаш
Глюкооксидаза, каталаза	Қуритилган сут, кофе, пиво, майонезлар ва мева шарбатларидан кислородни ҳайдаш, уларнинг сифатини яхшилаш ва сақлаш муддатини узайтириш
<b>Витаминалар</b>	
A <sub>1</sub> , B <sub>1</sub> , B <sub>2</sub> , B <sub>6</sub> , B <sub>12</sub> , C, D, E, PP	Маҳсулотнинг озуқа бирлигини ошириш

C, E	Антиоксидантлар
<b>Терпенлар ва унга ўхшаш бирикмалар</b>	
Гераннол, нерол	Хушбўй хид берувчилар
<b>Органик кислотлар</b>	
Сирка, бензой, сут, лимон ва олма кислоталари	Хушбўй хид берувчилар ва консервантлар
<b>Полисахаридлар</b>	
Ксантанлар	Шинни ва шарбатларни мўътадиллаштирувчи моддалар

Мутахассисларнинг фикрларига кўра, озиқ-овқат саноатида ишлатиладиган маҳсулотларнинг 75% дан кўпроғи биотехнология асосида ишлаб чиқариладиган бўлсада, унинг таъсири 25-30 йил муқаддам эришилган даражадан кўтарилигани йўқ. „Бунга сабаб нима?“ - деган ҳақли савол туғилади.

**Биринчидан** – ҳозиргача озиқ-овқат маҳсулотларини ишлаб чиқариши оғир, қўл кучини кўп талаб қилувчи, технологик даражаси паст бўлган соҳалигича қолиб келмоқда. Кўпчилик ишлаб чиқариши жараёнлари, кулинария усуллари нусхаларини кўпайтиришдан бошқа нарса эмас. Бу соҳанинг асосларини ўрганувчи фаннинг ривожи мақсадга жавоб берадиган ҳолатда эмас, шу сабабли жараёнларнинг моҳияти охиригача ўрганилмаган.

**Иккинчидан** – озиқ-овқат маҳсулотларини катта миқдорда ишлаб чиқаришида биотехнологиядан фойдаланиши иқтисодий кам самара берадиган соҳа. Шунинг учун ҳам, ишлаб чиқаришини кенгайтириши, маҳсулотлар хавфсизлигини аниқлаши усуллари ва бошқа биотехнологик жараёнларни ва маҳсулотларнинг рақобатбардошлигини оширишига маблағ ажратишга имкон бера олмайди.

**Учинчидан** – озиқ-овқат маҳсулотларини ишлаб чиқаришини модернизация қилиши (замонавийлаштириши) йўлидаги бош низом иккинчи даражали биологик фаол моддалар чакирадиган кераксиз ўзгаришиларни камайтириши ёки бутунлай йўқотиши билан боғлиқ.

Бугунги кунда бундай жараёнларни ёритиш учун **“салбий биотехнология”** деган термин ишлатилади.

Мутахассисларнинг фикрларига қўра, яқин келажакда озиқ-овқат маҳсулотлари ишлаб чиқаришнинг янги технологияларининг яратилишида, албатта заарсизлигини аниқлаш масалалари қўшилади.

Бундан ташқари, маҳсулотнинг ишончли манбаи бўлмоғи ва унинг нархи имкониятлар даражасида бўлмоғи лозим.

### **Назорат саволлари**

1. Кишлок хўжалик ҳайвонларининг озуқа рационини сифатли бўлиши учун нималарга эътибор бериш керак?
2. Ачитқилардан оқсил олишнинг қандай технологияларини биласиз?
3. Бактериялардан оқсил концентратлари тайёрлашнинг қандай ўзига хос томонлари бор?
4. Озуқа оқсилини мицеллиал замбуруғлардан ва сув ўтларидан олиш технологияларини тушунтириб беринг.
5. Ўсимликларнинг вегетация массаларидан оқсил олишнинг қандай технологиялари бор?
6. Бактериялар, микроскопик ва ачитқи замбуруғлар ҳамда ўсимликлардан олинган оқсил концентратларининг хусусиятлари ва улардан фойдаланишининг ўзига хослиги нималардан иборат?
7. Алмашинмайдиган аминокислоталар ва витаминаларни микробиологик йўл билан ишлаб-чиқаришнинг кимёвий синтездан қандай устунлик томонлари бор?
8. Лизин ва триптофан тайёрлаш технологиясини ёритиб беринг.
9. В<sub>2</sub> ва В<sub>12</sub> витаминаларига бой бўлган озуқа препаратлари олишда қандай биотехнологик принциплардан фойдаланилади?
10. Озуқа маҳсулотларини сифатли липидлар билан бойитиш учун нималар қилиш керак?

### **Таянч сўзлар**

Цистеин, метионин, лизин, глутамат, глицин, аспартат, аспартам, тауматин, мовеллин, амилаза, глюкоамилаза, инвертаза, инулликаза, β-галактозидаза, целлюлаз, пепсин, папаин, фицин, трипсин, брамелаин, липаза, глюкооксидаза, каталаза, гераннол ва нерол (терпенлар), ксантанлар, сирка, сут, лимон ва олма кислоталари, А<sub>1</sub>, В<sub>1</sub>, В<sub>2</sub>, В<sub>6</sub>, В<sub>12</sub>, С, Д, Е ва РР - витаминалари.

## ГОЛОССАРИЙ

**Автолиз** - хужайра биополимерларининг (оқсил, углевод, липидлар, нуклеин кислоталар, полисахаридлар) табиий парчаланишидир.

**Аминокислоталар продуктлари** - грамманфий спорасиз бактериялар бўлиб *Corynebacterium*, *Micrococcus*, *Arthrobacter*, *Brevibacterium* туркумларига мансубдир.

**Ширин таъм берувчи моддалар** - га моносахаридлар ва кичик молекулали олигосахаридлар, қрахмални парчалаш орқали олинган моддалар ва уларни қисман изомеризация қилиш орқали олинган маҳсулотлар (глюкоза ва фруктозанинг аралашмаси) ҳамда углевод бўлмаган типдаги бирикмалар киради.

**Сахарин** - шакар ўрнини босадиган, кимёвий синтез йўли билан олинадиган моддадир. Сахарин бир неча ўн йиллаб кондитер саноатида кенг ишлатиб келинган ва бугунги кунда янги, паст калорияли моддалар билан алмаштирилган. Шундай моддалардан бири метилланган дипептид – аспартамдир.

**Стевиозид** - шакар ўрнини босадиган моддалардан бири.

**Stevia rebaudiana** - шакар ўрнини босадиган моддалардан бири стевиозид синтез қиласидиган ўсимлик тури. Бу ўсимлик Қора денгиз қирғоқларида ҳам ўсиб юқори ҳосил беради. Бу ўсимликнинг барглари жуда ширин бўлиб, атиги 3-4 донаси 1 л сувни ширин қилиб юборади.

**Флавонол-7-глюкозид** - шакар ўрнини боса оладиган моддалардан биридир. Бу модда цитрус ўсимликларида сақланади. Бу бирикма унча мураккаб бўлмаган модификацияга учратилганда – шакардан ҳам ширин бўлган дигидроалконлар ҳосил бўлади.

**Тауматин** – оқсил табиатли бирикмадир. Саноатда тауматин *Thaumatomoccus danielli* ўсимлигининг мевасидан экстракция қилиш орқали ажратиб олинади. Бугунгача аниқ бўлган шакар ўрнини боса оладиган моддаларнинг энг ширини тауматин ҳисобланади.

***Thaumatomoccus danielli*** - оқсил табиатли тауматин бирикмасини синтез қиласидиган ўсимлик тури.

**Чой тайёрлашда ферментация даражалари** – уч категорияга бўлинади, булар 1- ферментланмаган чой, - бунда дубил моддаларнинг (катехинларнинг) оксидланиш даражаси 12% дан ошмайди; 2- кам

ферментацияланган чой – дубил моддаларнинг оксидланиш даражаси 12-30%; 3-ферментацияланган чой – дубил моддаларнинг оксидланиш даражаси 35-40%.

**Дистилляция** – этил спиртни концентрация қилиш ва унинг тоза фракциясини ажратишидир. Мана шу босқич кенг маънода алкоголли ичимликларнинг сифатини белгилаб беради.

**Лизиннинг продуцент микроорганизмлари** - ауксотроф бактерияларнинг *Brevibacterium*, *Micrococcus*, *Corynebacterium* каби гомосеринга муҳтоҷ мутант туркумлари ҳисобланади.

**Сирка кислотаси продуцентлари** – сифатида асосан бактерияларнинг икки хил тури *Bacterium Schtzenbachii* ва *Bacterium curvum* ҳисобланади.

**Оқсил коагуляти** - қуруқ масса ҳисобидан 15-22% оқсил сақлайди. Одатда бу маҳсулотдан қишина фаслида ҳайвонларни озиқлантириш учун фойдаланилади. Паст ҳароратда консерванлар қўшилганда бир ой давомида сақланиши мумкин. Ковуш қайтарувчи ҳайвонларга умумий рациондаги оқсил миқдоридан 50 % миқдорида бу маҳсулотдан бериш тавсия этилган.

**Ферментланган қўнғир рангли шарбат** - 7-12% қуруқ модда; 1-3% оқсил; 1,0-1,5% органик кислоталар ; 4-5% азот тутмаган тез эрувчан моддалар (одатда яхши сўриладиган углеводлар йиғиндиси); 1-2% кул моддалари; 40-50 мг% каротин сақлайди. Бу маҳсулот қишлоқ хўжалик ҳайвонларининг умумий озуқасига қўшиб берилади. Масалан, чўчқаларнинг ҳар бирига қунсига 1,5 л дан бериш тавсия этилган. Бундан ташқари бу шарбат асосида ачитқи замбуруғлари оқсили тайёрлаш ҳам мумкин.

**Жом** ҳам ҳайвонларни озиқлантириш мақсадида ишлатилиши мумкин. Уни таркибида 12-17% оқсил моддалари; 3-4% ёғ ва ёғсимон моддалар; 8-9% кул моддалари; 35 % клетчатка бор.

**Лизин продуценти** - ишлаб чиқаришда асосан *Corynebacterium* авлодига мансуб бактерияларнинг ауксотроф штаммлари қўлланилади.

**L-амино-ε-капролактам гидролаза продуценти** - *Cryptococcus*, *Candida*, *Trichsporon* авлодларига мансуб ачитқи замбуруғлари ҳисобланади.

**Рацемаза** - D-капролактамни L-изомерга айлантириб берувчи фермент бўлиб, унинг продуценти сифатида кўпроқ *Achromobacter*, *Flavobacterium* авлодларга мансуб бактериялар қўлланилади.

**B<sub>2</sub> витаминининг продуценти** - *Eremothecium ashbyii* ачитки замбуруғининг селекция усули асослида тайёрланган штаммлари хисобланади.

**Липид продуцентлари** - ачитки замбуруғларининг *Rhodotorula*, *Lipomyces*, *Cryptococcus* авлодига мансуб штаммлари кўпроқ микдорда (куруқ массадан 50-60%) липид сақлайдилар. *Candida* авлодига мансуб микроорганизмлар озрок (20-40 %) липид сақласаларда, тез ўсиб ривожланишлари билан ажралиб турадилар.

**Пропиовит** - қумранг кукун, 1г препарат 4-6 млрд. бактерия ва 80-100 мкг В<sub>12</sub> витамины сақлайди. Бузоқларда, чўчқа болалари ва жўжаларда ошқозон – ичак касалликларини даволашда ишлатилади. Пропиовитдан фойдаланганда ҳайвонларнинг ривожланиши меъёрига тушиб, уларнинг юқумли касалликларга чидамлилиги ошади.

**Пропицид ва азотоцид** – ҳайвонларнинг ошқозон – ичак йўлида керакли биоценоз ҳосил бўлишига хизмат қиласи, айниқса дисбактериоз касалликларига қарши самарали биопрепаратлардир.

**Целлюлоза** – табиатда энг кўп тарқалган биополимердир. У ҳар қандай ўсимлик материалларининг асосини ташкил этувчи компонент хисобланади. Ўсимлик биомассасида целлюлозанинг микдори ўртacha 50% ни, кўп йиллик ўсимликларда эса 60-70% ни ташкил қиласи. Целлюлоза бир бирлари билан  $\beta$ -(1→4)-глюкозид боғлари билан боғланган D-глюкозалардан ташкил топган.

**Гемицеллюлоза (ксилан)** - Ўсимлик субстратлари таркибида гемицеллюлозани микдори целлюлозадан кейинги ўринда туради. Ёғочли ўсимликларнинг қаттиқлиги целлюлоза, гемицеллюлоза ва лигнин бирлиги билан белгиланади. Нина баргли ўсимликлар 12% гача, барглилар эса 25% гача гемицеллюлоза сақлайдилар. Ўсимликларда гемицеллюлоза заҳира ва таянч вазифасини бажаради.

**Пектинлар** - полигалактуронидларни тўғри чизиқли занжири бўлиб бир бирлари билан  $\alpha$ -(1-4)-гликозид боғлари билан боғланган. D-галакtron кислотаси қолдиқларидан ташкил топган. Пектинларнинг карбоксил гурухларининг катта қисми метанол билан эфир боғи ҳосил

қилган. Пектин моддаларининг молекуляр массаси 20-200 kDa. Ҳар хил манбалардан ажратилган пектинлар молекуляр оғирликлари ва эфирланиш даражалари билан фарқланади.

**Лигнин**- қайта тикланадиган полимерлар орасида лигнин - ягона карбон сув бўлмаган полимер ҳисобланди. Микдор жиҳатидан ўсимликлар биополимерлари орасида лигнин, целлюлоза ва гемицеллюлозадан кейин учинчи ўринда туради. Ёғочли ўсимликларда лигниннинг микдори 15-30% га етади. Ўсимликда лигнин целлюлоза билан гемицеллюлозани боғлаб турувчи агент ролини ўйнайди ва ўсимликка қаттиқлик беради. Ўсимлик полимерлари орасида лигнин микроблар таъсирига жуда чидамлидир.

**Маннанлар** – маннозалардан ташкил топган полимерлардир.

**Инулин** – D-фруктоза қолдиқларидан ташкил топган полимер, озуқа бирлиги бўйича крахмалдан кам эмас, овқат билан бирга тез парчаланади.

**Агар** – икки компонентдан агароза ва агарпектиндан ташкил топган: 1-*агароза* – кетма-кет боғланган D-галактоза ва 3,6-ангидро-галактозадан ташкил топган полимердир; 2-*агаропектин* - мураккаброқ таркибга эга.

## АДАБИЁТЛАР

1. Артамонов В.И. Биотехнология агропромышленному комплексу. Москва. Наука. 1989, 165с.
2. Безбородов А.М. Биотехнология продуктов микробного синтеза. М., «Агропромиздат» 1991. 240 с.
3. Биотехнология: Учеб. пособие для вузов. В 8 кн. /Под ред. Н.С.Егорова., В.Д.Самуилова. Кн. 6: Микробиологическое производства биологически активных веществ и препаратов/ Быков В.А., Крылов И.А., Манаков М.Н. и др. - М.: Высш. шк., 1987. - 143 с.
4. Бакай С.М. Биотехнология обогащения кормов мициальным белком. Киев. Урожай 1987.
5. Быков В.А. и др. Микробиологическое производство биологически активных веществ и препаратов. – М. Высшая школа, 1987.
6. Бабаев А.А. – Биотехнология. М., Наука, 1984.
7. Беккер М.Е. Введение в биотехнологию. М., Пищевая промышленность, 1978. с.297.
8. Бич Г., Бест Д., Брайерли К и др. Биотехнология, Принципам приложения. М., Мир, 1988.
9. Варфоломеев С.Д., Калюжный С.В. Биотехнология. Кинетическая основы микробиологических процессов. М., Высшая школа, 1990.
10. Воробьева Л.И. Промышленная микробиология. М., Изд-во МГУ, 1989.
- 11.Гаврилова Н.Н. Липиды микроорганизмов для кормовых целей. М., ВНИИСЭНТИ, 1985.
12. Глележа А.А. и др. Микробные ферменты в народном хозяйстве – Вильнюс: Мокслас, 1985.
13. Грачева И.М., Гаврилова Н.Н., Иванова Л.А. Технология микробных белковых препаратов, аминокислот и жиров. - М.: Пищевая промышленность, 1980. 448 с.
14. Грачева И.М. Технология ферментных препаратов. М., 1975.
15. Давранов Қ. Микролар дунёси. Тошкент: ТошДАУ, 2001. 185 б.
16. Давранов Қ., Хўжамшукуров Н. Умумий ва техник микробиология. Тошкент, ТошДАУ, 2004. 279 б.
- 17.Еликов П.П. Основы биотехнологии. С.п.б. Иф. «Наука», 1995.
- 18.Калунянц К.А., Голгер Л.И. Микробные ферментные препараты. М., 1979.
- 19.Калунянц К.А., Голгер Л.И. Ферменты медицинского назначения /Под ред. А.А. Терлишна./ Л. 1975.
- 20.Кантере В.М. Теоретические основы технологии микробиологических производств. М., «Агропромиздат», 1990.
- 21.Красота В.Ф., Завертяев Б.П. и др. Биотехнология в животноводстве. М., Колос, 1994.
- 22.Кретович В.Л. Усвоение и метаболизм азота у растений. М.: Наука, 1987.
- 23.Лениндже А. Биохимия. Мир. 1974.
- 24.Перт С.Дж. Основы культивирования микроорганизмов и клеток / Пер. с англ. М., 1978.

- 25.Рубан Е.Л. Микробные липиды и липазы. М., 1977.
- 26.Самуиленко А.Я., Рубан Е.А. Основы технологии производства ветеринарных биологических препаратов. М., Россельхозакадемия, 2000.
- 27.Тутов И.К, Ситьков В.И. Основы биотехнологии ветеринарных препаратов – Ставрополь, 1997.
- 28.Тўрақулов Ё.Х. Биохимия. Тошкент. ”Ўзбекистон”, 1996. 478 б.
- 29.Шлегель Г. Микробиология. Мир, 1987.
- 30.Эллиот В., Эллиот Д. Биохимия и молекулярная биология. М.: НИИ Биомед.химии РАМН, 1974.
- 31.Browa T.A. Essential molecular biology. Oxford:IDL Press, 1991.
- 32.Capaldi R.A., Aggeler R., Turina P., Wilkens S. //Trends Biochem.Sci. v.19. p.284-289.
- 33.Price N., Stevens L. Fundamentals of enzimology. Oxford: Univ.press. 1996.
- 34.Vorabjeva L.I. Propionabacteria. Dordrecht etc.: Kluwer, 1999. p.300.
- 35.Holland, A. and A. Johnson, eds. 1998. Animal biotechnology and ethics. NY: Chapman and Hall. 1st edition.
- 36.Persidis, Aris. 1999. Agricultural Biotechnology. Nature Biotechnology. 17(6): 612-14.
- 37.Fox, J.L. 1999. EPA Biotechnology rule reviewed yet again. Nature Biotech. 17(5): 415.
- 38.Baker, Beth. 1999. A new advisory panel will help USDA tackle thorny issues raised by agricultural biotechnology. Bioscience. 49(6): 438.
- 39.Kerby, N.W. 1999. Intellectual property rights in agricultural biotechnology. Exper. Agric. 35(2): 240-1. Book Review.
- 40.Reynolds, R.W. 1999. Agricultural Biotechnology: opportunities and risks. USA Today. 128(2650):54.
- 41.Mitten, Donna H., Rob MacDonald, Dirk Klonus. 1999. Regulation of foods derived from genetically engineered crops [Review] Current Opinion in Biotechnology. 10:298-302.
- 42.Omenn, Gilbert S. 1999. Regulatory frameworks and decisions matter to the development of biotechnology and the approvals for biotechnology products [Editorial overview]. Current Opinion in Biotechnology. 10:287-288.

## ИНФОРМАЦИОН МАНБАЛАР

1. [www.ziyonet.uz](http://www.ziyonet.uz)
2. [www.ugatu.ac.ru/ddo/KSE/01/0122/ks012200.htm](http://www.ugatu.ac.ru/ddo/KSE/01/0122/ks012200.htm). Перспективы биотехнологии и проблемы биологической безопасности. Биоэтика.
3. [www.bio.su/vor.htm](http://www.bio.su/vor.htm). Воробьев А.А. Проблемы биологической безопасности на современном этапе.
4. [www.bio.su/ahsr.htm](http://www.bio.su/ahsr.htm). Ашмарин И.П. Приоритетные направления развития молекулярной биологии и генетики в обеспечении биологической безопасности.
5. <http://www.bio.su/sar.htm>. Сандахчиев Л.С., Мартынюк Р.А., Нетесов С.В. Исследовательские приоритеты и будущие программы исследований.
6. <http://www.bio.su/evr.htm>. Евстигнеев В.И. Проблемы обеспечения биологической безопасности России
7. <http://www.bio.su/schr.htm>. Щербаков Г.Я. Источники и основные угрозы для национальной биологической безопасности России.
8. <http://www.bio.su/ervr.htm>. Игнатьев О.Б. О роли конвенции о запрещении биологического оружия в нераспространении оружия массового поражения.
9. <http://www.bio.su/por.htm>. Покровский К.К. Интеллектуальная собственность в медико-биологических разработках как фактор активизации международного сотрудничества и обмена в области глобальной биологической безопасности.
10. <http://www.bio.su/str.htm>. Старицын Н.А., Волков В.Я., Тюрин Е.А., Стеганцев Н.П., Дьякова Т.А., Маринин Л.И. Физическая и биологическая безопасность на объектах, работающих с опасными и особо опасными патогенами.
11. <http://www.bio.su/kor.htm>. Короткин Л.М. Национальная нормативно-правовая база, обеспечивающая выполнение международных обязательств Российской Федерации по контролю за экспортом продукции биологического профиля двойного назначения.
12. <http://www.bio.su/hrr.htm>. Храмов Е.Н. Современные методы и средства экстренной индикации патогенов (потенциальных агентов биотerrorизма).
13. <http://www.bio.su/mor.htm>. Мошкин А.Г. Создание системы обеспечения биобезопасности, как информационной среды.
14. <http://www.bio.su/anr.htm>. Анисимов С.А. Инжиниринг и управление проектами создания современных биотехнологических производств.

## **МУНДАРИЖА**

Кириш .....	6	
I-боб.	Озиқ-овқат, озуқа маҳсулотлари ва ичимликлар ишлиб чиқариш биотехнологияси .....	8
II-боб.	Микроорганизмлардан олинадиган озуқа компонентлари.....	35
III-боб.	Қайта ишлаш асосида маҳсулотлар тайёрлаш .....	44
IV-боб.	Аминокислоталар ишлиб чиқариш .....	53
V-боб.	Органик кислоталар ишлиб чиқариш .....	67
VI-боб.	Оқсилли препаратлар ишлиб чиқариш .....	84
VII-боб.	Турли таркибли озуқа препаратлари ишлиб чиқариш .....	117
VIII-боб.	Озиқ-овқат саноатида биотехнологиянинг ишлитилиш чегаралари .....	137
Голоссарий .....	141	
Фойдаланилган адабиётлар .....	145	

**ХҮЖАМШУКУРОВ Н.А., ТОШМУХАМЕДОВ М.С.,  
НУРМУХАМЕДОВА В.З., РАМАЗАНОВ Н.Ш.,  
ДАВРАНОВ Қ.**

**ОЗИҚ-ОВҚАТ ВА ОЗУҚА МАҲСУЛОТЛАРИ  
БИОТЕХНОЛОГИЯСИ**

*Олий ўқув юрти талабалари учун ўқув қўлланма*

ТОШКЕНТ- 2018





